

甘肅府縣志輯

中國地理

民國秦州直隸州新志續編

中國地方志集成

甘肅府縣志輯 ③①

民國秦州直隸州新志續編

鳳凰出版社·上海書店·巴蜀書社

本書八卷，據民國二十八年（一九三九）鉛印本影印。

序

秦大州也自明以後屬縣五志乘亦有五縣爲之蓋列郡之
體制然也今改州爲縣矣則五縣各縣而不復相合然
未改縣以前五縣之官吏受政於此士子會考於此民人赴
愬於此固儼然州也操觚者倘不能使州自爲州縣自爲縣
豈非闕典歲庚申江南熊子儀縣宰將印新志始知木板爲
駐軍燬滅小半熊曰此大憾事也不可不亟補其缺方籌款
問士紳進曰旣縣矣州志尙缺二十年盍修補完全以終伊
古州郡之局熊避之議旣定羣以編纂相屬允聳然曰此吾

師吾父之成書予小子其曷敢任既而諉推不已

允惺然曰

此吾師吾父之遺志予小子又敢固辭乃開局採訪旋以地

方多故幾經停頓此次衆志期以必成適

允耄而兼病非復

曩日一日作九日休延誤遲久始告成事體例敘次一依新

志有可續者續之無可續者仍存其第幾之標目務使分之

爲兩合之爲一前編續編無或牴牾也惟人物微繁則以近

世之故鷄鳴風雨強半故交九原有知忍不爲之傳信藝文

則錄今者半補遺者亦半雖不復義主嚴格抑未敢事同濫

竽也嗚呼曩嘗傑直金坡之廬校史玉堂之箸竊欲有所撰

述成一家言而躬逢世亂恤緯弗遑今老矣戢影衡門爲邦
人結此殘山賸水之局亦可慨矣夫歲次閏逢閣茂臬月州
人任承允敬識

三少匠素小亲记海科一序

二

修志姓氏

監修

天水縣縣長	浙江奉化莊以綏
天水縣縣長	安徽霍邱姚展
天水縣縣長	安徽合肥江仁純
天水縣縣長	陝西武功張秀峯
天水縣縣長	陝西華縣楊瑞霆
天水縣縣長	河北冀縣王敬涵
天水縣縣長	江蘇溧陽王義訓

兼甘肅天第四區行政督察專員 遼甯海城盧廣績

兼甘肅天第四區行政督察專員 景泰安立綏

天水縣縣長 湖北沔陽黃忻

天水縣縣長 福建閩侯葉憶淝

總纂

清內閣中書州人任承允

總辦

前甘肅原道尹州人賈纘緒

分纂

清己丑恩科舉人鞏昌府教授蒲茂

清辛丑補行庚子恩正併科舉人張煒

清癸卯科舉人劉兆瀛

清辛丑補行庚子恩正併科舉人馬履德

清簽分吉林補用知縣癸卯恩科舉人楊炳

清丁酉科舉人蘇蓋

清己酉科拔貢張曦

清己酉科恩貢生鄧文浚

清增貢生哈鑄

清 廩 貢 生 劉 永 激

清 廩 生 成 權

清 優 廩 生 蕭 汝 玉

清 附 生 張 濬 川

清 增生甘肅優級師範學堂畢業 龐 鳳

清 歲貢生甘肅文高等學堂畢業 胡 心 如

清 附生甘肅法政學堂畢業 何 超

清 廩 生 趙 琨

清 附 生 莫 培 霖

清 附 生 張 舉

清 附 生 馬 恆 德

清 附 生 丁 佩 毅

清 廩 生 安 瀾

清 增 生 劉 綜

北 京 大 學 畢 業 聶 振 軒

北 洋 大 學 畢 業 楊 集 瀛

北 平 清 華 大 學 研 究 院 畢 業 馮 國 瑞

北 平 清 華 大 學 畢 業 馮 國 瑛

南 通 師 範 畢 業 蕭 椒 石

內務部地方自治模範講習所畢業 金 國 渠

國立武昌商業專門學校畢業 張 幟 興

江蘇省立法政大學畢業 王 世 昌

甘肅法政大學畢業 汪 青

蘭州中山大學畢業 張 幟 捷

甘肅省立第一師範學校畢業 田 俊

甘肅省立第三中學校畢業 聶 從 鎡

隴南師範學校畢業 趙 仰 嶠

甘肅省立第三中學校畢業 胡宗珩
甘肅省立第三中學校畢業 張紹宗
甘肅省立第三中學校畢業 趙紹祖
甘肅省立第三中學校畢業 韓紹黎
甘肅省立第三中學校畢業 張潤庚
甘肅省立第六師範學校畢業 周奮武

採訪

毛楨 劉寶賢 田德 劉渭昌 唐焱緒
黃肖申 張明遠 趙存仁 羅耀天 任承學

胡中林

丁耀毅

周繼志

趙恭

杜文蔚

王鎬

馬弼倫

蒲慰霖

張海

蒲養熙

萬考祥

馬向乾

朱炳文

牛汝驥

蒲明

楊蔚新

潘濟舟

趙仰岷

鄭仰僑

高仰之

成九齡

王西堂

校對

蒲含霖

趙珩

事務主任

楊繼昌

田俊

鄭仰僑

文牘

蒲含霖

會計

葛鉞

收發

趙仰岷

庶務

王超

書記

卷州直隸州新志續編

冬志生天

五

新華書局

秦州直隸州新志續編卷之一

沿革第一

仍新志

山水第二

仍新志

地域建置第三

續建

建置

山川如故也地域城市如故也二十年中沿革無可言而建置則紛紛自甲午庚子以還心熱東隣之驟變西法崛起海隅一時銳意更新貿然茫然效顰踵武甘肅僻處邊方瞠乎其後然亦奉行惟謹矣火由此然泉由此達其天地氣機之動而莫克自主歟在吾州者雖寡寥寥數端而世變可睹焉嗚呼廿四史皆已往之陳跡也一代得失之林曷可弗志因并祠宇

名勝之增葺及地方事之可記者依先後次敘之續建置第三

同仁局在大城之保甲局 州幕刑部主事皋蘭于登瀛商同巡道姚協贊由二十一國各

官集貲共 千緡設立病施藥死施棺寒施衣鰥寡孤獨均有沾溉故名之曰同仁各官集

貲爲各官募集州人多年未嘗過問至光緒三十年署知州潘齡皋撥歸天水文社代管

洋礮局在大城之供給所 前州牧陶模總制陝甘時爲秦州捐購開花礮四尊快槍四百

四十枝檄州人士赴省領取并習射擊術又捐錢千緡爲每年演放擦洗費嗣於光緒三十

一年署知州潘齡皋捐擦洗費六百緡

槍礮皆爲大力者取去已無一存然勤肅之惠不可沒也

關帝廟

文昌宮 二祠均於光緒十五年開工重建十八年落成在籍吏部主事蘇統武奉道州諡

監修

東關城 東關城大而學薄年久將圯光緒二十五年舉人周務學督工重築雄厚遂爲五城冠餘詳藝文修東關城記

敕建陶勤肅公祠

私謚任文介公祠 二祠在三台寺之南拓崖得地光緒二十九年舉人周務學募捐創建

正殿各三楹前有拜庭其下正對樂樓

光緒三十一年署州事潘齡皋捐二祠歲修費各五百緡

玉泉觀 光緒二十八年州紳張思忠募捐重修程工所及爲玉皇殿倉聖宮草堂明眼亭

草堂本乾隆中爲知州劉斯和所建生祠劉讓而弗居改祀杜工部自此遂稱工部草堂然名焉而已舊制晦蒙不爽且道院在此尤厭鬱雜乃於迤西鑿崖別闢一院以棲道流草堂

則軒窗開朗頓成雅觀哈太史銳又繪少陵笠屐圖之懸於中遂爲一州名勝之區明眼亭
在觀之西南盡處東西川原全城在望春秋佳日遊客多聚於此舊制亦樸陋一經改作敞
爽宜人矣

南郭寺 光緒二十九年舉人周務學黃國珍募捐重修東禪院住持中絕增壯工部喇庇
之北構軒庭三楹高瞻遠矚亦遊讌佳處也餘詳碑記

山雲閣在藉水堤之內宋公祠之東 州紳蘇統武以修雲章閣關帝廟文昌宮餘材河堤
每歲節省餘貲罄十餘年之力陸續成之西一院分二層後殿祀前輩秦階道重軒樵前殿
祀陶勤肅公再東之羣廟則祀前知州李宗笏王鎮鏞前主講天水書院衛淇園蒲修政暨
其妻王烈婦門樓之上前位托剛烈公像後位二龍王像極東之院爲八蜡廟

敕建丁公專祠 河湟之亂前巡道丁公練團募兵和輯回漢地方得以無虞宣統元年公卒二年京朝官奏准在秦州建立專祠至三年世局驟變誰暇及此然朱邑桐鄉豈可無奉嘗之所羣議以山雲閣陶勤肅公神位歸併於三台寺之專祠卽以此殿祭丁公一時權宜蓋不得已世運隆平之日相地經營俟後之君子

隴南書院改建隴南中學堂 光緒三十年巡道王樹枏易門榜曰甘南中學堂未久調任平涼課程未暇改也至三十二年署巡道李璜改建隴南中學堂

文社兩等小學堂 會福寺有天水文社舊址因文社移於周托公祠久爲廢地光緒二十一年重加修治立文社兩等小學堂旋廢

亦渭兩等小學堂 光緒三十二年州紳陝西渭南縣知縣張世英捐俸建初名敦本後改

亦渭初建西關關公巷旋遷文社兩等學堂舊址

秦州教育會 宣統三年由文社改名

秦安景權書院改建縣高等小學堂

清水原泉書院改建縣高等小學堂

禮縣禮興書院改建縣高等小學堂

徽縣鳳山書院改建縣高等小學堂

兩當香泉書院改建縣高等小學堂 光緒十六年知縣事蘇重熙嫌舊廣香書院規制簡

陋地勢不做移建於東街易其名曰香泉至是改爲縣高等小學堂 餘詳學校門

兩當忠義祠 光緒十年知兩當縣事陳昌重修文廟於廟左建忠義祠祀髮逆之擾殉難

官民

兩當河隄城堡 光緒十六年知縣蘇重熙修西門外河隄起西門訖南門長六十餘丈沿

隄植荷柳二十一年修西山堡宣統三年知縣張其霖補修城垣

餘四縣採訪冊無建置

郵政 光緒三十二年秦州暨五縣同立局 驛站天下之大費也止於傳遞官書民間無

與光緒中變政先仿西法在腹地試辦郵局以為裁撤驛站之漸價廉行速遠近無滯而公

家所入亦鉅 秦州邊隅也歲入至一萬七千餘元 至此推行於甘肅新政之中最能宜公宜私省城有總局各州

縣設一分局四鄉山大鎮商人包辦全國章程一律 秦州為二等甲級郵局

警察 光緒三十二年秦州暨五縣同立局 秦州由舊保甲局改設六城各一局警官則

巡道差委兵則招募費抽六城肆租十之三定額兵不踰百名街市各段設崗位夜有警燈
秦安總局一分局二警官四警兵十六餘四縣採訪冊未開載

宣統二年京師成立諮政院選用議員秦州公舉舉人羅其光充諮政院議員各省各州縣

立自治會參事會

秦州則州紳張世英輕弊恤民
局附之五縣亦同時成會

食貨禮俗第四

食貨禮俗視政綱爲轉移者也近年新政雖行百方籌款然不敢加賦不敢累民盜賊未起
則田賦之出納官費之支銷商賈之流通皆如故也中學爲基西學爲輔言論雖淆本實不
撥禮僅存則俗無由驟變也惟荒政原附食貨門因續荒政第四

荒政

光緒三十一年州西南鄉因旱成災署州事潘齡皋稟請卽就西南鄉殷實戶勸捐以賑共集錢千緡擇舉人葛秉堃杜樹植生員蒲芳金國棟分路監放其章程均照戊寅年陶勦肅公所定三月而止餘賑款一千緡撥作陶任二祠歲修費

宣統元年六月州北鄉隴水暴漲決堤淹沒禾稼人畜房屋無數署州事徐普發銀二百五十兩救濟又以工代賑堤以修復

五縣採訪冊無荒政

學校第五

選舉附

學校盛於三代其取士之法不得而詳至唐始行科舉至宋始立書院亦千餘歲矣九年立憲毅然變制首議停科舉而復學校特設教育部總持其事取歷代造士之制并參以西學

將以得通材圖自強也其制初等小學堂五年畢業升高等小學堂四年畢業升中學堂分文科實科四年畢業升京師大學堂或專門學堂小中大各學堂之畢業優等者仍予以生員五貢舉人進士翰林之出身則學制雖改而由科舉蛻化原非二事州五屬遵章改絃但發軔草創不過一時之制聊記其大略如此光緒十五年以後至停考尙有數科則舊制之不可或缺者也續學校附選舉第五

科舉考試條例已詳新志

甘肅中學堂 光緒三十年立未開辦改名隴南中學堂巡道爲總辦別委監學一員教員多聘省城中學師範畢業者生徒四五十人畢業後擬給優拔歲貢出身旋又改爲隴南師範學堂因章程迭變終未照章畢業

秦州中學堂 宣統二年知州賴恩培立未久以經費不充生徒寥寥歸併於隴南中學堂

秦州小學堂 光緒三十一年知州李瑞徵立堂內設副辦一員教員三四學科有國文修身歷史地理算術體操後又增理科圖畫手工樂歌四年畢業取分二等照章給獎附出身宣統二年由視學員荆士莪監視畢業二十四名

天水文社公立兩等小學堂 光緒三十年州紳任承允以文社公車基金餘息創設學生七八十人宣統二年冬高等內畢業七名給獎增附出身後併於秦州小學堂

敦本小學堂後改亦渭兩等小學堂 州紳張世英捐設聘州舉人蒲作新陝西士其昌爲教習學生數十人時尙無畢業者

女學堂惟西關董之明創辦一所在後街二銘塾巷

秦安縣高等小學堂 光緒三十一年知縣杜翹立教習二員學生正額四十名備額二十

九名四圍四鎮各設初等小學堂一所嗣增設城內初等小學堂二所學生均以二十名爲額

清水縣高等小學堂 光緒三十二年二月知縣余重基立教習二員學生二十二名基金

四千元城設義學一所東北南三鄉各設義學一所

禮縣高等小學堂 光緒三十二年知縣穆騰額立學生正額三十名

徽縣高等小學堂 光緒三十一年官紳合立分縣域爲五學區城鄉共立初等小學堂三

十餘所

兩當縣高等小學堂 光緒三十二年知縣李錦章立

選舉

秦州進士

秦州舉人

秦州貢生

光緒己丑 恩科十五年

聶天恩

陳鈞

葛挺生

以

官環縣
訓導

張鎬

有傳

以

葛秉堃

張純修

以

汝恆年

以

官新
馬善南

吳其元

縣
廳

蒲茂

官
府
教
授
梁
昌

聶
湜

官
縣
教
諭
隴
西

周務學

安
用
知
縣
徽
特

吳必發

光緒庚寅 恩科十六年

葛汝葆

史寅

江西即用知縣

恩

有傳

劉文林

歲

辛卯科十七年

趙啓文

蒲作新

州優官
教諭

有傳

鄭文蔚

歲

劉兆庚

陝西
補直州侯

鄧南琦

同

歲
有傳

關天眷

壬辰科十八年

哈銳

翰林
庶吉士院

刑部
散館主事

改山縣

知縣

關念穀原名天眷

四川知縣

署都縣

癸巳 恩科 十九年

陳養源

汝槐年

聶桂芬

山西 大使

王郁文

王振川

甲午 恩科 二十年

甲午科

任承允

蒲春霖

葛特生

中官 內閣 特開

候補 知縣

蒞

侍讀 郎 補 祿

仙鵬

督米 倉 監

馬乾德

陳養源

官平 涼 府 教授

官 山 東 鉅 野 夏

梁嵩冕

縣 津 縣 知 傳

四川 大 使

何開選

一歲二十

丁酉科 二十三年

王時藻

緞用高

蘇蓋

拔

官安定
縣教諭

周遷善

關天培

優官
甯縣 訓正

湖北
候補縣候

導

吳衍鑒

羅錦堂

官正 學正 岷州

鄒安成

戊戌科二十四年

楊潤身

官法部 主事

補遺

辛丑補行庚子

恩併科 二十六年

明牛 麟

杜樹植

賈纘緒

翰林院 檢討

揀選知 縣

副四川 候補知

新志有舉人

馬履德

縣

此名已不知其

安徽庫大使

蒲作霖

科分

張煒

恩州候補直州判

羅其光

李榮

陝西候補同知

歲

陝西候補同知

杜樹植

歲知縣揀選

劉蔭萱

歲候選訓導

癸卯科二十九年

王廷颺

王廷鑑

官吏部
主事

張鎬

湖北鹽
大使

胡文煒

官廣西
天保

河縣知
縣

楊炳

吉林候補知縣

劉兆瀛

四川鹽大使

甲辰三十年

王廷璞

歲

丙午三十二年

張汝翼

優提
法四
司川

經歷

周榮鼎

憂
府
經
歷
南

戊申
三十四年

楊景雲

歲

尹企華

歲

宣統元年巳酉

鄧文浚

恩

王毓西

恩

張曦

軍拔
部官
主陸

事

鄧冕

候拔陝西

縣

葛篤生

歲

王存信

歲官伏
羌教諭

李天璇

胡應選

邢鑑堂

歲年分
均失考

宣統三年

萬世安

優學堂
畢業

劉寶賢

歲

秦州武進士

秦州武舉

光緒己丑 恩科十五年

張鈐

裴登鰲

馬毓瑞

楊鳳舞

劉耀武

楊德武

方印其

辛卯科十七年

朱兆元

胡玉章

光緒壬辰科十八年

張鈐

侍衛三等直

都隸定州

川參將

甲午恩科二十年

甲午科

馬毓瑞

朱登雲

花翎副

金國權

點藍翎

兵部差

欽定大清會典事例

卷八十一

七

南州國民印刷局排印

趙鼎鐘

乙未科二十一年

張煥斗

三等
衛州侍

都司

朱登雲

衛守備

丁酉科二十三年

楊繼宗

兵部差
官

董會元

秦安進士

秦安舉人

秦安貢生

光緒乙酉科

張肇基

吳鈞

戊子科

副

丁錫奎

馮振甲

侯垣

副

司敬民

王友曾

光緒己丑科

王濟

江蘇
知縣

乙丑 恩科

伏衍羲

徐錫章

大挑
北知縣

成适

大通
訓導縣

拔部小

京官
主事改升

陝西
縣知縣

王瓚

拔部
農商部

小京官

王運乾

拔

禮部
京官小

王辰科

鄧廷苞

伏衍義

優陝西知縣

刑部主事
改部四

縣

川知縣

伏景毅

丁錫奎

優

官陝西
靖邊知

王偉度

縣

以下均
次序依原

册

張湜

癸巳 恩科

徐松壽

張慎言

蔡鈞

趙養廉

張崇高

通渭縣訓導

王元

甲午 恩科

李標

張肇基

鄧廷英

江西知縣用

安世俊

甲午科

王浴

高守愚

安永吉

正 河州學

焦蕙芳

許汝霖

成憲章

丁酉科

成含章

魏垂象

仇金錫

吳之埏

胡珍儒

辛丑補行庚子恩正併科

楊兆圖

孝廉方正

高秉衡

邵廷苞

縣揀選知

安之瑄

高峻崧

州同

同福建州

徐呈祥

庫大使

魏維翰

辛丑壬寅 恩正併科

魏垂象

官福建
福清縣

知縣

癸卯科

周文炳

新驪庫
大使

秦安武進士

秦安武舉

光緒乙酉科

高駿烈

王錫齡

戊子科

劉河清

己丑 恩科

王清泰

王琮

楊啓疆

孟偉烈

劉漢傑

辛卯科

岳天秀

光緒壬辰科

李永吉

劉河清

官三等
侍衛

關都司

甲午科

張萬年

丁聯鑑

丁錫秩

丁酉科

楊登雲

岳炳乾

王永申

劉中元

李景毅

張步衢

丁維銳

謝封申

清水縣舉人

清水縣貢生

光緒辛丑恩科

王曾選

李桂森

恩

新疆試用知縣

汪鑑

恩

安汝止

拔

劉瑄

馬騰蛟

拔

楊集慶
均以歲下

王蘭芬

張統緒

楊茂

王奉三

魯炳

王炳林

張餘慶

劉士傑

王自清

魯琢

趙維藩

楊萼

王肇基

清水縣武進士

清水縣武舉

米生富
原册未敘
分官階

光緒己丑 恩科

米生富

張繩祖

癸巳 恩科

王德誠

任敬棠

丁酉科

馬萬選

禮縣進士

禮縣舉人

禮縣貢生

光緒壬辰科

焦守貞

焦志賢

光緒十五年恩

官度支
部主事

有傳

梁成秀

恩十九年

孫文俊

恩宣統二年

光緒癸巳

安存義

張一心

恩三年

山東候補
知縣

沈樹藩

甲午科

丁酉拔

梁士選

蒙賜升

乙未科

孝廉方正

拔己酉

梁士選

馮子煜

劉寶鈞

官內閣
中書改

沈一新

拔己酉

陝西紫
陽縣知

何其正

趙舉春

縣有傳

張錦華

孟錫齡

黃輯瑞

梁棲鳶

劉儀秦

黃兆瑞

陳繼虞

王佐

張懋功

張尊美

楚敦復

沈會瀛

劉重鐸

蘇文海

張綱藻

塞士謬

姜肇基

楊蔭春
均以歲

武科無

徽縣舉人

徽縣貢生

光緒辛卯科

趙峻德

顧任

州判拔

中衛教諭

安應嵩

癸卯科

拔州陝西
判

趙守愚

趙鐘靈

四川州
同

拔州

孝廉方正

張泰

吳來聘

張積善

趙一德

杜松年

張續賢

段大文

恩

蘇又坡

馬步仁

李增華

員含章

張映川

楊有源

安迺吉

王纓

恩

萬克昌

武科無

恩

兩當縣貢生

原册人名
多新志附

有者均除

光緒丁酉科

索穎祥

拔

宣統己酉科

卷之五

蘭州國民印刷局排印

索呈祥

拔

雷步洲

恩

羅德俊
以下均歲

羅新邦

馮麟群

張文昇

王廷獻

王冠

曹尙楨

王論

閻雅望

張金海

馮邦俊

王樹楠

韓永治

雷步衢

武科無

秦州仕宦
虛街不錄

光緒三十三年丁未補行丙午科考職

德萬天 巡檢

梁耀宗 巡檢

鄧鼎

新編即用巡檢 馬恆德 典史

何

超 安定典史

唐焱緒 典史

宣統元年己酉 恩科考職

趙琨 巡檢

王廷翰 巡檢

劉培林 巡檢

謝庭蘭 巡檢

蒲含霖 秦安典史

陳銘章 典史

潘其瀚 陝西補用主簿

張銜 陝西試用知縣

劉汝冕 廕生由禮器庫簿正改度支部主事

張

鏡 由主事任陝西紫陽縣知縣

王綸

選 官四川蓬山縣典史

武天駿 附生浙江候補知縣

劉汝明 陝西候補知縣

張

錡 四川知縣

劉

綜 四川縣丞

劉杰

附官署女定縣訓導

鄧南琦 咸陽署成縣訓導

王

琦 附官署涼州府教諭

武天銘 分省補用知縣

張步瀛 附生新縣試用巡檢

武

應揚增生候 武朝選試用 劉天佑翰林院待詔 武 整四川補 劉允執州同 劉學仕州同

溫茂蘭巡檢 王樂山典史 鄒向魯議敘

劉成圖副將留壘 王彥清副將西甯北川營 何 齡甯夏 黃兆祺署新鹽右 郭登魁

候補 趙興旺補用 趙呈祥花翎 成其高守備署利 董得勝新鹽補 羅元章秦州營

馬武毅署秦州 王奮揚甘州提 王廷舉哈密 成 齡漢中營

秦安仕宦

徐松壽縣丞 蔡 倬四川 徐 杰典史 王握乾甘肅 李蘊珍新鹽 張正中典史

李映棠巡檢 王峻德巡檢 馮 渭巡檢 巨國楨環縣 高鳳鑄主事

清水縣無

禮縣仕宦

禮縣新志仕宦門僅註例貢軍功而無某官者甚多均未錄

馬炳堂 世襲雲騎尉

張元德 前聖公管鈞官

黃毓璿 千總

楊國梁 照磨

劉荷陽 從九

王平章

從九 劉重錦 從九

王 綬 從九

廖廷舉 千總

秦順興 備先補川守備

韓喬雲 從九

馬士俊

縣主簿 馬履豐 雲騎尉

馬應徵 縣丞

徽縣仕宦

趙其璋 四川知縣

趙潤民 四川南充蓬山縣知縣

許上達 附生府經歷

趙毓靈 藍翎縣丞

趙其昌 四川巡檢

蘇國

寶塔 塔都司

張新銘 陝西甯都司

馬盡忠 四川都司

兩當縣無

秦州直隸州新志續編卷之二

戎政戰防第六

甲午中東戰後新軍萌芽南北洋均開武備學堂培植將材庚子而還各直省遂編練陸軍別成勁旅變法之主旨本在此也甘肅以民貧地瘠防營雖改新操而事仍舊貫綠營汛守如故兵額則限以歷年減成而已無可述也二十年中戰防則一有之續戰防第六

戰防

光緒二十一年河湟回族作亂秦安清水迤北皆彼人聚居叛黨潛誘漢奸乘機挑動謠言四起民心惶懼岌岌殆不可終日前分巡鞏秦階道丁體常急檄知州事張琦簡拔六城丁壯編練團防嚴查出入禁止造謠又檄前提督文象奎招募定安營駐北山以壯聲威戰守

有恃固闔大靖乃進其首領申明信義約以各戡部衆勿詐勿虞於是疑慮頓消誓以無虞

時丁巳升本省臬司父老籲請大府借寇一年至河湟肅清戍嚴始撤是役也防而不戰然

戰非幸事也防顧可少哉

時巡道檄所屬均辦城防秦五馬高
然謀所以自衛者但探訪册無之

補遺

康熙十三年冬平涼提督王輔臣叛應吳三桂隴古諸州縣相繼皆陷

故新志謂五月三
日先據秦州

十四年閏五月大將軍貝勒洞鄂統兵圍秦州城中賊衆屢出犯賊黨之自平涼四川至者

結寨南山上勢日張貝勒乃檄右都督甘肅總兵孫思克以三千人駐州城西逼賊賊乃力

緝偽總兵陳萬策偽道馬肇升詣思克營乞降偽總兵巴三綱遁遂復秦州

南山上賊潰走孫思克協振武將軍佛尼勒追擊於鹽關敗之乘勝克禮縣隨復秦安清水

及各隣縣

十五年正月陝西提督王進寶駐秦州時僞將軍王屏藩吳之茂均窺伺州城二月之茂直進歸北山絕官軍餉道進寶會將軍佛尼勒大敗之擒僞總兵徐大仁追擊敗賊衆於羅家堡又敗之鹽關賊復集潰卒萬餘築壘排椿據鐵葉峽紅山堡潛運儲糧進寶力戰殄賊於壯丹圍擒斬僞官獲糧械無算進寶旋復固原改授固原提督乃移駐固原

十八年冬提督趙良棟將五千人征徽縣破密樹關擒賊大將徐成龍遂復徽縣城同時王進寶遣其子副將川予復兩當

職官第七名官流寓附

慨自咸同軍興以後捐例濫觴仕途日雜迨承平既告又無整頓更始之意以持其後吏治

江河日下矣然計典以懲貪也不飭蓋者有之而無能肆也設官以教養也不恤民者有之而無以厲也蓋道揆法守質幹漸盡形埒猶存四維之張誰弗競競焉官斯土者才德雖互相優絀求如新志所謂盡心於法外者當其在任時或有不鑿於人心然居今而追憶之又孰非循吏歟事在千秋罔敢一濫擇其尤有益於文教民事者數人為之傳以風有位其不傳者亦大概可觀矣續職官附名宦第七

官制見新志無改易

分巡鞏秦階道

秦州知州

秦州吏目

易孔昭

張珩

光緒十五年署

州判卽三岔廳官册遺失

湖南人

江西宜黃人
實任二十年

無從查開故
移吏目居此

丁體常

厚凡四至性寬
不擾民任

何福均

有傳

無事多年雞犬
無驚然乏幹

張朝忠

常祥

少材人亦以此

奉天人

旗人

查之屏
年署

徐楊義昌

趙時熙

福建人
進士

江蘇人

河南假城人
進士由部曹

朱銑
年署

杜元模

簡放

安徽人

浙江人

王樹枬

楊宸模
年署

直隸新城人
進士

湖北雲夢人
有吏才惜未

慶恕

久歿於任

奉天旗人進士涼州府

潘齡皋 三十年署

升任

直隸安州人翰林山泉齋

白遇道

調署勤政而敏辦西南鄉

陝西高陵人翰林

賑籌撥陶局公祠洋燉局

李璜

歲修費均其政之足記者

湖南人

李瑞徵 三十一年署

英璞

山東人吏員

旗人

徐普 宣統元年署

恆啓

江蘇江甯人

旗人

賴恩培 二年署

向榮

陝西城固人
拔貢

湖南衡山人

沈模 三年署

浙江人

秦州學正

秦州訓導

李守謙

李桂芳

甯遠人
乙亥舉人

固原人
恩貢

楊國培

鄭善令

秦州學正

卅

蘭州國民印刷局排印

會館人乙
西校貢

合水人
歲貢

牛西臺

祿世昌

通渭人
廩生

皋蘭人
廩生

何炳

于宗寶

肅西人
貢生

皋蘭人
廩生

白册侯

馬河圖

甘肅人
已舉人

通渭人
子舉人

謝敬熙

伏羌人
舉人

于郁

甯州人
漢貢

秦州營遊擊

賈鴻增

江蘇丹徒人
光緒乙未河

湟之亂防城
盡力平日禮

師儒喜施予
民情愛戴

孟根和

江蘇人

朱應龍

秦州人

蔣松林

湖南湘陰人

玉潤

有傳

秦安縣知縣

秦安縣訓導

秦安縣典史

鄭業啓

常九齡

趙俊卿

湖南人

新豐鎮西人

陝西人

王兆鼎

湖南人

謝敬熙

伏羌人
舉人

查振藩

湖南人

劉全順

陳種德

張國楓

江蘇上海
人舉人

徽縣人
舉人

杜紹勳

周應澧

湖北人
舉人

泉蘭人
舉人

黃燾

花湛霖

湖南人

階州人
歲貢

張時熙

湖北黃陂人

杜翺

山東人
翰林

黃國琦

廣西邕州人
進士

清水縣知縣

清水訓導

清水典史

馮椿蔭

蕭秉揆

楊詡

直隸人
監生

諱貫未詳
孝廉方正

四川人

王開甲

段維翰

畢壽昌

湖北人
監生

泉蘭人
歲貢

湖南人

惠福

余宗賢

旗人

河州人
拔貢

王長

王樹濤

陝西人
舉人

泉蘭人
舉人

陳筠

曹兆乾

湖南人
監生

泉蘭人
舉人

袁範

能盡職

安徽人
監生
凡三至剛正

王尙清

而不持法不
阿壽添學款

靜僧人
歲貢

能費苦心

王鎔

方傳穫

欣道人
歲貢

安徽人
監生

韻炳麟

鄧朝卿

伏光人
歲貢

江西人
監生

史文光

湖南人
監生

有政聲

余重基

江西人
政尚寬和
民生

情愛藏
學堂尤
著勤辦

勞

張作霖

湖南人
醫學生

孫雲錦

陝西人

黃爲楷

江西休甯
優貢

萬鍾祿

福建人

劉炳堃

陝西人
舉人

傅景賢

雲南人
舉人

張華林

安徽人
廩生

禮縣知縣

禮縣訓導

禮縣典史

劉立誠

陝西人

雷鳴夏

慶陽人
歲貢

黃緒昌

順天人

張鋈

湖南人

柴樸

皋蘭人
舉人

李華清

湖北人

羅運巒

江西人
凡四至

李思范

安化人
貢生

歐陽翔

湖南人

王兆鼎

湖南人
監生
長沙人

金文端

皋蘭人
舉人

漆景昇

江西人

余重基

江西南城人
監生

孫耀樞

舉人
泉蘭人

劉宗德

湖南人

朱海

江蘇揚州人
舉人

王炬南

西寧人

潘運衡

湖南長沙人

穆騰嶺

有傳

張化鵬

帝州人
歲貢

李茂春

雲南人

邵韻棠

陝西長安人

廖振鋈

舉人
泉蘭人

竇貞元

金縣人
廩貢

姜殿清

伏羌人
拔貢

徽縣知縣

徽縣教諭

徽縣典史

龔炳奎

王建基

李班瑞

湖南人
廩貢

礪伯人
貢生

湖北人

劉薌毅

廖振整

馬鎮源

湖南人

崇蘭人
舉人

湖南人

宋之章

楊永清

席重珍

陝西人

張若金

四川人
監生

田應奎

湖南人
軍功

趙鏊

湖南人
附貢

唐受桐

湖南人
軍功

岷州人
附生

郭銳嘉

肅州人
廩貢

謝文俊

海城人
附生

呂芳規

洮州人
附貢

山西人

董雲標

奉天人
進士

陳明德

湖北人
軍功

鄔緒棣

湖南人

馮卓英

廣東人
舉人

鄭賢炤

舉人 福建人

李彥輔

舉人 廣西人

王建

舉人 陝西人

惟康

漢軍旗人

徐登第

舉人 陝西人

兩當縣知縣

兩當縣訓導

兩當縣典史

蘇重熙

舉人有傳

段維翰

舉人 皋蘭人

張黼廷

江南人

蘇保國

雲南人 進士

陳善

文縣人

陳邦基

江西人

孟澄

鄧州人 進士

余宗寶

皋蘭人 拔貢

陳兆奎

皋蘭人

胡鵬年

江西人 廩生

李濤

伏羌人 舉人

單元亨

北京人

李章錦

湖南長沙人
監生

李景

山東登州人
舉人

陳良均

陝西人
進士

紀毓蘭


湖北人

張其霖

雲南人

補遺 新志秦州衛指揮使吳氏止吳懋學指揮僉事堅氏止堅守仁皆係中間承襲之人首尾不具此必採訪未及僅憑官冊遂致世次脫缺兩家子孫著籍於秦數百年矣譜牒分明確有可據補志如下

秦州左所千戶 岷州衛元帥府達魯花赤堅墩有洪武三年朝覲贈其子忠蔭賜千戶世職



秦州左所千戶世職

尚州國民印刷局印

秦州衛指揮使 吳祖為明開國功臣封靖海侯洪武二十五年授其子烏二八指揮世職

鐸 嬰幼 繼政 懋學 承祖 來凡九

吳烏二八 始封 勝 傑 越

鐘 代費

名宦

陶模字子方浙江秀水人由庶常散館選文縣知縣調皋蘭升秦州光緒乙亥冬抵任丙子

春捐廉八千餘緡修藉水廢堤親臨督工丁丑大旱同紳民步禱累月災既成設局勸輸以

賑專任士紳不假胥吏活陝之流亡數千人州境亦無一餓殍賑餘千餘緡自捐三千緡設

郵務局通稟立案交文社代管又以工代賑築呂二溝隄念隄不歲修則潰敗與不修同擇

蘇主事統武獨主之數十年水患用息尊師儒重風教增義塾嚴月課士之貧者借抄書以資其生秀民之害俗者擇其尤置諸法公衙白之用仰給於市皆平以時價蠶革抑勒供差之舊習廉剛無欲勤簡不擾官蘭州府時捐置秦州試館以庇寒峻及督甘又捐買秦州城防快槍四百四十枝開花礮四尊檄州人士赴省習射擊術且捐錢千緡爲演習擦洗費此舉或謂爲全省門戶計慮深且遠然秦民則實私其惠新志所謂不阿徇不粉飾不要近譽不狃目前懇懇乎爲民興利除患者洵無愧焉歷官由甘督移兩廣以終謚勤肅模爲諸生時以理學名自縣令至開府從未攜眷身後老屋蕭然無千金產尤近今循吏之罕覩者州人請於朝建專祠於三台寺其卹廢章程河隄記德政碑均載新志藝文

姚協贊字聲剛奉天人由編修簡放鞏秦階道首重文教親批改月課卷以隴士素不精求

楷法詩賦捷禮闈後便無一長可恃課卷改用白摺間月加一賦課并七言八韻詩以儲館閣材謂士先器識不可專錮精力於帖括選可造十餘生每月入署課性理經解史論以厚根柢以裕經濟謂為學必本窮經窮經以先入為主常親集全城之塾童普訓講解分優劣獎勵因之各塾師亦教授加勤又患臘正月放假諸生多嬉遊玩日懸燈謎於轅門組以經史射中者酬之以錢使皆以翻書為樂用代誦習為生徒計力亦勤矣而諸習皆出於捐廉培植之效足與先輩嚴董相埒其吏治不苛不弛絕苞苴杜請託尤嚴於懲惡訪得著名士棍作長枷駢荷以徇於市風俗為之一變創設同仁局督修秦州新志皆其政之大者後終

於究沂曹濟道任其諭隴南諸生示見新志藝文

後之巡道親閱課者又有慶恕字雲閣奉天旅人好著作而文壇不深又時將停科故諸生不甚發

性然奉勤懇之意未可沒也

丁體常字慎五，貴州人，爲名臣文誠公之長子，少侍文誠官南北河，習吏治，內介外和，爲政一以簡易，道人爲主，由廕生官，郎中改山西知府，升授河東道，奉文誠諱，卻鹽商賄十萬金，服闋，簡鞏秦階道，友仁禮賢，下情無壅，不求赫赫名，自然吏靖民懷，光緒乙未，河漕回亂，起州屬秦安、清水、邈北，其族聚居，甚衆，秀人乘間鼓煽，首蠢蠢，忠動矣，體常據專綫，先據丁壯，練民團，令在官人之有家者與民一體，不許規避，嚴查保甲，肅清內患，檄前任遊擊文象奎募定安營駐秦山廟，以壯民團之氣，北關設糧臺，車馬以應，護送以兵，毫不累民，兵或擾民，立斬，以徇，戰守既有備，乃進回民首領，申明大義，撫之，感服，反側漸安，大禍潛消，南廣之人，遂得共享安全，其時已升本省臬司，紳民籲留，至兵事息始去，任城鄉暨各屬縣，懸額銘德，者堂廈爲滿，嗣調任廣東布政使，護理廣西巡撫，皆病寄籍山東，優游林下，數

年於宣統二年卒甘之京朝官呈都察院奏准在秦州建立專祠

丁嗣之遺道日龍馬慶年仁發胡國舉人在任值禁烟賑荒草笠亡

甘肅通判甘肅按察使凡七年告老歸在隴南係署事無大政績然其道德風節為關西名人均附記於此

譚繼海字敬甫湖南瀏陽進士光緒三年任鞏秦階道四年抵任為政務闢利源嚴禁種煙

提倡蠶桑遠致浙江桑苗並召湘南絲工教民紡績時地乃尙不知有牛痘公設局勸種民

不之信以己子先之有從之者獎以綵帛遣人日往看問民感其誠久之始興凡此皆捐廉

為之其勤惠愛民如此今道署後桑陰扶疏民比之如甘棠焉官至湖北巡撫子嗣同曾侍

游秦州與狄道李景豫有酬唱之雅後死戊戌變法之難

王潤宇潯川姓紀氏漢軍鑲紅旗人出二等待衛轉鑾儀衛侍衛外授甘肅西甯城守營都

司時值河湟回變道途梗塞知友皆止以危言潤單身裹餼糧步行數百里抵西甯納部衆

憲入嚴城人服其膽光緒三十年升秦州營遊擊至辛亥事起行派黃鐵統驍銳軍赴援道

出秦州屯駐北園壬子正月二十三日入城獨立濶遂死之

劉元續字鑾亦雲南保山舉人出平羅調補秦安縣同治初軍興各兵雲集縣境十餘萬元續設法供給而軍士或慮長則懲治無畏忌故人心安靖如常後以督上官落職久之得復職年已老矣子樹棠著直隸按察使迎養以去邑人至今思之

詳按清水縣採訪冊名宦七人新志已有傳續修之例不應重出凡秦安禮縣亦然非

刪削也

王錫銜湖北黃陂舉人咸豐間知禮縣愛民訓士實心實政邑同無賓興費寒士當秋闈皆裹足錫銜籌助資斧士林賴之其先有張崇本四川瀘州舉人興利除弊不遺餘力營補築

城垣數十丈其後有盧泳清湖南甯鄉附生忠正持平立社倉以備荒增膏火以勵士

雷文淵字仙枝四川綿竹舉人知禮縣禮士優紳民寬政簡刑清上下相親如家人時值太

平年親民阜衆皆歸功於官清所致和城修志皆捐俸為之去後邑人念之不置

穆騰額正藍旗人光緒三十一年署禮縣時創設學校督勵勤而力邑之教育實基礎焉勤

政愛民良吏也

禮縣新志無此人而採訪冊有之

謹按徽縣採訪冊無名宦

陳昌字世五銅梁進士光緒九年知兩當縣以惠為政積年徭役陋規多所除免文廟自匪

亂後日漸頹敗重葺一新廟左建忠義祠祀殉難官民立碑為文以記

補遺

李繼洛字幼瞻靖遠舉人官清水訓導博學多聞行誼篤厚士林皆以爲不愧師儒前所未

有也其後有劉鶴年皋蘭舉人有學有守衆望允孚立惜字社刊碑以記見藝文志二人見新職官表據

此次採訪冊注
語增補立傳

蘇重熙字耀生淄川舉人光緒十五年官兩當以舊廣香書院簡陋方增葺舉工旋因地勢不敞又移建於東街張氏所捐故宅改名曰香泉而以前書院爲黃花義塾每朔望親課生徒陶甄誘獎士氣大振乙未河湟之變巡道檄辦防務兩當城壞多年倉猝不及修治且度其形勝有城亦不可守別相地於西山高處據險築堡以爲避兵之備又增修城西南水隄其利大而且遠勤政不苟惠愛及民邑人戶祝至今

流寓

王予望字荷澤別署繡佛頭陀隴西人康熙間由拔貢官闕中知縣以落款難合官歸家居時與鞏昌知府相往還知府升任去予望郊送之不久年暮案發知府以年暮罹禍予望因郊送之故牽連被逮下獄陝甘總督憐其才力爲昭雪得釋嗣後浪遊山水嘗秦州數年寓北關之彌陀寺狂草侵入晉唐之室能自成一家古寺中遺跡尙多其文刻碑十餘篇峭潔爽目不落恆俗議論亦出新動人一望知爲非凡之士

王權字心如晚號笠雲山人伏羌人父汝揆由舉人官平涼教諭陝回亂起上書當道備戰守不省及賊陷平涼汝揆殉難於學宮妻女從之權聞耗痛絕犯瘡爛冒白刃徒跣往求遺骸不得則於龕舍左右遇人骨徧滴臂血驗之又不得乃招魂以衣冠歸塋墨綵從戎徧入林方伯穆將軍幕府求殺賊以報仇籲懇當道上父死事於朝准建專祠世襲雲騎尉則爲

孝子權中道光甲辰舉人時甫踰冠博記經史胸吞雲夢古文胎息韓柳詩亦琅琅唐音制
藝驚才絕艷生面獨開小題文尤直湊單微自抒靈警前無古人則爲才子官文縣教諭時
土番煽亂權力止動兵身入其巢舌戰其魁再往而請伏則爲義士初由軍功保知縣遲迴
久之以建祠費無所出乃就官於陝西非本志也任延長調興平署富平爲治以利民爲本
不恤上官之喜怒因報災忤上官意至撤任而不悔上官卒震其名而敬禮之則爲循吏所
著輿地辨同童雅典昉諸書漢學也而嚴義利勵廉隅尊德性斂英華又擷宋儒之精不立
門戶卓爾闡修嘗謂古人惜分陰吾輩當惜分陰中之分陰故自少以至耄耄痿廢一牀卷
不釋手則又爲純儒年逾六十耿耿以專祠未建即引疾歸舊與任先生爲道義交因僑居
秦州商榷今古十餘年七十後乃挈眷歸伏羌然猶再至州城昔時嘗主講天水書院重赴

鹿鳴加四品銜壽八十五終於家次子念誥字芭湄光緒戊子舉人工詩善畫瀟灑有雅人深致甲午會試病歿京師

于登瀛字子俊皋蘭人光緒丙子科進士刑部主事素乏宦情假歸遊秦州客州幕二十餘年精於吏牘凡行政事皆主之地方利弊知無不言宜黃張琦牧秦久前後四主其人長厚而短於才或爲人嗾使將有損於士民登瀛先婉言開導不得則以去就爭聲色俱厲張素敬信之卒從其言而後已故張在任三得卓薦闔境安謐無事登瀛之力爲多嘗在官場募巨資立同仁局寒施衣病施醫鰥寡老弱均得其惠及老病移交局事於天水文社歿後家人葬於秦州同時在道幕者則有汪蘭

汪蘭字穀臣浙江歸安人早孤少不見恤於諸兄負氣棄先人產業依舅介休令吳於山西

與同事不合又辭而他去後客蜀遂精刑名家言遊甘肅適張珩牧階州延司刑幕厚禮遇之未幾張令皋蘭挈之同往及張調秦州蘭仍遂之至秦時巡道丁體常聞其名欲羅致署中蘭卻之不能並張幕兩司之在秦十餘年嚴拒請謁不私名一錢北鄉有姪殺叔全家例應以全家抵姪有襁褓子蘭惻然商之道州設法活之其治獄仁厚多類此蘭自恨失學在山西時始發憤讀書自是至老公暇則手不釋卷其筆記日無間斷病革猶口授人代書歿後葬於秦州其諸子皆才長子青最知名

王潤棠字召亭秦安附生成豐未援例官四川筠連知縣人都赴引時與隴上名人皆交厚瀕行唱和詩盈篋抵任未久流寇至筠連本無城以失陷罷官歸家原有典肆院落在州遂流寓不復歸潤棠以客居無所表見然志氣慷慨聲如洪鐘豪邁人也子綸選字幼璞屢童

試不售官四川蓬山典史以監犯越獄亦罷官歸遂入籍秦州綸選性拘謹雖遇市井人謙讓未遑或反因此受侮不恤也耿介絕俗親友有緩急竭力濟助終不肯受人一物善作八分書一時無兩作小詩神似袁隨園世事改易不與勢位交避之若浼日踽踽於南湖烟雨

中侘僚終老其古所謂介士歟子琦州庠生署涼州府教諭

孝子樊吉祥字意如陝西韓城之柳園村人其父敬經商於清水適歸家病歿之子時年十二哀毀甚葬父畢奉母來清水至則父遺業爲人侵佔因負販以養母母喜觀劇每負之以往及長與人合資貿易居必近母以便定省孝子立志必恢復父業故於懋遷之術講之特精所入日豐事母亦日篤母年漸高夜不寐孝子聞嗽聲即起善鑑於榻前話舊以娛之母之所需雖授室後必躬自監治母病篤孝子不食不寐每夜祝天願以身代及歿哀號之聲

人不忍聞扶柩與父合葬廬墓三月以母命必繼父志爲良賈告於墓復至清水每歲必歸拜掃依依墓側哀痛不忍別孝子有同祖兄某歿邀寡嫂同居子女婚嫁悉任之嫂性多恚乘孝子遠客徙居別村孝子歸別授居招之返村而分以田死時猶訓子孫吾同祖只此一家他日勿使失所孝子客清水四十餘年終不忘先人故廬於光緒十一年營室歸韓城是冬長至哭於墓感寒疾以卒年五十七孝子尤好施於其歿清之人贈以義聞他鄉之額附名者至于五百餘人其好義樂善可概見矣宣統元年由本籍以孝子旌表清水人立碑通衢知縣劉炳堃爲文以紀

謹按清水縣藝文欄內有樊孝子碑事極可記惟非本邑之人微有未合茲以流寓立傳而碑不載

易順勝字勁臣湖南安化人官甘肅總兵光緒十八年奉制府檄監修大河店石路用力勤成功偉南道便之順勝駐徽兩載愛其風土遂徙家於此卒葬北郊之劉家楞

趙騰光字子驥成縣優廩生光緒間來徽設帳二十餘年品敦學博靜修自好故邑之雋士咸以爲依歸文風爲之一振門人惜其去固留之遂終老於徽

何斌字憲章隴西人同治時回匪攻隴西急其父遣斌偕弟珍遠避於徽後隴西城陷斌一門自焚死斌初來徽爲人傭工有暇仍苦讀卒入其郡庠艱苦卓絕人爭敬之斌娶於徽子孫遂移籍焉

秦州直隸州新志續編卷之三

人物第八

國史人物皆斷代州縣志難拘此例然既改州爲縣而又州縣志并修不能不稍有區劃茲以改縣以前歿者均入州志惟中有附傳三四人以類相從不得不通融也五縣則仍其原冊不加刪汰

昔荀卿有言遠略近詳劉知幾史通申之曰年淺近者撰錄多備然則續志耳目相接採輯必周其勢然歟又自前黃振拔寒峻後董大啓學官中間賢官更再接再厲州五屬煥發人文雲蒸霞蔚科第聯駢此邦人文於斯爲盛風教旣明卽武夫野老婦人皆奮興於孝義貞烈光輝志乘抑有由來矣採訪冊除局員公同審察刪減外餘則其知者旣無可踰陟不知

者又無敢黜陟亦間有補前志之遺者筆而不削所謂述往事以鑒方來使人勵於學勉於善固無事苛繩矣新志人物不分門目以免煩瑣惟孝友忠義各以類居茲仍之續人物第八

任其昌字士言秦州人同治四年進士授戶部主事十二年以母老乞養歸遂不出其昌天姿高邁博聞強識覃精三禮之學尤長於考訂史事而行己處世斤斤於義利之辨不敢少有出入既告歸閉門教授主天水隴南各書院講席垂三十年弟子著錄者數百人其教先經史旁逮古文辭尤以躬行爲本隴南素樸儉自是士習一變性至孝八歲喪父哀毀如成人奉母加謹通籍後迎養京師母性不喜獨食故終年未嘗一就客宴母病爲雨中露禱竟夕及卒喪葬一哀於禮兄弟皆早逝卹整字孤如已出爲族弟歿遺女無所歸撫而嫁之

徵時爲州牧福建董平章所知及某罷官歸關隴回氣不靖徒步走千里爲致其妻子於西
安所師歿妻子貧不能自存時周其乏終身不倦其風義如此光緒四年秦州大校知州陶
模延其昌總司振事焦思培日所夕不遺寢食全活流徙護羸以數萬計十七年以總督楊
昌濬疏薦詔加員外郎銜二十六年秦匪倡亂其昌聞變悲憤遂疾作而卒年七十所爲古
文風力雅近宋人晚年尤肆力於詩宗法少陵書法禪似褚河南著有敦素堂詩文集秦州
志蒲城縣志史臆八代文鈔其藝輯末尾皆有史評三禮會通等書身後州人士立石於西
郊私謚文介祠祀於三台寺又祀之於來鶴亭

謹案先文介志傳門人章謙讓無言屬草嗣由哈君銳定議謂史館纂修之稿高文簡
括大端已無漏略此本託名手所爲無須別擬熟思其言良然卽於篇末增加數語

本充謹識

徐迎慶字雲五羅錦章字綱若皆秦州厚生科身教授生徒極一時之盛迎慶性嚴重談笑不倚錦章性恬爽口不言利而文行則一迎慶教士務實而專誦讀蘇統武劉光祖皆其門人錦章授經以講解爲先仕士言先生主講隴南謂自羅門來者理脈清晰故其門鄉薦入泮尤多其歿也門下士立德教碑於通渭迎慶子成章光緒乙亥舉人錦章子佩蘭附生綴作鎮秦州恩貢生其教施之盛與徐羅相埒而作鎮尤通脫豪於酒善書能詩古文辭故出其門者多博學能文之士張世英其最顯著者也陶勤肅公收秦時極言作鎮詩文移守計州延之主講採蘭精言時作鎮老矣年餘告歸以壽終於家子承緒光緒壬午舉人孫用高丁酉拔貢

郭鳳鳴字端歧州北鄉石佛鎮人幼與吳西川齊名同爲州牧董琴處所識拔爲文下筆千言響如膚寸之雲一吹嘘油然萬里又如無崇基層構樓閣可現於空虛時目爲仙才年十三入州學咸豐戊午科與任先生同捷於鄉主試翁同龢并激賞之於日記中深致意焉旋游幕於涼州兩試禮部不第親老家貧後米捐例得知縣分省山西久之不得志以同知改四川歷署定遠縣石條打箭爐廳吏事勤敏嘗憂職於涪州月餘清積案八百起長子世經孝而才年少夭折鳳鳴憂慟而病時方借補通判未奉部覆而歿年六十八貧不能歸觀爲其培狹道李鏡清僑葬於成都鳳鳴楷法頗趙行書逼近何子貞其徵在館詩文集數十卷皆手寫定本身歿子幼散佚可惜次子世勳曾任永昌縣知事亦早歿兩孫流寓蘭州後數年有三祐字篤生中城人俊邁不羣亦不易才也工書長於韻語歲心東柳草堂一賦贈矣

士林官游所至尤以詩鐘著名由拔貢生朝考一等官湖北知縣歷官廣濟等缺以落落難合迄未備實以終其後又有楊俊字秀峯守愚之繼子也任先生主講大水書院每閱生詩文歎爲一日千里不能測其所至生平未覩此才也其賦也輒以四律稱勸書云

劉選元字青峰東鄉人幼篤學務實踐道光己亥科副榜咸豐制科孝廉方正事伯見若父愛弟若子怡怡一堂鄉里稱之後議督款念伯見衰老而丁多以情義申諭弟姪以別業一所讓焉同治初回亂起選元司東關防務協繙軍糧事集而民不擾以是器重於督師林觀察四年署平涼縣教諭時城新破無衙署借寓民間破屋學訓無從措手遂告歸後餘文縣教諭未赴七年大饑賑恤鄉里并督種亦盡選元旋卒反負粟舉葬事于肯堂舉人禹堂廩生

肯堂字子法號癯仙端方不苟言笑光緒己卯舉人陶勤齋公牧州時大饑開賑局委肯堂總司東鄉收放廉公稱最陶公夙賞其文至此又重其品延譽於當道歷主柳湖南安襄武原泉各書院講席其在柳湖也以會試辭館方觀察惜其去虛席以俟及春闈報罷歸里觀察遣諸生張志仁遠來中前請仍婉辭在南安日聘閱會考試卷有甯遠童生通賄欲得縣首肯堂勉以立品勵志善言開導其人悔悟向學次年獲售肯堂操守堅卓而生平與物無競自少有文名歲試月課常冠軍又工書流傳甚廣終身以教授爲生及門之士成材者甚衆著有癯仙未是草藏於家子兆瀛舉人肯堂同時東鄉有尹達三字孝甫性峻峭不諧俗有文名光緒乙亥科副榜丙子舉人吳學使愛其才聘閱試卷差竣約同赴京達三以母老辭達三事寡母以孝聞後主講徽縣書院病歸遂歿

蘇統武字紹卿州城人光緒乙亥科舉人丙子聯捷進士主事用籤分吏部以親老告終養主講天水書院時陶勤肅公尙爲州牧新修藉水隄成付託統武從此一笠郭外寒暑督工堤日固而田園日闢四十年孳孳如一日州人大食其惠前州牧托剛烈公戰死家屬流落統武爲呼助數千金得歸山右吳蜀江徐斐然兩友歿爲之存孤孀代理其家事如已事雖反取怨詈而勿恤吳樞久厝京師賴統武護送始得歸葬其風義如此重修七里墩魁星樓東關關帝廟文昌閣堤內建山雲閣祀近年名宦庇材度工基堅費省規畫尺寸匠氏皆遜其精密統武爲諸生時豪於飲詒達俠義自喜至京師足不履戲園晚年益淡泊布衣蔬食自澗於田夫野老間縷析桑麻遇故舊後生則掀髯劇談一以孝弟爲歸國變閭閻不出不

久遂終子蓋舉人

劉永亨字子嘉世居州西關父業醫有仁風永亨生有異稟稠人中執筆爲文字無少謬領
光緒丙子鄉薦丁丑聯捷入庶常館授編修丁父憂講學於甘州服闋設帳里中以養繼母
丁繼母憂主講求古書院勤懇得士心服闋出關作萬里遊各邊帥皆敬禮之入都協修國
史甲午主試陝西陝甘合闈時永亨曾秋試於此士林榮之陝闈內場陳設諸物嚮由主司
捆載以去至永亨悉屏之差竣進史館纂修會典館開由詳校而總纂編審獨勤及爲提調
力促成書節帑金六萬兩蒙優獎戴花翎自侍講五轉至侍讀學士充起居注官庚子拳民
亂京師御前會議永亨奏言宜遣拳民暫出京無滋擾攘權貴怒幾及端董提督福祥移兵
攻使館永亨致書大略謂拳亂藉口仇教宜有分別勿顧顛犯衆怒隨扈至陝升少詹事回
京升正詹升內閣學士署戶禮部侍郎授工部侍郎兩勅大才無實絕浮冒調總督倉場侍

郎時滿侍郎桂春伎刻善排擠漢侍郎罕能久於其位永亨與同事年餘獨能相衷無私及歿梓臨弔大慟善敬而無失誠信且素折其心也永亨居京數十年不狎妓樂立身修潔言語起居均有節度勤密小心喜讀張文端英聰訓齋語其學之得力在此著有來青閣日記國朝二百餘年隴上出翰林內升至侍郎者永亨一人變慶大用矣乃壽未登六十嘗運哉子汝冕山廕生官戶部主事

賈爾璽東鄉花南埠人世農業器識高邁中歲試經商以自給取贏驟休業不肯貪天逢歲飢約李余二友各出糶十餘石貸村衆及夏熟身先焚券二友感其義亦焚券除風食糶戶製額謝李余而已若局外焉者善排難解紛近鄉因之多年不涉訟埠人憚其正直無游惰敢染嗜好者風俗之美甲全州尊師重道嚴督二子讀亦廣勸戚里子向學同治癸酉二子

同入學宮長子旋鄉捷爾靈益自警惕聚舊債契付諸火辦公愈平祀先愈敬聞人有婚葬無力者必力爲助敦善老而不怠以長子世興貴封四品世興自有傳次子振興字鷺于庠生一試秋闈卽倦遊課子姪耕讀約以禮法居鄉睦鄰息爭立義塾擇名師以興文勵俗爲已任可謂善守父訓者矣久管社倉出入無私餘詳列女史氏傳中

哈應龍字劍泉歲貢生從龍字雲泉庠生異母兄弟回籍也皆以孝友著應龍幼時王父病日常左右之得無苦從龍中年無子應龍卽子以次子體恤有加同治間軍興應龍客曹提督戎幕司餉糈二年兵民利賴以病歸曹酬以縣佐辭弗受歸後司本州城防保甲事定獨不言功其在軍時同事有蓄醴泉童爲奴而虐之者應龍贖歸倩遊陝者榜通衢童父聞之果以金來卻其金而歸其子丁丑歲校輸賑糶獨先又罄貲助貧交應龍世業瘍醫晚年以

子貴封大夫矣德器愈厚無情容無妄語出則遊山眺水入則醜酒讀書端和健康益率其素古所謂高人者近之矣從龍幼以家貧欲學醫兄不許乃奮攻經史初設帳里門教尙嚴以兄子銳資器非凡督課尤峻切至頻頻招嫂氏之怨絕不自恤曰此以報吾兄也中年乃賣藥於市歲入盡納兄濟家用兄子五上春官暨入詞林貲斧皆出從龍所銖積兄歿慟絕後蘇者再庚子聞兩宮西巡時從龍已久病聞之大痛夢寐中或喃喃語國事用是遂歿先是兄隨軍時曾遠適甯靈從龍思念成疾崎嶇兵戈間子身往省時年未及冠友愛始出天性時以爲難兄難弟云應龍子銳出庶常改知縣文名循跡赫然從龍嗣子鑄庠生

張和字嚮堂葛汝葆字叔瀧州西關人同治己巳舉人辛未進士汝葆同治癸酉舉人光緒庚寅進士皆用知縣和分省江蘇汝葆江西皆以親老不忍遠離告養歸二人未得舉時

正值軍興防城餉兵有大功於鄉里和請立理民局以紓民困事半藉餘資創天水文社而
汝葆以片言愧當道稍戢苛征人尤感之通籍後歷主鳳起柳湖隴南各書院講席造就宏
多和體豐而魁健善書汝葆貌癯而孱弱喜集古句爲詩一則閉戶摩帖一則開帳長吟其
遺榮名畏器事天性同焉後有徐友麟字石庵刻苦力學入學後以貧兼習賈舉光緒丙子
鄉闈丙戌進士卽用四川知縣丁父憂服闋再到省遽病歿二人者皆有孝行和尤能作孺
子慕嘗作承歡圖以狀其依依膝下汝葆於兄弟間以友愛著而友麟家貧不壽客死時老
母在堂獨爲不幸云有麟先汝葆主講平涼柳湖汝葆著有自怡集未梓皆集句也

張裕字順候和從兄也葛汝蓀字仲士汝葆兄汝菁字貫南汝葆從兄也裕豪邁揮霍善騎
射能鼓琴事繼母孝與和同入泮督異母三弟讀甚力皆成茂材同治初軍興歲歉慨以千

金助餉麥白石輪義石州牧書義重金甌門額獎之舉孝廉方正官甯夏府訓導半歲卒汝
舊汝善同治初嘗以辦城防有功汝舊好學好古禮教子弟先行後文長兄早逝撫遺孤如
已出汝善優兩生同治庚午科堂備事母孝母登上壽猶能孺慕一弟早歿撫遺孤遺孤又
歿撫孤孫成立入州學始終恩義如一助州牧勸捐散賑久管天水文皆社如其理家之不
苟汝舊長子挺生汝善長子秉堃皆已丑舉人挺生尤著挺生字荔田端正孝友動循理法
沈靜好深思嗜宋儒性理書而尤爛熟五經得舉後客其師張世英縣幕數年初司筆札繼
司錢穀在商州代權龍駒寨稅勤慎無私大挑選環縣訓導卒於任所挺生領鄉薦時卷爲
他人賄科場吏而割換榜發無名嗣經查出竟得更正亦科場一異聞也子昊亦才
鄧文治字少平南鄉鄧家門人其先歲貢生廣嘉慶時教匪入其家臨發縱火鄰村幸某見

之跪請曰甯殺我勿焚善人屋匪問有何善辛答以歲飢此翁日於山顛四望各村有不舉火者給以食約兩月賴以活者無算我其一也匪歎曰大德大德立滅火懸廣畫像致祭而去至今庭柱燒痕猶存廣官陝西同官縣訓導文治同治己巳科舉人官靖遠縣教諭兵燹之後絃誦荒落文治盡心培養激勸城鄉士子爭來問業在任三年文風丕變晚年家居設帳生徒甚盛以善教著稱於時云文治之少子慕芝幼敏於記誦而性剛同治八年十月初八日夜半回匪猝至村人不及逃匪首馬四愛慕芝豪爽勸之隨已去慕芝叱之曰我孝廉子也今有死而已豈從汝逆賊乎遂罵不絕口被害

張登瀛字瀚臣州東關人由歲貢生中光緒壬午科鄉舉丙戌成進士登瀛晚達爲諸生時以刑名學游州縣間榜下分刑部適得展所長入秋審歷級以上主管四川司事補主事升

員外郎截取直隸州知州登瀛本不樂爲外吏且駸駸將顯達矣適因親審某貴家奴訟主案持之堅悍漢尙書趙舒翹意登瀛乃拂袖出都以直隸州分發陝西委司隴陽權局略陽秦菸商人川孔道也登瀛例外恤之俸薄其惠收入之贏縮不屑計也差竣回省補邠州未及赴任病歿登瀛仁厚熱腸親友有窘急雖未言必先代爲之謀雖力不能逮隱若芒刺之在身自游幕以至游宦京外所得輒隨手盡囊中常空也善作書札千言灑灑纏綿悱惻動人自其先世工書登瀛亦能之詩文皆明潤可喜惜身後子幼散失無一存者子曦由拔貢朝考官陸軍部主事渾厚有父風

賈世興字名五州人僑壘子幼知嚮學十年兵火中誦讀弗輟由廩生中同治癸酉鄉舉大挑授環縣訓導兵燹凋殘世興捐貲修孔廟免諸生費而進之學卹以酒食資以膏火期年

談經者遂至百人嗣遂有舉於鄉者學使者以堪任民社薦升知縣分發廣東凡充文武闈差爲發審員查倉辦團練歷任上官皆獎之曰能密查雷州案遂溪令賄三千金峻卻而勉以改過終爲之委曲解釋署合浦先清積案不三月平反冤獄三百餘事加生童膏火親爲講課整飭團防躬督捕盜皆出廉俸不以累民嗣署長甯長甯盜數也時世興中瘴毒力疾擒巨寇二百餘置之法得盜贓六千金發商永作城防經費民之立生祠頌青天也一如合浦先是陶勤肅公牧秦世興曾助之振荒深許其廉公而才至是移督兩粵首破格以總辦潮嘉汀贛鹽局委世興蓋道府差也世興蒞事值旱疫虧運不貲陶公欲調世興揭陽使後任彌其虧適銷運忽暢據實陳謝揭陽者著名優缺世興不欲染指不久遂引疾歸弟振興同產而出繼者也推俸餘與共之遠宮營累親友酌貧富或倍或數倍以酬之修家祠置祭

田敬宗收族振貧恤匱及病猶以義糧義田爲屬長子鴻緒甘州訓導次子纘緒副貢生四
川知縣世興之同年舉人楊泐字思軒守愚從子也守愚先生咸同間儒林尊宿泐承家教
守貧力學大挑一等知縣籤分安徽借補布庫大使嗣補五河廉靜不擾民無謗聲引疾歸
卒於家

武鷹揚字時卿天水鎮人州庠生早隆物望爲一鄉所尊仰弟頌揚光緒庚辰進士福建知
縣顯揚庠生猶子天培乙酉舉人皆少失怙鷹揚眠食必共教養以訖成立設帳數十年循
循善誘南鄉通顯之士多出其門鷹揚學問既優長尤饒才識同治初軍興鷹揚修城堡練
丁壯遇小股賊則迎擊毅然以保障爲己任天水爲富庶區又近賊巢而卒不遭殘破其功
偉矣曹提督克忠將攻高樓莊延鷹揚詢賊勢策以賊必西遁永平峽地險伏千人賊可殲

曹美之未克用後果如所料論者謂鷹揚之言若行南路之寇可以永絕林遠村觀察駐防
天水與鷹揚議論久留別詩有云同袍父老多豪俊梓里終須借箸籌其傾倒至矣鯨有社
糧十餘石鷹揚收放十年石積至百鄉人久食其利弟頌揚官臺灣鳳山鷹揚念之萬里渡
海相晤惡官場奢華八日而返留之不可其風慨可想見云著有東遊路程記于天潢天祐
天駿同榜人學士林榮之天培字篤生早歲能文年十五入學卽食廩餼二十二舉於鄉時
隴南書院英才濟濟莫或先之歿時僅二十六士論痛惜嘗省叔頌揚於福建折而北上曾
試著有東遊記

蒲修政字蘆洲州城人少敏慧過目成誦有不羈才早孤家貧商且讀光緒乙亥科舉於鄉
入州幕與狄道李景豫同事觀摩書法益工秀歷爲州道記室而客陶勤肅公爲最久己丑

大挑補歙道州學正接諸生蠲除浮文相洽以性情學問卒於任所無子罄俸積二千五百金爲秦州童試印卷費妾王氏扶柩歸堪遺囑料理妥貼遂以身殉此夫此婦義烈雙奇州人士同稱之於山雲閣卷費停考後改設蘆洲學校修政詩文如其爲人矯矯然寡尤不羣有遺稿二卷藏其族人家王氏自有傳

丁乘乾字健常州南鄉人後移居東鄉馬跑泉祖父懋績字考三父懋勳字集庵家庭友愛尤能同心積善仗義舒財開家塾延名師而尊禮之久而弗衰四十年中他人之附學者成就甚衆而懋績子用光錫光寶光均諸生乘乾懋勳次子也幼能力學入學卽師弟子員以優貢朝考一等用知縣奉父命不就官仍下帷讀光緒己卯科舉於鄉癸未成進士皆殿丙戌入詞館散館改吏部主事時家中食指繁昆弟皆勸外改乃復就知縣親老告近輪補四

川雙流部吏索三百金峻拒之雙流既未得由此壓班多次終銓陝西保安縣邊邑瘠苦城
民僅四十戶秉乾廉勤自飭興書院親講課四鄉分立義塾邑人知讀書自此始護森林勸
蠶桑畜牧立積穀社首著成效富紳曹劉二姓爭田纏訟多年秉乾反覆推勘履畝丈量辨
明地界兩造釋然丁母憂貧至無以治裝前爭田之曹紳密饋五百金懇學至泣下卒婉辭
焉結而債歸主講西和漾原書院教以敦品立學士習大振秉乾性謹畏本不樂爲外吏起
復後遂不復出山庚子之亂憂憤致日疾孝於親事寡嫂尤委曲盡禮沉默爲實言行不苟
未老列謝士林嗟惜長子銘穀次子佩穀均庠生秉乾同時有邢光祖字謙若南鄉人庚辰
進士官河南登豐知縣有循聲引疾歸優游林下而終

羅錦芳字藝圃錦章弟也幼時夜讀視儉兒竊場穀憫其窮強與以穀釋令去娶癡妻安之

不爲嫌中同治癸酉副榜官皋蘭教諭垂二十年學行爲士林宗仰學宮側有學田某巨紳強取不與較一時推爲長者告歸後戡影田廬所居羅家溝水發人多溺死錦芳端坐破板扉流數里不傾救蘇問之則自覺居房中眼前猶有燈光他不知也錦芳沉重寡言言必當理生平不立崖岸介然以和純篤君子也人以其爲天道不爽云族子世俊字灼三光緒戊子科舉人官化平訓導充甘肅通志分纂又爲甘南中學歷史地理教習嘗彙集先儒語成四範一書自觀察遇道極賞之爲之序跋

鄒向魯字東山州西鄉人六世祖居業舉人貴州清平知縣五世祖惇拔貢江西撫州通判向魯生而失母事繼母以孝稱長遊楊省齋先生之門與城中諸名人交入庠舉優行同治初軍興總理西鄉團練教訓有方鄰近三十餘堡恃以無恐二年鹽官賊攻堡向魯率衆堅

守賊南竄嗣河回又至官軍失利賊入南谷向魯尾擊獲馬匹器械無算議敘教職三辭始受歲戊寅大飢向魯助州牧散賑全活甚衆己丑修州志向魯採訪山川道里人物古蹟總纂歎爲精詳好古禮每朔望必宣講聖諭立功過冊以激勸鄉人設帳垂三十年西鄉俊秀士大多出其門其教士以惜陰樂善爲主嘗集貲重修忠義節孝祠置義塚著有二禮儀式圖解三卷呂氏鄉約條目一卷醒世八箴一冊

杜向榮字欣庵東鄉人李耀字伯榮南鄉人皆州學廩生向榮童試州牧董琴虞賞其文有詩書氣州考以第一名入學鄉闈嘗中式以筆誤被屏所居村近南溝每爲山水冲激數百頃漸成石田衆築堤屢圯向榮告以置岸容水栽柳護堤之法親爲督工三年而後成一鄉利賴焉戊寅歲大荒向榮聚小康家議賑各有難色向榮自質腹田糴糴爲倡衆乃感動共

輸二十餘石村之貧者賴以活以扶危濟困榜其門性公直人有過必面斥紛爭者得其片言立解生平囊公不受杯水惠歿後人共思之耀父樹德庠生成同閭軍興徭煩吏橫樹德爲紳士御以嚴潔民德無擾耀事親極孝母患癱耀夫婦晝夜扶持者二載性慷慨好義族人質田十二畝後貧甚以田還之舊借券百餘紙察其皆貧乃火之年歉貸粟者出必滿斗入則平之卽不償亦不問恤族助友不遺餘力州牧舉行社倉鄉人輒觀望耀首輸粟曉衆以利害數年村中積粟百餘石耀嗜學至老不倦熟於三禮教子弟授以孝經小學責以力行向榮子樹植舉人以友愛聞耀子天煦庠生

王庚字經五州北關人光緒乙亥科副榜父汝楫以好施致貧母孀居茹苦督庚讀書詳見新志列女趙氏傳中庚承母遺命必勿廢先人故業而兩兄繼歿無從謀食乃兼商而勤讀

入學後始設帳教生徒每朔望禮先師講小學儀禮諸書以正蒙養門人陳養源同年圻之子孤貧能學庚資其膏火而教之卒登甲科北關民仇視教堂忽聚衆劫財庚聞戒家人毋得動事發連繫過百家庚力爲排解教士顧素重庚乃以薄懲禍首了結巨案竟消乙未河湟回亂州辦城防庚總理北關保甲委員墨某婪賄不法庚發其覆定安營兵鬪傷張寡婦之子庚雪其冤且爲寡婦籌恤金庚生小安貧雖枵腹不向人乞憐有代圖釐局司筆札者不屑也其廉介不妄取始終一節而族之貧而病者養之瘡獨者擇子以嗣之戚友之老廢孤寡賴以存活者數家稍後有蒲作新

蒲作新字振庵州西關人事父及繼母均有孝行幼讀卽喜儒先性理書其學以一事不苟爲宗人庠後以家貧設館爲童子師其師張世英捐立亦渭學堂延作新主之勤懇講授以

先品後文爲諸生端趨向又以精力不逮割薪金私聘一人以自助平生謝絕酬應不涉足公事日以恐誤人家子弟兢兢自勉朋儕問處平實和易一聞非理則血湧面斥義形於色族中里中有不平事不憚煩上訟庭必伸而後已辛亥冬作新已病聞國變忿欲自戕由是侘傺以歿作新謹執而庚豁達性行不同而其信道求人不自欺其志則一也庚書雜蒞柳喜爲人作大字作新小楷習歐見賞於州牧王鎮塘

張思孝字慕孺劉兆鵬字程遠思孝光緒丙子舉人官甯朔縣教諭兆鵬同治庚午副貢光緒壬午鄉薦第二名官甯夏縣教諭其不屑屑與生童爭錙銖一意培植文教政績略同而兆鵬捐廉復聖廟燈會士尤頌之未官時思孝家尙饒惟閉戶誦讀兆鵬以貧先客西和縣幕值鹽官賊攻城兆鵬晝夜登陣前後七十餘日自盡赤城卒得全又累授經於仕宦

之家陝人朱聯奎其弟子也後主講渙中書院一人皆博學能文嗜飲善談諧而性格不同
兆鵬爽邁敏達語必帶諍思孝沈默厚重時出一冷雋語亦解人頤思孝爲鄉賢慶麟之從
子思毅之從弟幼承家學孝友植品以殘疾告歸推所有與見主啖糲糲無怨也兆鵬升蘭
州府教授陶勤肅公賞之嘗目爲秦州四劉謂永亨光祖肯堂當時兆鵬與齊名者也蓋張
劉古州中書香大族其羣從極科日文學之盛兆鵬喜爲嘲笑之作著有碎琴齋悔存集生
不善鼓琴云

關鏞字虞筮桂之孫應年子也自祖父以來設帳於伏羲廟鏞承家學授經以明句讀爲主
尤勤力不曠諸生課及門常逾白人前後入庠亦近白人間有登科者爲人渾厚寡言時論
目爲端人篤於學同治庚午中副車至老猶執卷月課次子念毅進士四川知縣五千培毅

舉人湖北知縣同時有伏羲城諸生徐順天字豫一明鹽運使元祉之裔亦教授里中或問出經商豁達有肝膽而廉介不苟同治軍興隴西設糧壽州屬均以民夫輸送鄉愚不知利害沿途竊食飛灑或爲風雨蠹耗至臺每因虧損斃命順天嘗督運嚴稽察謹守護所司無不足額民夫乏食者皆出私錢資其歸全活至數百人順天遠賈時妻嘗買他鄉餓客子順天歸詞知之曰絕人嗣緒非義也覓其父歸其子不索原值且贈以路費子友麟以諸生服賈十餘年矣卒成進士人皆以爲陰德之報云友麟別有傳伏羲城又有庠生李翊字晴舫鏞弟子也家世精拳技至翊獨習文設帳里門其父業技四十里外值放假則徒步往省冬夏罔間人稱其孝父歿喪葬盡禮光緒乙未河湟之亂辦城防尤盡力晚年嗜佛手書梵經數百本翊本書得者珍之將易簪語家人曰某遠行當於某日歸吾不及待矣已而果然

張登階字平三州西關人幼入塾卽知沈思家本素封連四書六七爲疏戚所累罄產不足償外債父適歿登階喪禮隆重債訟牽纏以孤童攬重任乃勇能伸己義不負人雖官右之旁觀憐之曾不足動其遠大之志氣川能恢復祖業潤及族人家日以大事詳慕表性孝友母性嚴每督過家人登階長跪引咎至老不渝母病疽登階遵醫所言宜忌與妻判別釜別器親調飲饌湯藥者三年之久或數夜衣不解帶兩弟不使問耕間織惟擇師嚴教之及老乃均分所有而猶代理至歿身同治間軍興久登階總理城防經綜周密旣宵勞瘁助餉糶疊常在入先絕不資緣求免而又能恤他人之力以故終事無謗言敘績奏加鹽運同銜登階童時從父適市俯拾一錢父扑之其立品自此始及長好與端人正士遊處聞善言心悅而躬蹈之端凝有識度繁鉅瑣細雜於前指揮裕如王心如任士言兩先生大儒也皆與之

交深則爲人可知矣長子金鑑子金生州庠生勤學好問孝友寬和次弟銘才過於兄而中歲失明金鑑爲構花萼樓於南郊穿渠種花時招親朋以娛其意今雖亭臺荒圯遊者尙想見其怡怡之況云

鄧南琦字成齋歲貢生署成縣學訓導子也家承孝友至琦乃有甚難者丁驟多而家日落也堂叔分產又以膏腴盡讓之事父孝事繼母尤孝親病不離左右及歿哀毀之容聲弔者至不忍聞見事胞叔如事父於弟姪弱者撫之才者教之而必範之以禮兄弟食必同席長幼秩然內外男女數十口皆和而敬衣食婚喪無所厚薄於其間商業坐耗躬懋遷於蘭涼川陝漸以興發苦心獨力支拄數十年亦不使昆仲知性尤好義范某安某老友也歿爲經理家事又爲翊翼其子孫使成立親友皆責量力立與無吝已及老視諸姪中惟濤雖不

羈而獨知孝友委以家事濤卒能敬長篤親不私所有琦無子以兒子崧嗣官陝西知縣而
歿琦之死也哈太史銳銘其墓曰世人侈口談孝友夷考其行多背之惟公闇然躬諸實百
憂感之堅不移其德則豐邁則齋所謂天者不可知此足以概琦之生平矣琦之七弟南英
字俊生光緒乙酉科舉人文名噪一時作小題文獨得先正家法

劉振基字拔庵榮基之兄也榮基殉難涇源縣學事已具新志先是聞賊圍城振基馳書曰
官雖微節不可失榮基卒能成其志可謂難兄難弟也振基歲貢生善書咸同間常遊幕各
州縣爲人風流自喜性嗜酒醉後揮灑人爭重之

趙勵字勉齋北鄉人州庠生同治間回亂全家被害僅伯父一人免又久病勵於食飲湯藥
躬奉不懈其殮棺衾無不美備爲紳士三十年官敬民孚管社倉尤公正丁觀察獎以惠被

梓里額設帳於鄉循循善誘不尙嚴峻

馬士珍字儒卿王梓山字松如王椿齡字壽臣皆州學生員士珍幼從王治平先生學治平奇其才妻以女性至孝雖忍飢必具甘旨同治間周翼長開錫督師來秦設理民局延士珍司文牘夙夜勤勞所得獎札自愧無功束置之監工修伏羲城戎馬縱橫毫無畏避設帳里中一意以造就後進爲事貧而好義嘗月課領獎錢八百途遇貧婦泣問之則子方疴無藥賞探袖與之實則一家方待此治晚款也北鄉農民劉奪聲攜妻所織布將易粟遇鄰人餓僵道側與之布徒手歸家人嗷嗷相對泣事與此瀆相類士珍長子乾德縣志有傳三子履德舉人安徽庫大使四千恆德庠生梓山治平子也父子皆以教授終身梓山鈍而好學幼入塾不隨羣兒嬉戲性執拗崖岸嶄絕辨義利存直氣約生徒嚴而有則梓山庶出事嫡母

孝居喪斷酒肉不入內寢嘗赴省試有人寄物於其家而不知主名緘挂壁間從未開視晚年精視脈相地之學然不屑以此求食椿齡梓山族也性孝友父病思髓臙百計獲之身繼胞叔兼養本生母力絀乃經商以奉甘旨遂致折閱弗憾也撫孤姪擇師以教期其成名族子之無依者或收養或爲之婚娶晚年家雖落仁卹如故

王彥清字英三州西鄉人幼隨父作工麻沿河遇回匪父被害彥清爲所擄後自拔投官軍積功保千總同治六年燬洮河賊老巢升花翎都司克復狄道升游擊光緒八年借補竹林關千總調署龍駒寨千總十九年補守備葉提軍委管帶永定前營赴直隸二十年河湟回變回甘赴援加參將銜河湟平以功擢副將補西甯北川營都司歷署右營遊擊大通營遊擊卒於北川營任所何齡字錫九天水井人同治癸酉科武舉投身營伍歷中衛甯夏白馬

關瓦石坪千總守備遊擊各缺曾充摺弁日限行八百里人都不差漏刻尤著勞苦晚歲告歸家居不入公門訓子力田無擔石儲泊如也其在官之廉潔立品可概見矣劉承圖字克廷北鄉人同治間以武童入建威營積戰功累保至花翎副將銜儘先補用參將揀發陝西撫標借補留壩營遊擊在任十三年卒於官又羅元章字端甫東鄉人錦芳從弟也其父武生萬選精技勇而工書早歿元章事寡母孝咸豐戊午科中武舉以一意菽水承歡遂不肯遠遊投効秦州營歷署本營把總千總後以階州番案敘功保守備又馬武毅東鄉回籍亦以武舉歷署秦州營千總把總子毓瑞武進士

何鈞字秉齋中城人誠實耐勞同治時軍興助馬康衢先生辦中城防務力任其難動中機宜獎六品功牌以無功堅辭時賊氛迫中城漢回雜居謠譏波盪鈞焦思瘁口調利彌縫與

同事和衷共濟雖疾病不肯稍休及軍事漸平辦理善後尤能撫綏難民以異常出力特保州同官職嗣公與爲中城總紳居心公正人無怨咨歿後感之者皆垂涕馬應耿康衢子也少失母事兩繼母孝撫兩異母弟友戚族之無依著矜恤周全鄰里有急難挺身出應必得當乃已雖遇強梁不撓不縮排難解紛終身以之嗜書史素知醫窮家不待招自往診病愈卒不受謝鈞急公之勤應耿好義之勇事雖不同皆能利賴於里社云

黃國珍字子玉州大城人父自新字厚堂幼敏於讀經史琅琅上口家貧親老投身爲刑科吏父病自新露禱願以身代竟瘞父歿舉遺產界之弟同治軍興自新襄辦城防有張生忤總辦以阻擾軍事譖之道道飭自新具稿詳革將置法自新悄然曰使俊秀少年一旦誣死刀筆下義不爲也故遲其牘而諷張急往謝而力救之事終得解總辦詰自新曰若與張親

歟故歟曰故不識也總辦反心折稱爲長者獎以九品職所業利蔓訟可得錢自新每調解使人息訟國珍幼僮異凡兒長乃折節讀書爲諸生時襄州牧振荒於北鄉冒雨衝寒毋浮毋漏振事畢忽來流民數百同事擬白牧乃賑國珍曰此旦夕死可待乎以次貧例予之糧其果敢任事多類此戊子舉於鄉同年生張鑑與有深交計偕時同車北上抵京張患心疾醫藥食飲惟國珍是賴國珍覆試畢張歿多方告賻於同鄉不入禮闈攜其柩徑歸餘費悉付張之家人國珍豪於飲葺設館於東甕城不問世事暇則招邀知舊談說古今酒酣慷慨有辟易干人之概以腹疾中年而歿生時地方有大事能決斷死後人每思之

陳養源字鏡泉後改競全以字行州北關人父圻副貢生少孤貧能自力成學光緒癸巳科舉人甲午成進士卽用山東知縣歷任歷城夏津中東戰後中國局勢漸改競嚮變法養源

毅然投効去欲東渡扶桑作壯遊一擴聞見值日俄爭於遼左不果行因客於上海罄宦囊設精進書社與蔡元培劉光漢等善遂繙印歐西各學說以餉國人思爲國振起羣材又擇最切要者頻寄里中州之士子知有新學新書實自養源始養源精三體說文獨到處光漢亦心折乙巳卒於滬年僅四十一子二銳鈍留學於滬遂家焉

梁瑚字寶珊二岔廳人三岔在萬山中士人少瑚勤學能文肄業天水書院州牧黃翁先貢之拔取第一入學問里設帳多年學行爲士林矜式及歿門人立石紀遺澤鑿辦公務尤足服衆同治間匪亂前鋒數騎已近堡堡衆將潰瑚止之持大刀獨立堡門外賊望之踟躕良久徑去可想見其魁梧雄傑之狀云

陳獻字子賢號西山工壁窩書好作詩隱於醫不計方金得資多寡不較輒付酒家每微醺

則掀髯朗吟李太白詩陶陶然自樂也其詩不以雕琢爲工著有西山吟草

王奮揚字鵬飛北鄉人幼習弓馬師其兄奮寅奮寅性嚴厲終身事之惟謹中同治癸酉科

武舉授効甘州提標左營把總以功升本營千總勤勞致疾歿於任身後無餘貲妻子至鬻

餅爲生而生時能顧恤友人馬武翼人以此多之孫兆能復祖業劉金才亦北鄉人同治間

先投効曹提軍行營破高樓莊以奮勇聞後爲織連魁勁勇賊圍甯遠久金才與劉有祿劉

聚財劉得奎出死力解圍殺功升把總署利橋都司補秦州營經制年逾八十而卒

張際隆字虞卿州北鄉人幼貧失學能逢人間字漸通文義知古今辭氣爾雅初不類農人

農閒販賣頗有所獲權浩劫乃廢然止乘耒種瓜意泊如也偶遊涓濱見乘馬客倉皇渡遺

一囊守候之弗開視也久之客折迴見囊頓首曰此中有金五百願以半爲君壽際隆曰囊

屬我矣何有於半授以囊且戒其粗心客問姓名而去次年客具禮造門謝家人始知其事
皆尤之際隆曰吾老矣半生積產盡化灰塵天命可知何敢益己以損人子孫若才自能富
貴也後子煒果舉於鄉其弟三隆亦好施親族有無力婚葬者咸資之使集事教子弟以忠
信勤儉爲本亦可見其家風矣時有木工劉國棟太白廟人光緒某年爲宋某築室掘土得
六白金衆匠欲瓜分國棟曰橫財不發命窮人此物出自宋土非無主物也卒告諸宋是同

時有二拾金不昧者云

際隆一稿
作順隆

郭兆祥北鄉人咸豐乙卯武舉劉輔清東鄉人劉繼業字述之監生兆祥同治間軍興爲北
鄉總紳籌餉贖兵民無滋擾辦社倉十餘年積穀七十餘石一鄉利賴焉輔清管公日久以
剛直稱功尤在息訟所居去社倉遠每收放必親蒞樽節紳約經費歷年積穀十六石以備

振荒巡道以功衛鄉閭旌其門繼業勤農守先業令諸兄弟習儒人州學歲饑出藏粟活鄉民無德色丁丑襄辦賑務管理社倉皆廉明無私悃款不浮無愧鄉里之善士云兆祥子登魁以武生從戎積功至遊擊

周懷字德庵東鄉人王業榮字仁山北鄉人性皆好施懷爲紳士三十年築堡修橋辦社倉人咸利賴焉貧者求之立解囊有阮姓窮不克娶欲自縊懷聞之盡給所費不約償期嘗經商赴陝渡涇水忽漲有溺者懷不暇自顧奮身拯數人出數人者酬銀數百辭不受業榮事父母以孝聞家素饒同治七年歲大饑業榮出粟賑鄉里時道殣相望而所居王家後川百餘戶無餓人業榮嗜讀書老猶應童試卒不售而子孫人邑庠者五曾元輩亦能繼書香爲善之報不必於身歟有許廷瑞家不饒而好施歲每饑置炒麵於路以待餓者或斃卽爲掩

埋村有納聘爭財者廷瑞排解不得立時典衣以助人皆以善人目之云又有議敍從九品趙養翼西南鄉人能孝親性好施常濟人之急一鄉重其德望

董壘字鳴六乾隆間歲貢生工詩善畫尤以書法著筆格蒼秀至老益工凡寸幅零縑今皆視如拱璧所居愛陰書屋嘗自序以少壯不能勤學及老徒抱無成之憾勗子孫以己爲鑑則其人蓋誠篤而好古不倦者矣著有南園詩集後有州學生尤愛字蓮亭書兼夾趙寺觀中遺跡尙多亦昔時以揮毫得名者

趙學勤字雪堂亦乾隆間人又有李芝仙同以善畫得名流傳百餘年購遺跡者日益寶貴則其畫可知至其人之事行湮沒無可考矣

謹案善畫亦文學之一支也古之能者均以之名世州人若董若趙李不僅翹楚當時

而吉光片羽且價重於百年之後以匪易易前志漏於採拾茲爲補錄

丁超丁特從兄弟也當乾嘉時富甲一州性好施捨家立門籍以婚喪飢寒爲日有求者酌情形給付至少制錢四緡兄弟每出遊窮人環而乞助者紛集詰其實無不與者迄今百年餘矣其家所存當日施捨簿尙七八箱云經亂業經損失過半可謂好行其德者矣

謹案入則孝友出則睦嫻任恤周禮所謂六行也自古道澆微人私所有承平之世如丁兄弟之爲或及怪其豪侈矣故採訪者不之及今則天災人禍嗷鴻徧野儻有力者皆如丁兄弟其惠豈有量哉特補傳用垂永久以勸博濟

王廷揚字蘭如廷鑑字鏡澄兄弟也州南鄉王家鋪人廷揚性爽穎多讀異書廷鑑尤敏悟過日不忘父耀德故宿儒廷揚兄弟從之學盡得其傳韶年均負文譽每試必列前茅以文

行爲士林所重光緒二十七年同入州學兄案首弟第二癸卯又同舉於鄉棣萼競爽一時傳爲盛事廷揚旋入甘肅速成師範學堂畢業因親老辭不赴教職居恆鬱鬱竟以暴病歿於蘭州年三十五歲廷鑑應光緒三十二年舉貢考職以主事分發吏部文選司用勤勞迭升本司幫稿主稿兼幫掌印加五品銜駸駸顯用矣時值預備立憲政務紛繁夙夜在公遂積勞成疾歿於京師年僅三十有二士論尤惜之廷鑑著有鍾毓堂文集稿家藏待梓

萬邦綏字撫卿秦州學廩生父英傑以孝聞遇荒歉家人皆菜食獨爲親具甘旨母陳氏通孝經邦綏初人塾聞講論語問孝諸章卽能感動蓋濡染於庭闈者深也母嘗病劇邦綏衣不解帶者二十七日晨昏誦經虔禱於神明忽夢神爲正經之誰字且教以食梨可增母壽食以梨果瘥人以爲誠孝所感平居每食必先祭遇歲歉嘗忍飢以活族人襄辦城防所獎

職銜讓於兄學使許振禕欲以孝旌辭延入幕又辭後許學使應麟胡學使景桂慕其孝皆題楹帖旌之其學由靜入細日用瑣屑皆有格致之功深於易精堪輿醫術爲人擇吉診病輒驗惟不以大黃入劑以父誤服而歿爲終天之恨云預知死期自擇葬日書七絕一章而絕年七十鄉人私謚曰孝靜以下孝友

何步月東鄉人父汝弼有義望於鄉中年失明食寢便溺步月必親之不肯假人數十年如一日及步月病歿其父年近八十家人不敢使知月餘忽問曰家有何事步月晝不一來而終夜依依吾側家人又詭對之後僕以實告其父一慟而卒人爭傳其事蓋孝念所結理有然也又有楊世合同治間回匪入村世合負母逃竄匪遇之感其孝縱令入堡與弟世泰友愛終身李映桂字月卿事繼母以孝聞學使者以孝友性成額旌之潘朝漢字鼎三父歿事

繼母曲盡其歡朝少視膳畢始肯出門年踰四十尙作孺子慕生性方直年七十端坐而逝
劉士吉南鄉人家赤貧六十未娶獨種菜以養寡母手作羹飯均如母意自食粗糲不使母
知母中年得痿疾每春秋佳日負母登山觀花覽景以娛之母之穢衣必親洗滌母入旬有
七而終玉吉號慕如孺子陶州牧欲爲請旌以家貧而止乃給錢布終其身王扶邦字濟卿
母早歿鞠於伯母及伯母衰老奉養竭誠居喪哀感行路飲食必祭光緒丙申舉孝行旌以
天性克全額王耀烈字煥若習童子業未售設帳里門爲人好義鄉人以孝行舉王學使旌
以順德可風額子輯邦亦以孝稱耀烈道光間人已見新志徐萬魁字星樓事母孝異常光
緒九年請旌給天性純篤額又有曹憲章亦光緒間以孝旌

王廷詔字待卿銀工也喪葬父母皆盡禮其三叔早異居有七子蕩盡家資廷詔迎養叔父

於家且爲其七子均娶妻而時濟不足廷詔伯兄早歿仲兄出嗣兩弟廷舉廷琛廷舉遠遊
新疆廷琛幼孤舉之子之孫琛之身之子皆廷詔撫養授室以成立舊有債千餘本議弟兄
分任後廷詔獨償之又常調卹姊妹家同治初歲大饑廷詔助糧佃戶外凡近村之無食者
均賑無遺自春至秋施糧五十餘石活二百餘家庭詔六十後始舉二子且皆才人謂積善
之報云王補兒東鄉之鐵工也其兄業醫而性孤僻不能售其術日坐補兒鑪所補兒必沽
酒市肉以進所得貲不敢自私遇雨則自家取傘扶掖以歸事如嚴父者數十年又張聯陞
亦東鄉人事親孝又能體親心以愛妹妹家貧生養之病醫之死葬之撫妹之二子各爲授
室而卒無德色

趙廷璧字連城伏羲城人承平時秦爲大都會客貨殷闐車馬之往來必有居停主廷璧自

先世託業於此貨藉甚微而官差頻煩及軍興愈難肆應廷璧十年中支紉彌縫官商信仰公私流轉卒無誤事羣從六七房同居廷璧獨任其勞頻更荒校絕不使一人之失歡客至其家不辨誰疏誰親誰爲誰子也三事繼母均以孝稱同祖之伯母析居已久子歿迎歸奉養四十餘年上壽而終殯葬盡禮平居惠周戚里坦白尙義好爲人排解紛難市人或喧訐聞其聲則趨避非內行之足以孚人歟以轉運勞議敘六品軍功從弟廷舉字相臣廷璧督之學乙酉科舉於鄉從子琨庠生孝孀母有文名

成其深字舟子其高字麗中兄弟也世爲北鄉人後遷居州大城同治初其深尙鄉居與子林姪齡同陷賊賊將殺齡其深曰此吾弟子也林我子請代之林遂遇害其深得攜齡歸事已載甘肅通志矣其深兄弟雖肄武而同好文學喜讀書兼工楷法能仿古帖得神骨其深

嘗著馬步射法十餘篇習射者常以爲師資弟姪皆以武科舉其精可知教子姪不分親疏
晚年惟養魚蒔花以自娛其高以同治壬戌科武舉投効楚軍保至花翎都司銜守備聽差
道轅歷任巡道重倚之委辦秦安甯遠釐局又署秦安把總利橋都司廉隅自飭守義安貧
所餘薪俸錙銖歸兄家政一聽兄主持以故室人和睦怡怡終身人謂之二難云其深林亡
後生次子鎔其高長子齡光緒丙子科武舉歸漢中鎮標兩署把總早歿次子權廩生其深
兄弟皆預知死期尤異也

安啓才州西鄉人素業農兄弟五人啓才居次嚮然友愛出天性咸豐時伯兄堪補經商新
疆客死於奇台啓才聞耗大慟謀歸其喪諸弟以求食不暇阻之啓才變色曰喪不歸他日
何以見父母於地下諸弟可無煩跋涉乃著麻鞋挈木杖獨行出關歷數月之久卒負兄骨

還里厚葬之先榮嫂賈氏方盛年無子啓才事之謹厚異常使克完節生平遇人不欺人有過正色面責人亦樂受有所約踐言不爽以故家雖貧無不踴躍相助者又有鄉飲介賓朱英材回亂時其異母弟被掠母泣不食英材出入賊中卒尋弟還

雷聲震南鄉高橋關人武郊麟字樂亭天水鎮人聲震性豪邁道光初年撤守關戍兵突來匪徒多名據關恣淫掠鄉民糾衆捕得四五人欲報官則畏輕縱欲私縱又畏報復聲震獨建議殺而後首官自是盜縱永息有勦匪碑記其事郊麟喜俠義常急人之急同治軍興任團總一日因省親遠出賊偵得將執以給鎮城郊麟刺殺一賊餘賊駭竄郊麟料其必乘間襲鎮城急取間道歸至鎮方引繩上賊已環集城下時團民尙酣睡呼起使登堦而自選壯丁開門與戰賊不支乃去鎮賴以全郊麟光緒末年無疾終壽七十八贈武略騎尉

以下上義

李廷琛字子獻杜茂林字枝一皆東鄉人同治軍興各能練團殺賊保衛鄉閭廷琛爲武進士殿魁之孫武舉鳳翔之子果毅有祖父風四年十月賊由甘泉寺街子口出峽欲渡渭攻州城廷琛時守社棠鎮率衆拒之河濱戰二晝夜斃賊多人乃敗去州牧托剛烈公獎以旗炮各一後幫辦理民局用勤勞保五品銜茂林訓練甚勤時值大饑出私粟以食貧乏曹提督攻白石峪率團助戰有功鄉人感德以風高市義額其門宋國柱秦安隴城人徙居州北鄉太白廟回氛起練團自衛築堡未成賊猝至國柱率衆禦於西山麓據高臨下飛石猛擊賊驚愕遁去遂約環境十八堡守望相助布置周密賊不敢復窺民乃安堵

曹凌漢字步九郭特彥字遜之趙興旺字有庵陶魁字星垣皆北鄉人凌漢咸豐辛亥科武舉縱連魁微時館凌漢家習弓馬食用弗之較及連魁發解從征髮逆敗歸狼狽無以自立

凌漢資助五百金復薦之於統兵者從勦回匪遂致通顯同治七年回匪至攻鄰堡皆破嗣
攻曹家堡凌漢出奇計擊之退鄰堡難民紛集凌漢胥給衣食凌漢鄉舉後効力陝甘督標
以功授守備銜晚年造船七隻濟渡人獎五品頂戴特彥少孤而好義回匪初起特彥獨出
背築堡於莊次及賊來特彥又供村民食以死守斃賊多賊忿甚聚大股將合圍特彥知不
能敵使婦女先逃男丁踵之賊迨覺已空堡矣後爲北鄉總紳值大荒官散賑特彥自備炒
麵以從公州牧屢獎其賢與旺驍勇有力同治初以勇目勦回匪頻立功守甯遠縣城二十
餘日尤爲出力保都司魁當回匪圍其堡時與兩弟力戰出乞援兵兵至堡已陷卽以弟錫
璞嗣亡叔所遺田產任自擇以武監生終凌漢特彥魁居鄉均有嫻睦之風而特彥精醫術
貧家招之始肯往尤奇凌漢子光燾興旺子呈祥皆勇毅有父風呈祥積軍功保至花翎都

司郭氏子孫最蕃衍云時又有張鳴鶴字松峯東鄉農人也平居常以片言解爭回匪至鳴鶴共鄉人守堡四面被攻勢將潰鳴鶴急使堡中良回某登陴與賊語攻稍緩鳴鶴乘間出堡面其酋以利請許之不過羸馬一匹豆數斗茶數斤而圍已解而數百家賴以全亦智矣

哉

謹案此次採訪冊有武舉蘇來東東南鄉回族同治初鹽官回搆亂來東不肯從投効曹提督曹欲招降首逆蘇家良衆無敢往來東直入其巢說之歸順後從大軍至靜甯州又往招王大師大師不肯降曹進戰來東死之是來東固忠義人也新志戰防門載同治二年正月甯遠新市鎮回日張滿喇入鹽官鎮與蘇家城武舉蘇來東潛結謀逆連鎮東西八堡回民俱反殺義回武生毛大魁三年十一月曹軍克高樓莊武舉蘇來

東自曹軍抵天水後卽出投汪士鏞高樓既破士鏞挾以歸總統總統斬之是來東又先叛而後降者也修新志時去同治回變僅二十年目擊之故老存者尙多故於來東事記之特詳卽令當時採訪不實何至相反若此此事體大不便刪削亦未敢臆決存疑以待知者

卷之三終

壽州匪秦州采冠糾糾

卷之八三

二十七

秦州直隸州新志續編卷之四

秦安縣

蔡潮字來青秦安人乾隆庚戌科武進士官蘭州督標前營遊擊徵時以一馬一驢販糧至某處見一婦哭甚哀問之則爲夫鬻以償負將覓死者也潮以馬抵贖之驅驢返至中途驢又墜崖死潮遂步歸夜半至城門假寐聞人呼曰無路走何不喫糧驚醒自念此亦生路翌晨遂巡至家告其父遂入伍應試獲聯捷

胡之璵字輝山秦安貢生官城固訓導少時應試秦州於其餅家拾得白金立中衢俟其人還之又有縣人孫毓盛拾金釧知爲某官家物恐冤及婢僕造門還之某官喜其義多佃以田遂致富子孫登文武科者甚衆

彭繩祖子觀堂秦安隴城人六歲就傳過目成誦家貧苦學晚年成進士以知縣分發河南署嵩縣捐廉修城擒匪圍攻繩祖守禦晝夜不懈轉危爲安去任時士民攀轅走送數十里以捍寇功保加運同銜直隸州用補南臺縣政辟益著告歸年八十五卒著書見藝文目錄子三長泳舉人甯夏縣教諭孫五繼宣河南府經歷在任二十餘年有譜練稱嗣宣夏邑縣典史縣官諸生

張齡鏡字心若必昇曾孫也生而敏慧儻不受羈勒及長驅幹豐偉內行修潔與弟舉人桐鳴友愛甚篤同治初回亂作時文武酣戲遇賊輒畏縮齡鏡招募健兒數百射自訓練遂成勁旅城防賴焉七年秋陝回陷北郭將攻城齡鏡誓衆守陴日不交睫者數夜髮鬚皆白賊不得間乃退去侯十別部擁衆至齡鏡整隊嚴防秋毫無擾當事者上其功賞戴藍翎

加四品銜將破格錄用會某大吏去職不果乙酉春感微疾卒年八十有五弟桐鳴由舉人知縣主講洪洞書院卒胡迎綬字印軒秦安縣城人齡鏡爲城防總理時迎綬實左右之募防勇數百身訓練之賊屢來攻城捍衛訖不得逞敘績授藍翎五品銜把總當大軍駐隴西催餉急值歲荒輸不及時有李將官者迫縣令某西行迎綬聞之步追至十里高家鋪及焉叱曰還我使君來民力竭矣事須商辦何得無禮豈謂秦無人耶李壯之釋令去至今談者猶爲動色亂平不求仕進於宣統二年卒年七十七

張文炳秦安庠生汪澄圖字時泉廩生文炳性利厚終身與人無爭競善醫痘昏夜必赴從未受一錢謝縣東有任家莊莊後忽裂巨縫衆懼崩議他徙有地者乘急勒厚值文炳以已田任居之不議價澄圖素貧設教家塾歲不下數十人稍遠者供饌秋雨無薪至破舊扉爲

歛而束修之多寡不較善岐黃嘗刻保產輯要贈人延請者無問貧富輒往病已不索謝目本短視老年行步需人後忽開朗二人皆以厚德著

巨源字少海巨潭字鏡舫兄弟也秦安人源學既成以親老家貧客邑宰募宰叩邑中某事某人正色曰此非所當言學使者賞其詩賦聘閱試卷欲以優行貢源辭曰迹近私非敢居也鄉試五薦不售絕意進取與弟潭終身同爨邑長老論友恭者輒舉以爲式卒後成兆南誌其墓略言少海之學由靜入世徒震驚其文名而未窺其用力之所在云潭少以貧廢學年十九見兄入庠欲讀書父不許憂憤成疾檢討張位勸其父始得請初讀毛詩有所得削楮註之見者詫爲異才入學後專以講學爲己任成就前後數十人孫江孫海安維峻等皆出其門下卒後門人不忍遽散於講學處共居期年乃去子國枏庠生國桂光緒乙亥舉人

官阜康知縣有文名

安仁字體元秦安人衍聖公齋奏廳至性過人中年喪妻不再娶事母張以孝聞兄弟間怡怡如也少時家貧失學就鄉先生問字質義退而探索久乃貫通徧覽經史丹鉛不去手擇先儒格言別爲一編身體力行邑令王汝銓有真人品之日後家道裕樂善好施村中有巨壑礙行人仁捐貲督築成坦途官橋遭河漲冲沒慮鄉人被官刑代爲賙修學通星象堪輿嘗往瞻曲阜孔林忽夜觀天文知關隴將有變中途馳歸既至却西山穿底洞由南達北至絕澗可得水處止未幾回亂作一日賊醫至縣川斷赴城路鄉人憶及此洞皆挈眷避入卒得全軍興之初毀家紓難不足又轉貸益之而身任其值邑南郭回族百數十家皆安分營生或藉口清內患謀襲殺之仁聞白之當事謂冤及無辜適自禍耳事遂寢年七十二猶健

步同治壬申仲夏歷登邑境四山周覽謂友人曰今秋當告別踰月果病卻醫藥自知死期又自卜葬日

侯箴晉字康臣歲貢生成豐初元詔舉孝廉方正邑紳首薦箴晉拒之曰孝廉方正四字談何容易公等以是加我卽一孝字愧殺箴晉矣關隴亂邑紳張齡鏡督辦城防同治四年八月四日賊衆撲城是夜知縣張化南欲開北門調北郭駐防客勇入城協守衆心惶惑莫敢言增生周葆齡侃侃爭之箴晉亦贊助知縣不能屈乃止其夜外勇與賊合北郭陷後以教職候補久之不樂卽引歸書其門曰牀頭有酒春常在門外無車身自閑嘗戒子弟曰甯可終身不仕毋令一日廢書以歲貢終易管時有將赴峨眉語葆齡字夢九能書卒於金縣蔡輔清字夢若秦安貢生鄉試屢薦不售乃曰人生貴適志耳安用久困筆硯乎遂絕意

進取課二弟及子姪讀書學規嚴謹終身與弟姪未嘗分爨同治初軍興當道以督辦城防
敦請辭不獲已遂起任事建北郭爲城屏蔽城賴以全巡道林之望有遠志難忘姜伯約戎
韜須仗尹淄州楹聯之贈以功加藍翎六品銜原選州判卽補教諭

孫海字吟帆少有雋才與天水郭瑞岐吳蜀江齊名由拔貢仕四川歷署閬中成都富順等
縣事實授遂甯因案罷官著述甚富卒後多散軼尤善書片紙隻字至今人見之必爭購焉
張浴德字素儒秦安歲貢生幼穎悟好學年十七補博士弟子員嘗考究古昔封建井田之
法洪範九疇之數於太極一圖尤能匯流而溯源晚年酷嗜風騷凡樂府鏡歌及古今體深
得其三昧所著雜文亦卓然可傳

胡仲熊字西垣秦安歲貢生幼承家學及長博極羣籍擅書名尤長於詩與鞏秦階道張瑞

珍常相唱和軍興辦城防次子野督團戰死人弔之仲熊揮淚曰小子以死勤事固其分也
治軍事如故設帳城中諸生或因兵荒曠學仲熊勉之曰若但勤讀世宙自在耳以故金戈
鐵馬中絃誦聲不絕後署成縣訓導卸篆歸家益貧賦安命詩見志卒後知縣程履豐厚贖
且遣役經理其喪仲熊在成縣時長子洛省父歸騎有名馬賊圍奪之洛格鬪死蓋二子皆
殉賊難云張景軒字步庭秦安庠生裕德姪也性沈潛行止端方同治初回亂作城防戒嚴
景軒奉縣諭稽查城門出入無誤後管理倉糧出納惟謹知縣程履豐亦優禮之謂之今之
古人

李鎮西字靜山秦安人候選都司性寬厚有幹練才十二歲卽能服父兄之勞遇戚里婚葬
不能舉者慨然以身任之凡所施予一過輒忘初無德色尊重師儒延課子弟列膠庠者多

人修理廟宇城垣道路倡捐至千餘金同治間回亂作籌餉辨團前後捐輸統計七千有餘
遭歲大荒死無所歸者概施棺木有仁厚長者之稱

王塋字子厚秦安庠生性喜施與以長厚聞借貸者踵錯於門率如願以去有鄉人某爲子
求婚因數金不其將中止塋聞而與之金後其人來償固卻弗受同治初回亂作塋首輸巨
款以充軍糧及戒嚴守陴者宵露宿塋率家人煮粥以餉又令子姪分番巡城稽查勤惰城
賴以全遭歲奇荒設粥賑饑親族姻戚量爲餽遺並令其子弟就食於家全活甚衆建宗祠
置祭田朔望親詣行禮迄老猶然五世同堂卒年八十八子孫入庠登科者多人

趙棟字伯權隴城歲貢生王世昌字卜五棟同治初回亂守隴城城當南北之衝賊晝夜圍
攻六七日鎮人洵懼棟獨慷慨誓衆設謀防守城賴以全生平守正不阿人有疑難得其一

言立斷卒後二十餘年人猶思之世昌幼事親孝及壯慷慨好施嘗捐腴田建煖泉堡治守其費皆一身任之同治七年賊來攻堡世昌勵衆守禦歷二晝夜堡中被槍死者僅武監生王大儒農民王三狗餘皆無恙值歲大稔爲粥以濟飢民全活甚衆小試不利援例報捐州同銜而次子誥三子論暨孫顯模俱入邑庠人以爲積善之報云

楊天培字因之秦安人少失母父撫之成立困苦中學不少輟咸豐乙未舉於鄉同治間逆回陷北郭天培時居南郭賊退與成兆南巨潭倡練民團約束嚴明民不滋擾以大挑得鎮番縣教諭俸滿陞甯靈廳教授以病歸後又署環縣學篆士皆愛戴又有張西銘字仁夫庠生課徒自給同治間回亂堡寨多陷西銘居梁家堡謂衆志可以成城慷慨誓衆躬親督禦與賊相持七晝夜殺傷頗衆賊解圍去中年精醫術凡診治就痊無貧富均不索謝壽八十

七無疾終

安永吉字子貞仁子也髫年居母喪能哀毀稍長勤學好禮侍父前竦立終日無惰容羣從析產田宅獨取瘠陋者曰吾食指少易給也入庠後課子姪讀且集族鄰子弟授以經來學日衆束修分毫不較以歲貢生註選訓導累封至中憲大夫兄國瑞出繼於外與叔父信皆老而貧永吉供養無乏歿後身任葬事諸姪無宅者授之室族黨鰥曠者營其婚子五次維峻初由拔貢授京秩或謂京官清苦難久居永吉頗獨喜之維峻後入詞林散館試以家貧擬改外永吉又嚴飭之維峻官編修時永吉嘗一遊京師用品學朝官皆尊以先輩禮及維峻補御史永吉誨以勿拾迂談勿畏疆禦勿毛舉細故勿倖直沽名語尤峻切踰歲海疆事棘維峻抗疏劾當道非狀款議興又誓以死爭疏語激烈論戍軍臺永吉聞信不驚亦不戚

覆書惟教以毋忘聖恩毋怵禍變節歲戊戌永吉聞康黨之譟言亂政觸動肝疾次年遂卒年六十有九綜厥生平敦行正學君子也伏羌王權云

鄧銘堂字敬軒少失怙精計然術咸同間兵火中能遠賈以致富重修甘肅書院獨任督工之勞自是邑有要公咸倚以爲重其甥安維峻自人塾至登詞林皆銘堂培植之力秦人至今美之維峻貴地封儒林郎又徵詩爲壽一時名人贈章彙刊成集曰介壽錦言

張守紀字肇修橫渠先生裔孫也溫雅有度與人接喜怒不形於色弱冠入庠設帳教授成就後學極衆繼乃潛心靈樞素問邑令程履豐亦精於醫聞守紀名延入署與語奇之謂其品學兼優邑中無貧富延請輒往至餽謝一絲不受同治間兵荒交迫悍將騷卒日索糧稍緩則鞭箠及邑令守紀輸金助餉家用遂置日僅一餐雜菜根充飢處之晏然曰青青者如

許何過慮爲及秋果大稔人服其鎮定生平隱於酒終日飲不醉臥亦須飲年八十無疾終人以爲酒仙云

楊潮曾字淮川秦安人天性誠篤與母兄繼曾異母弟紹曾皆有聲庠序兄性揮霍所費不貲潮曾無異言事兄益恭同治庚午中副車署大通縣訓導學校翁服歸後主講本邑書院河湟軍興辦城防事治而人不擾鄉人德之晚年選授華亭縣教諭姪廷勳字竹樵少時家貧爲人傭書以養親暇輒手一卷不釋入庠後隨潮曾送考平涼潮曾適病廷勳禱於神願減已算益叔壽潮曾病間知之曰汝恐予不壽汝有子孫願不願汝壽耶相對泣下試畢回署潮曾卒廷勳借潮曾子友元扶柩回藉其篤於親如此卒年七十有一子可珍庠生可訓廩生

劉效渠字乙青岳錦江字蓉舫皆秦安人效渠慷慨重義氣回變延慨然以保衛地方自任西甯辦事大臣豫師督糧隴南一見器許委以軍火局效渠殫竭心力終事無誤豫擬保奏力辭終藍翎五品軍功錦江初司糧臺收發繼襄辦甘南總局復奉道札往伏羌專理軍糈又爲邑令程履豐司馬營監轉運役無留滯鄉人便之最後委辦善後事人服其公正保選用縣丞加五品銜辭不就

李灼字華亭秦安人質魯嗜學入庠後從武威舉人魏賢儒學孜孜不倦賢儒器之同治庚午舉於鄉母歿廬墓三年服除選授靜甯州學正卒於官

高震字雲卿秦安人中光緒乙亥鄉試官平番縣訓導課士勤敏以直忤上官告歸居鄉以禮法自守不干謁官長創建祠堂敬宗收族設帳授徒歲科試及鄉捷入詞林者三十餘人

主河陰蓮峯兩書院講席成就尤多卒後士林思其教澤又李諤字愷堂世居縣北鄉與震同年相友善亦教授有聲門人多顯達性誠樸以足疾未仕卒

安維嶽字霽峯永吉子侍御維峻之弟也幼自塾歸必親奉盤匱父母昆弟不食不先食世居神明川年十二因兵荒廢學每過他人學舍聞讀書聲則感泣年既長農務之暇乃併日而學有所作就質於兄月下盤桓每至夜分或達旦母嘗嬰疾纏綿牀蓐維嶽親侍湯藥晝夜不離側手滌溺器家人請代之弗肯如是者半載母病尋愈光緒乙亥入邑庠次年鄉試盛薦不售舉優行旋致目疾以不得終養疾革時語二親曰勿確兒髮以示不孝之罰遺孤二長三齡次僅週歲妻薛氏撫孤三載以憂勞歿母鄧氏撫兩孫次塲長琦附貢生弟維崐字玉山性坦直無城府而處事能鎮靜時值變法政令紛更屢定維崐當公不擾民而集事

地方隱受其福

蔡同慶字丞伯秦安人布政司理問銜蔡氏有世德同慶亦以任恤爲己任同治初回變作城防籌餉同慶每輸恐後嘗獨力創築一堡光緒間河湟亂作附近鄉民皆得避亂其中里人因名曰積善堡先是同庭曾捐金三百助軍糈出粟百石賑饑民鄉人爲刊頌德碑秦晉振案復捐三百金曰天災流行凡吾力所能到必不敢吝惜邑令嘉其義行委管義倉積穀出納無私同時管義倉有聲者又有待詔銜高耀申別有傳加遊擊銜張效仲監生高繩祖雒錫麟字漢閣秦安廩生沈默端雅居喪盡禮禪猶不入內寢弟錫麒祧長房錫麟終身與之同爨畀家政於弟自以授徒爲事性喜施與或以家貧爲言則曰必待有餘以濟人終身永無足之日矣三十後悟寡過之難嘗作五十箴以自警大要以省身克己爲主又著有懲

忿說希聖子傳儉約論並手編經史語錄淑身語錄各種年甫四十以疾卒

丁錫奎字聚五別號黼臣世居秦安北鄉丁家店幼師事牛雪樵先生同治初童試秦州任
士言先生閱縣考卷驚爲名宿然名途蹭蹬至光緒壬午始中副車戊子領鄉薦壬辰成進
士以知縣卽川分發陝西補靖邊縣知縣蒞任初卽書勤聽斷少科派六字於堂上以自箴
靖邑舊無志書書院廢圯錫奎皆捐廉爲之庚子歲邑洋寨蒙拳猝起焚法國教堂錫奎彈
壓亂民委曲彌縫外人感其誠卒不戮一人了結嗣著韓城篆勤政恤民一如在靖時韓人
爲之勒石以誌壬寅辭官回里適邑創辦學堂錫奎捐助經費制憲奏獎在案著有靖邊志
四卷聞善卹續錄二卷宜園詩文集四卷

劉淵秦安庠生有俊才新安程履豐知縣事稱其姿爲同輩第一許學使按試時謂秦安拔

才甚多惜限於例只貢一人囑淵考優爲忌者所格未投卷從任士言先生學先生亦賞愛之年裁二十二遽以瘵卒與巨國桂爲莫逆交巨有輓詩甚悽楚後有鄧廷芭字次澧廩生弱歲通經史下筆驚人亦爲任先生所賞夏使學歲試第一拔入采蘭精舍鄉試屢不利宣統己酉優貢兼舉孝廉方正朝考一等以知縣用分省陝西到省未久思母假歸病歿年三十七二人皆能文而不壽廷芭有經濟才尤爲士林所惜云

王濟字旣生父錫奎名士也濟生有至性事母以孝聞父性剛毅督責尤峻入庠後師任士言先生學業日進光緒己卯舉於鄉己丑成進士以知縣用簽分江蘇親老告近改四川至蜀大府委司江安鹽務權衡大小一準於法出人必平商民蘇息鹽引大暢丁父憂歸服闋謁選再發江蘇時撫軍爲鹿公傳霖爲人嚴冷寡合屬吏罕當意者頗獨敬濟幕府事一切

見委事必咨而後行拳匪之禍兩宮西狩鹿聞變流涕欲以身殉國濟亟往說之曰公死何也公司封疆之重豈不以保固捍禦分社稷憂公死何也鹿大悟即日誓師勤王而檄濟從行體素清羸至是蒿目時艱疾增劇請假旋里以是年臘月卒年四十五歲

趙文源字禮泉少有聲於隴南書院家貧能苦學鄉舉後聯捷進士以知縣分發貴州歷知清平遵義兩縣廉聲大振民爲豎碑志德政山右李川清時爲東邊道力保之後開藩關中見秦人之仕陝者均令效文源稱爲天下第一清官母老告終養不復出舊受知於陶勤肅延主講蘭省求古書院所拔擢士隴西閻士璘伏羌田駿豐會甯楊思皆其最著者也

徐錫章字倬臣秦安人性狷潔教品勵行讀書能觀其大肄業隴南書院山長任士言先生器許之光緒戊戌大挑分發湖北知縣以親老不赴從邑人安維峻講求正學尊信程朱斗

室之中嘯歌自得一夕夢赴任旌旗騎卒甚盛不數日染病卒其側室張氏飲藥殉另有傳其同年舉人成适字少伯父性嚴事之能得歡心官大通教諭卒

侯垣司敬民皆秦安舉人垣才氣開拓由優貢舉於鄉歷爲縣署掌書記變制後研究新學有心得游新疆爲地輿教習中丞獎其學以揀選知縣歸候補杜學司以拔署優缺保送檄未下以病卒敬民爛熟七經爲人循謹有法度變制後歷充條城平涼各學堂教習

王明字曉蠡秦安隴城鎮廩生初赴州應童試未售憚父怒不敢歸孤寓城南蕭寺師曹先生俊勵志苦讀三年遂入庠因留設館大家子咸來受業所成就者以百計侍郎劉永亨其最著也居父喪哀毀逾禮同治初回亂作明迎母挈家至州值歲饑斗粟值五千餘錢館穀不能給而奉母未嘗少缺母尋歿以不克備禮引痛終身季弟哲喪偶明以己財爲繼娶及

姪生哲出外而繼娶者歿明夫婦撫而教之弱冠卽入庠後歸里長姪析產獨取贏明不與較仍回州舌耕自給卒年六十餘諸弟子爲營葬立石通衢題曰瓣香敬祝

高耀中字望岳先世當明中葉自扶風遷於秦安生而穎異六歲就外塾讀日數行下講輒悟大旨適回亂起弗獲卒業援例得翰林院待詔銜子鳳鑄官京曹封承德郎性孝友葬死

哀毀骨立事母尤委婉悅志事鉅細必稟命而行耀中女兄弟四人嫁後長次家貧母垂歿

耀中請命各分以田一兄二弟析居後均歿撫諸孤如己出事孀嫂尤盡禮耀中家故豐饒

前後振荒獨出粟至百餘石減半價平糶至數百石山崩則捐田數十畝以資災民大寒則

施裘數百領以蘇凍者甲辰蘭州河溢成災土官檄州縣勸輸秦安推耀中董其事耀中慨

然曰我不先誰其踴躍乃首書名而各富戶遂感激無肯後居平惠周戚里廈庇寒士賴以

舉婚葬資進取者不計凡幾而卒無稍稍驕吝色好禮樂善至今人稱道之

成樹勳字敏齋爲人和平樂易終身未嘗見愠怒貌魁梧訓蒙有年多所成就子聯珠孫際韶曾孫象乾皆親見其入學同治初逆回日犯縣城郭民晝夜邏守冬寒人多凍餒樹勳首施稀粥爲倡次年斗粟十千餓殍徧野小麥方熟剛匪與鄰匪蕩至就地給糧罄室覓磨騷擾萬端民不聊生樹勳奮然謁統領移磨於市一關始安八月逆回又陷北郭民多乏食又出餘粟平糶多粟者效之全活無算光緒間知縣王兆鼎整頓文社邀請再三始出而任事議事秉公不取絲毫津帖年踰八袞猶手不釋卷能以易占吉凶問卦求卜者接踵於門九十老人任天錫字申之秦安大城人初業儒年十四念父勤劬輟讀理生業家道漸康其奉親先意承志孺慕訖終身析產以良田分給同母弟而自取薄劣同治軍興竭力捐輸北

郭陷每夜煮粥餽大城守陴人又以麵筋散給避亂者平時義重調恤年登大耋遇祖宗生忌辰及春秋祭祀罔弗躬親拜奠生平以廢學爲憾尤尊師重道孫紹棠監生繼棠入邑庠繼棠頭角崢嶸安侍御器之以女妻焉治家敦尙禮法爲鄉里所矜式以下孝友

王永盛秦安人家貧甫十歲卽能竭誠事母及長益孝敬同治間兵荒頻仍奉母甘旨無缺母嬰痼疾永盛屏絕百事躬侍湯藥頃刻不離左右至夜按摩脛膝輾轉扶持往往達旦不寐日盡腫每夜焚香禱天願減己壽以活母淚涔涔下著衣成血如是者凡五年而母病愈後母以壽終哀禮兼盡既葬廬墓側朝夕饋奠歷三年鬚髮俱白年七十有五卒

洪家秦安某鄉人同治初回變作負其母張氏避居四稜堡繼又負母往清水縣城未幾賊至其居妻馮氏並眷屬八口死之長子潔次子烈從賊營逸出及賊圍清水秦又負母攜

子逃住黑墨堡艱險備嘗卒免於難李保安秦安人年近五旬始生一子弟早逝弟婦王氏年二十六撫孤守節同治三年秋避賊保安與家人抱子姪且攜一篋內有數十金行至中途度不能兩全擲金棄子獨負姪遠逃賊至家人以金獻賊亦俱免於難以下忠義

謝含英秦安人同治元年十二月初八日賊圍其莊偕弟作翰拒戰擒一賊殺之賊大集兄弟猶力鬪以無援並死相去數十步有一犬來環守凡二日屍得無損賊退鄉人始厝之貢生馮士秀吊以詩云謝氏兄與弟並遭回匪亡一犬守二屍白物莫能傷

嚴邁祖秦安縣監生嫻戎事好奇計同治初陝回竄張家川邁祖與王直方築堡守禦募焦桑等爲隊長九月十三日賊據東山高阜窺城邁祖蔽堞以旣令守者從隙中擊槍以待十五日賊梯來攻拋火毬擊退之賊復以木柱撐巨板戴而穴城我軍熱火酒下澆滲入板縫

昔然賊棄板逾二年九月十六日城陷邁祖願謂其子元威曰我死爾速行子曰父殉城兒殉父遂對縊死

郭鳳舞秦安人精刺擊同治元年教龍山鎮民勇習拳棒每戰輒捷賊之圍龍山鎮也其黨馬閻娃與鳳舞善時露賊情故先事獲豫防之九月十五日夜閻娃潛至曰將隧地矣鳳舞

枕瓦偃伏地上聽之得其處乃穴孔灌以水賊計窮數日復告曰又於堡南隧地納火藥矣鳳舞用石和土以障之二十五日午刻地道崩煙霧四塞賊反問如蓋地雷倒轟斃者過半

明年五月城陷鳳舞被執賊支解之

前志附有人止言巡邏被
狀此則事實甚詳宜立專傳

馮樹蘭秦安諸生回族也同治元年陝回叛入甘樹蘭與叔執中堂孫灼灼避居高莊堡側土洞明年九月十三日賊攻堡跡樹蘭獲之誘之從弗許賊跪而請曰君爲酋諸從者惟君

左右之樹蘭罵愈厲賊見其意堅怒曰如此矯情漢民愛汝我豈能容汝乎乃縛至其祖塋
剖腹抽腸死執中灼灼亦被殺衆皆爲之隕涕

蔡振甲字克臣秦安人同治元年秋回變作邑令汪培度奉檄募勁勇命振甲率赴州巡道
林之望器之擢爲管帶隸參將繼連奎三年賊薄州城振甲破賊於武家河次日復挫之中
梁山勁勇之名大振給五品軍功四年甯遠告急林飭振甲馳救至甯規防粗定賊醫至圍
攻凡五晝夜振甲多方抵禦破斃賊酋賊遁或請撤隊歸振甲厲聲曰賊退誘我也敢言歸
者斬已而賊復至防守益嚴賊度不能勝乃去擾天水鹽關一帶林召還復令南援振甲單
騎與賊戰於小河橋槍斃賊二振甲亦帶傷五年巡道豫師臚積年戰功保把總戴藍翎以
破傷未平辭

薛鎮三字輔卿光緒乙亥科武舉投効固原標以技勇歷署徽縣長安雒南等縣千總生平
倜儻自負不工容悅以故仕途不達退居鄉閭年近七旬猶鏖鏖如壯年歲中寅白匪東歸
道秦安五月十一日黎明匪由縣西山張兩翼而下直撲西河岸作攻南關勢輔卿率團登
城用礮轟擊賊甚多賊畏折而陷北郭縣知事章燦開門遁大城亦陷輔卿率子弟短兵
巷戰又殺賊多名卒以衆寡不敵身受數創而死其弟震三劇三亦殉焉鄉人重其義私謚
曰毅烈

清水縣

閻樸字文圃清水人承父教湛深經術爲文真刻精銳弱冠入庠食廩餼凡隴右號知文者
皆目以偉器遊學關中名人李鐵梅極賞之同治庚午舉於鄉時邑不發科者幾二十年矣

辛未會試聯捷以知縣分發四川歷署南江梓潼知縣聽斷如流寬嚴並濟有惠政解組歸田主講書院循循善誘多所成就立身制行正而不諒通而不汙接人無親疎貴賤恭肅和藹故善者悅其德不善者服其化所以振士習而厚風俗者其功尤多著有友蘭草堂詩文稿待梓

劉俊字見三清水歲貢生張彭齡字蓮泉增生俊同治初逆回叛亂辦城防聯保甲勞怨不辭力濟時艱後官崇信訓導捐廉勵士文風丕振長子作善次子積善俱入庠邑人以孝友稱彭齡以善書稱生平敦厚倫常而庭訓最嚴孫浴澍同時入庠年近九旬猶手不釋卷二人皆品端學粹士林重之

劉文傑字翰仙號石樵性剛而誠樸不欺嗜書好著述遇古人忠義事蹟必一一詳紀於冊

未冠入庠食餼陸學使深器之乙酉拔貢是科捷於鄉禮闈歸父病侍湯藥日不交睫者五旬餘每夜籲天願以身代先後居父母喪哀毀骨立茹素三年未嘗入內邑人重其品學共推爲書院主講以經史設教先器識後文藝從學者日衆戊戌大挑授安定縣教諭講經課文無虛日士人子弟爭列門牆歿於任所闔學惜之公輓以有古人風四字

趙大勳字特生縣東白沙鎮人漢壯侯充國裔也孝友性成少孤貧三旬後家漸裕設義倉以備族人之緩急置義田以供祖塋之拜掃爲鄉鎮立義學使貧富子弟讀書有藉窮家疾病婚葬多方爲之補助一切善事行之不遺餘力

張耀祖字勉齋恩貢生學問淹博惟行文不趨時尚屢困名場以設教終又有劉善述敏捷有文名以弟子員終鄉人皆惜之



安文蔚字霞軒五品軍功急公好義辦城防籌學費皆能不避嫌怨勞瘁而從容集事子女止字舜卿丁酉拔貢就職直隸州州判以善書稱整家塾設學田以課子弟規模宏遠惜四十而歿孫炳焜庠生持躬循謹克振其家聲

蔡金貫北鄉張家川人少有大志兵燹後爲牧羊兒以寄人籬下爲恥遂決志從戎積功至副將銜光緒二十二年旋里修墓爲本鎮暨盤嘴劉家等堡各立義塾一處共捐銀千兩事聞准建坊獎以樂善好施

紀瑞字輯五清水增生性耿介急公好義凡地方大興作必賴瑞董其成又精岐黃活人甚衆年逾八旬童顏鶴髮步履康強人以爲大德之驗以下孝友

王錫田清水人事親孝幼因貧無以養遂棄書習藝與其妻文氏終年茹纒晝夜勤針黹竭

力之所入爲父母供甘旨父喜吟咏且嗜酒錫田時與衣質物備酒肴以博親歡人謂其曲意順承有合曾子養志之旨子希曾中壬午副車署狄道州學正錫田得封

王曾選號韻梅恩貢生性剛直少受業於族祖獻夫獻夫無子曾選悲其遇迎養於家食飲衣服奉之十餘年歸殯如禮人咸謂孝親敬師兩無遺憾

王起甲字蔚亭邑廩生家貧嗜學藜藿不充晏如也母李氏性嚴起甲先意承志數十年如一日鄉人稱孝行克敦云後又有汪起甲姓異事同當有一誤

成汝玉清水耆賓天性孝友有三兄皆早逝汝玉奉親恤嫠竭力不懈子全人庠食餼循謹自持有父風以下忠義

州同銜羅偉居雷神廟堡賊攻堡時與景崇化協力守禦被賊炮烙死事聞贈五品崇聖化父子已見前

志而無羅偉
據縣志補錄

武舉蔣特升居白沙鎮登陣固守夜間失足墜城衆救起張目望衆曰竭力守城勿以我爲

念言訖氣絕光緒元年縣令高稟准建忠烈坊名已見前志此舉蹟較詳故存之

武生田茂盛居縣北田家山嘉慶五年白蓮教匪寇境罵賊不屈死之

禮縣

馬昭字子明歲貢生事繼母孝持躬敬謹不肯稍踰閑生平設帳里門馬孫選趙東陽林含

華皆其所教以次門下入庠者至五十餘人卒年八十三著有紫岔山房雜錄長子應掄光

緒乙亥恩貢由甯夏教諭升甘州教授孝友能承家學淹博工鼓琴亦以善教著昭父子門

人均爲立碑孫兆蕃以廩貢官西甯教諭

黃大奎齊賢中子也道光中武進士第三人授二等侍衛隨駕獵盛京屢蒙優賞年滿授廣

西游擊以母老乞終養新志齊賢傳附大奎名止言官侍衛茲採訪冊有之特爲補錄

王揆一附貢生官江西建昌同知歷署雲南嵩明昆陽知州所至有政聲嘉道間歲凶出糧

振濟全活甚衆長子槐齡工八分書官四川松潘廳管西藏錢法次子彭齡字仲鏡道光丁

酉拔貢生是科登鄉舉考內閣中書不樂仕進教授以終

李應紫字秀峯幼敏慧篤於孝行謹默不爲俗染咸豐己未副榜同治癸酉舉人光緒丙子

成進士邑歷明以來有甲科自應紫始以知縣歸班壬午籤發奉天署鐵嶺善政宜民及再

任尤有頌聲己丑卒於鐵嶺縣署應紫未之官時曾主講天水書院在官積勞保補用知州

王篤本字實之歲貢生劉拱副貢生皆以教授養親行孝篤本工四體書不趨勢利與王仲

錢諸人結詩社著有隆古精舍稿同治間辦城防有功拱以正學立教不受脩金兩人皆成
就後學極多拱歿門人爲樹碑拱弟強亦勤學之士又有崔體克字靜軒庠生亦工書孝友
好施其教授之盛與王劉齊名

任紀瑞字雲五歲貢生梁蔓春字悟吾終身不肯應試皆篤嗜宋儒言性理書紀瑞學甚博
嘗肄業關中蔓春座右懸理圖以自省察蔓春弟際春字茂亭學品同而崖岸則峻好面斥
人非同治間採買軍糧邑令酬以金不受而家饜殮不給泊然安之

蒙頒賜字芹塘咸豐辛酉科拔貢生幼孤事祖以孝聞主講本邑書院歷任海城華亭教官
教人以敦品爲先所至能得士弟三子暘升亦拔貢四川州判父子均善書

林含華字實之父翰增生以孝聞含華家貧少時常採樵野外夜乃篝燈讀書同治癸酉舉

於鄉恣佐邑令辦賑捐籌社糧增賓興經費人皆感之先任成縣教諭遷階州學正所至集諸生講誦日夕不輟由是階士有捷南宮者

何騰漢字雲亭韓慶雲字子餘劉燦藜字炳如皆接物寬厚以孝友聞於時同治軍興騰漢出貲築堡製兵械舉積券焚之分儲糧以勵衆固守又乞師爲外援堡卒得全慶雲每勸輸

軍餉人服其信義皆踴躍軍民賴之生平遇災荒必集捐以賑而家計寥落不一措意燦藜

道光中重修文廟募貲督工獨任其勞騰漢光祿寺典簿子其正庠生慶雲增生燦藜附貢

生子廷桂精於醫尤善鍼灸而不受謝同治間嘗出粟濟飢庠生劉士麟字靈一周貧救荒

焚借契施義塚邑中推爲善人之首子孫膠庠不絕蓋食報者遠矣又有附貢楊廷棟亦慷

慨好施主講邑書院出己貲獎勵鄉會試之貧者尤仰給焉

王州字子九持身嚴正鄉里有鬪者聞其聲自解不軌者不敢過其前終州之身村人無搆訟者邑大柳樹人子執中增生

焦志賢字紹猷少時卽沈潛嗜學由拔貢舉光緒戊子科第一人壬辰成進士觀政戶部旋丁父憂庚子隨扈至陝假歸省母侍養年餘母卒哀禮備至起服入都主稿貴州司勤於簿書以勞加員外郎銜志賢器度淵雅爲諸生肄業隴南書院文名甚著及計偕京師聲華傾動一時人仕後公退則閉戶獨坐簡酬應遠趨競性靜默不喜以議論文字自炫耀而時與知交抵掌談古談藝卓識炯炯可謂靜氣內涵矣嘗主西和及本邑講席閱秦州月課卷評改精審士論服之國變歸里不問世事侘傺以終志賢同時在隴南書院有文名者又有沈一清張一心皆邑舉人也一清年十六得選拔以大挑官文縣訓導不久病歿一心由謄錄

議敘知縣分發山東未得缺客死

梁士選字萬青少有雋才爽邁不羣入學後有聲於隴南書院光緒甲午舉於鄉乙未聯捷進士用內閣中書假歸省親主邑書院講席教士以知恥先志爲本既中書俸滿改知縣分陝西充撫軍文案器重之委司權大慶關素不願理財未兩月力辭敘補紫陽縣俗健訟士選所宵聽斷無滯無累捕積年之訟棍置於法刁風漸息增修書院創設鄉校立之教條親臨講課而士知本務矣歲飢旣請賑先捐廉糗粥以哺餓者不利因教案聚衆候補道某查辦幾激變上官知士選能檄令往軍騎直入其巢解散脅從罪首犯一二人而大案結卓異以安良除暴仁斷兼施入薦將進川矣以親老告養歸知世將亂遂不復出嗜邵子先天之學精研獨有所得撰述未就而歿著有紫陽遺集

楚凌雲字漢章邑增生與次子庠生方城皆以恭兄著名其曾孫歲貢生國梁字伯任能忍讓事母老猶孺慕必出告反面國梁子敦復亦歲貢家世授徒先實行後文藝凌雲之歿門人立碑記德庠生張文藻字郁若事繼母孝待兄弟不私財亦以授徒著稱孫仰儒蚤歲入庠

陳士彥字伯英歲貢生王懷美字純庵皆以孝行著士彥善事父懷美幼失怙善事母平日柔聲怡色有拂意必長跪引罪雖撻之俟色霽而後敢起士彥友于諸弟待人忠厚懷美以母老棄讀力耕以養鄰里有爭和解之好施遇荒年竭力以賑

蹇利仁同治初賊攻陷其堡利仁負母出賊獲之將殺母利仁泣請代賊舍之尋又被執母命利仁獨逃母爲我累利仁答以母生兒生母死兒死賊衆歎曰賢母孝子也殺之不祥皆

得釋又有趙文煥堡陷亦負母出走賊問之答以風狂語賊信爲風子亦釋之

郭味兒幼喪父賣粉以養母母日啖甘衣暖味兒則草具鷄結焉每晨出必叩頭母前暮歸亦如之母善怒味兒常作孺子狀或諧談語以博母歡母素苦脛痛或謾語以瘞枯骨可瘥味兒由此日往墟菜間攜鑊鏹寒暑不懈母歿泣不食逾年以毀卒

李中科邑武生也性嶮直有才略年八旬強力不衰同治初同亂中科率衆守堡賊屢郤賊乘夜緣梯突入中科坐龍神廟中大罵遂死之時子振元在側守父尸不肯去賊以白刃怵之曰不畏死乎振元曰畏死者非人子也賊義而釋之振元卒具棺衾成葬事自是杜門不出時又有蘇蓋邑北鄉人勇猛絕人亦守堡能戰勝賊賊夜襲堡蓋率衆敗之窮追至崖城鎮遇伏而死

馬獻圖負圖兄弟邑回民也同治二年鹽關叛逆其兄弟獨共漢民籌防守獻圖子文生繼武爲北城團長勸回衆捐貲助餉且集城鄉練勇扼險截擊七月間賊臨城脅回衆以行

圖兄弟以家世良民不肯附逆挈家遠避階州及三年八月階州陷馬氏全家殉難

馬世吉紫岔里堡長也賊每攻堡戰必捷後賊聚大衆來攻世吉督衆力戰賊敗退奪其旗

追至麻子灣中鉛彈不自顧激勵鄉丁進益銳賊乃大潰其後賊圍殿灣堡世吉以所部馳救時賊中有號難纏者人無能當其鋒世吉先設伏前與戰而佯敗誘至伏斬之圍遂解馬

福吉團丁也圍攻鹽關賊突入其營殺賊過當以衆潰力竭而死其弟福祥以不反兵之義

誓爲兄復仇六年賊臨北關福祥邀衆憤擊衆久戰皆潰福祥獨與賊衆鏖鬪亦死之

李俊岳平里人嘉慶間教匪攻寺窩堡俊見勢不支一人獨出以講和給賊而令老弱乘隙

潛逃踰時賊覺遂遇害

徽縣

高世榮徽縣增廣生能文善書家貧託業於醫凡貧寒之負其藥貨者分文不索甚至饕殮不繼輒閉門靜守人有饋食物者謝而不受有古廉士之風

張思銘字西齋徽縣增貢生幼孤貧嗜學日負薪必攜卷讀夜則燃香以照卒以成學凡邑學校營建諸事其力居多

王康字壽山徽縣南鄉王家河人道光時監生正賢子也正賢夫婦濟急卹困遠近皆呼之曰賢爺賢婆康尤慷慨樂施凡鄉里之不能自存者無不量爲之助嘗置義地四處以收葬無主之骨族中立有義塾勸令子弟入學成就不少

王夢弼字代言徽縣南鄉王家河人庠生躬耕力學博覽羣書其爲人退然如不勝衣其言恂恂然如不能出諸其口授蒙陽坡山房垂四十餘年凡出其門者言行多有風範冠婚喪祭一衷於禮力闢合婚之謬並葬師之妄牛老死則掩埋至今家法不替易簣之日晨起具衣冠向先主再拜遂歿其長子長孫俱入邑庠

王慕肅字雍夫慕偁字禹卿兄弟也徽縣南鄉王家河人幼讀書以兵荒發學年三十八始復理舊業日間工作夜則卽爐火照誦又無紙墨以木板學書如是者十年遂入邑庠生平急公好義尙廉戒生教授後學以躬行爲本年八十餘猶手不釋卷每祖先忌日及拜掃必親設祭以致其誠間作詩文皆有逸氣著家訓一編人競誦之邑令林鳳韶廣東名孝廉也嘉其行誼親書守義行道匾額以旌之慕偁家綦貧好學不懈同治時連遭凶飢嘗負運官

米至秦州每宿輒就燈讀至夜分後食餼充鳳山書院學長喜講掖後進性嚴重子弟有不率教者面督之學者比之焦伯強先生

袁明德字小馨徽縣東關人廩生同治時兵燹頻仍奉諭練團守城有功保典史平日敦品力學非公事不入公署設帳於東關垂六十年學者爭師事之士風爲之一振

高鳳誥字君謨徽縣優增生幼失恃事繼母至孝弟鳳誥父歿教誨尤篤得人邑庠鳳誥授徒杏林書屋出其門者率多雋士爲地方辦學務立社倉修城垣種種公益出力不少 以下

孝友

馬永清字義平徽縣增廣生世居下舊城事親以孝聞父死廬墓三年始終不懈

任治國母患痰疾藥無效潛禱於神割左臂肉烹湯以進母服之頓愈後里人見其瘡痕始

知

吳義章家貧業醫以養母母有所嗜雖艱遠必爲購致母疾日夜不離側冀穢皆手滌居喪哀毀人不忍見其容事分炊叔如父遇美食先奉母後奉叔叔歿代其子營葬如禮

彭瑞俊晨昏省父不命之退不敢退母病目數年晝治湯藥夜侍寢輿扶掖摩拊歷久彌勤馬乾元幼鞠於祖母之竭心力懋遷所得悉以奉甘旨祖母失明與妻侍養出入扶持鄉人共稱其孝

謹案光緒戊子歲知徽縣羅新訪得孝子三人順孫一人新志以其人生存例不立傳附記冊外以待後人之纂次今編續志因取以錄諸正冊以昭孝德

兩當縣

林鳳儀邑歲貢生家貧勤學不倦以臻於成嘗主講廣香書院成就甚多士林仰之

荆維塘字勤垣邑恩貢生性氣嚴正學問純博主講香泉書院十餘年其學以性理爲主誨人不倦學者宗之著述及續纂兩當志稿均皆散軼惟周餘錄尙存餘事載省志

張文昇字輔堂邑附貢生性仁慈其學在儒釋之間扶困濟危寒衣飢食無吝色窮民頗賴之慕佛氏放生之舉實力行之日在通衢大廷宣講聖諭格言終身不倦梓勸善之書頗多

嘗云教人以言不若教人以書樂善之名傳至遐方爲學校捐夏屋一所即今校址值金數千尤

爲義舉

索淮洲字春帆爲人直厚通達喜爲義舉樂善好施有借其債力不給者出券面焚邑作城西南水隄重修城隍樂王廟皆董其事勤力無苟故歷任邑令倚重之嘗購藥救人之急親

黨賴之舉火者甚多其子聯翩而起人皆以爲樂善之報云長子穎祥字瑞卿邑拔貢生幼聰穎異常及長好學誠篤事親以孝聞與荆維壙同續纂兩當志稿未成卽謝世遐邇痛惜韓藝字師冉邑歲貢生幼失怙母守節養成藝事之主孝至老承順親意如穉子求學堅苦教授生徒以終

卷之四終

秦州直隸州新志續編卷之五

列女秦州

列女無煩詳考年月茲以州志有稿者統歸州志又凡旌表於光宣朝者亦提入州志

承允謹識

張氏蒲荷妻荷歿遺三子皆幼家計艱困氏事舅姑極力孝養訓子甚嚴長男爲麟時出鄉狎諸博徒氏乞助於族有力訟之官官爲懲諸博徒爲麟出亡不復歸次子能遵母教再興其家此乾隆間事

張氏諸生蒲曷妻曷病篤慮氏盛年無子不能守氏爲誓於天及曷歿以弟子嘉樹爲嗣事翁二十年事姑三一年定省之餘危坐一室不肯歸甯人罕識其面此嘉慶年事兩張同於

咸豐元年學使吳福年奏旌

高氏舊採訪冊作雷庠生田獲三之祖母失佚其名年十七而寡孕三月矣其姪陰居為奇貨氏聞

之欲死賴族人庠生福源者出力調護得保全及生子氏紡績鬻布以易日用物惟託福源

福源取布氏取物皆置門闕外不親授受足不出戶者數十年鄉人屢欲為請旌氏泣止之

此亦嘉慶年事潘鴻業妻康氏雍正時人建坊尚存事實無考附記於此

黃氏楊特生妻特生歿氏年尚少啗糝糠垂三十年卒撫兩孤成人媳周氏事姑孝病麻痺

觸鑪火致一手焦枯卒不使姑知

王氏蒲蘆妻年二十四而蘆歿翁姑以無孫哀欲殞氏慰之曰媳有身一脈之存尚可望媳

誓無他志勿過痛也及生子果男奉親撫孤盡孝盡慈里有婦姑勃谿者咸改行兵燹後仙

戶乏食散租以賑子會藻延名師教之成名黃氏王氏均旌於道光朝以上補遺

謹案新志張氏劉騰蛟繼室也本係胡騰蛟當時誤筆爲劉茲由胡氏子孫請採訪員

更正特爲辨明

王氏狄道州學正蒲修政繼室也初時爲修政妾嫡遇之虐氏惟順受不與較從官狄道嫡
歿嫡所生男亦殤氏遂爲繼室克修婦道恪謹如初修政故患胃痛每發氏輒禱天願身代
及病篤割左臂肉以和藥修政遺命以所蓄二千五百金捐作秦州童試印卷費氏扶柩歸
里安葬畢歸金於天水文社乃託展墓吞金以殉於懷中得其自記一紙血淚痕斑斑也州
人士感其夫婦義烈位祀於城南山雲閣并爲氏請旌於朝

張氏雷登科妻姑病登科病氏皆割臂肉和藥登科歿氏自經者再均救免家貧藉針黹紡

績撫二子成立歿後請旌入祀節孝祠子溥霖以醫名

孫氏何致中之繼室撫前室子如所生歲饑與子啖粗糲以適口者奉姑致中與姑相繼歿

氏傭十指撫孤次子炳由吏員考巡檢好施予遵母教也入祀節孝祠

朱氏趙里學之母事翁姑以孝聞夫歿矢志不嫁教子不姑息卒以成家光緒二十四年旌

馬氏張熊妻中城人熊歿因有身姑待之女則殉男則守及生男也旌翁姑相繼逝氏爲人

縫紉得錢以育子辛苦備嘗人無間言光緒三十年旌

張氏汪晉妻年二十七晉歿孤九齡女在抱汪氏故大家軍興征徭頻罄家因以落翁姑衰

老氏孑然無依乃懷刃儲毒欲以一死卸責翁嚴申大義遂奉親撫孤門祚賴之不墜翁喪

明氏嚴勤固懈翁壽八十終氏葬祭如禮人稱其孝教子能復先業光緒末年旌

王氏張塘妻塘歿於其伯父襄城任所氏年二十六聞訃求死不得以養親撫孤自任舅嘗病危氏祝天願減己年代舅尋愈子鳴珂入州學設帳里門凡貧寒子弟氏不令受束脩逢歲饑氏節衣縮食濟鄰家鳴珂舉孝廉方正贈安人又王敏女適蒲某夫歿年二十餘不食七日不死乃嗣姪撫之成立

王氏王廷舉妻年二十一廷舉因貧從戎去後生一男氏依夫兄以居每事先僮僕操作雖嚴冬十指僵裂無怨色及廷舉任哈密遊擊始來信詢家家人慮虧公或犯事以廷舉無子妻不知所在復之自此遂絕音耗氏處之泰然卒撫子成立

唐氏朱煥彩妻劉氏何永亨妻朱何均業商煥彩所得不足餬口唐織紵佐日用煥彩以日疾廢氏又傭工以養及煥彩歿親友助棺殮遺三千皆幼唐辛苦撫之成立永亨客死蜀

中劉年二十一子周晔孝姑撫孤數十年如一日又周氏王光祖妻年二十三光祖歿奉舅姑育子女守志甚堅及舅亡家中落處之泊如也

蒲氏米養真之繼室年十九養真歿子瑞蓮生四月舅姑老氏獨力仰事俯畜舅姑歿葬皆盡禮瑞蓮娶甫生男而歿氏又撫孫瑞蓮曾買遠方遭匪劫家益貧苦節五十餘年卒撫孫成立又劉氏張庫妻庫歿氏年二十六子三歲氏孤身撫育後子媳均亡又撫三孫成立

周氏劉承福妻遭繼姑虐日受寒餓翁憤將遠出承福夫婦泣挽之氏雖受凌暴不改其孝承福卒以虐死遺一孤繼姑迫氏嫁氏誓死不從乃遂出門氏借居寄宿以鍼黹洗衣爲生卒撫二子成立

劉李氏年二十夫亡遺孤錫丑生三月自誓曰劉氏存此一線我之責矣人見其志堅無敢

進異言者姑早歿翁嚴刻輒因細故譴詈氏順受無怨色待家人從無惡聲日惟以勤儉惜物爲訓性仁慈鄰里或困乏必量力補助居近族墓每拜掃飲食豐備守節三十餘年遠近樂道其賢

甄趙氏二十八而寡姑先歿舅七旬餘一女二子皆幼家赤貧氏爲人刈草捆菜以所得勞費仰事俯畜光緒四年歲大饑日領賑錢數十僅足供舅乃委子女於姊家舅病氏枵腹日奉甘旨及歿哀毀踰常其甥安守和代爲營葬苦節十餘年而歿氏教子女甚嚴厲惟侍舅姑則和氣婉容其孝尤可風云

周氏朱文妻文兄弟三人均無子而歿文病篤命氏養從兄子以奉二親曰汝勿嫁嫁則兄若弟均絕矣氏時年僅十七母家謂子非已出翁姑雖老而尙健待其歿則齒已長勿憫虛

名貽後悔氏以不忍負死者所託倘再言將以身殉乃不敢逼翁姑歿親族爭其產輿訟州牧憐其節右之守節三十七年嗣子夫婦孝殆有天道後嗣子有兩孫氏遺命分嗣長三兩房夫婦人之於夫之兄弟末矣而氏不忘夫屬必延其祀尤賢矣哉

蕭氏雷之媵妻州學生汝玉之姊汝玉知名庠序幼時夜讀氏必篝鐙以伴絮絮問諸書大義及昔媛懿烈事雷氏世業醫于歸後勤婦職佐家人炮咀藥物恆達旦之媵殂氏年十九痛無子飲毒以救復蘇由是遂絕葷姑蒲氏賢體恤周至及姑歿翁繼娶不復能容氏惟孝敬有加翁病久氏侍奉勤勞翁憫之將終謀爲立嗣氏辭曰後我而不我後毋甯無何必自累氏遂自傷而卒苦節二十五年

趙氏丁銘恩繼妻前妻有一子一女皆幼愛不啻己出氏生子二年而銘恩歿立志撫孤視

若一已出子旋殤痛欲死既思前房子吾夫子也卽吾子也棄之不養泉下何以見吾夫乃
教女鍼黹教男讀書卒以成立氏幼知書習字畫既孀居惟以此自遣

王氏王謐妻徐氏皋蘭醫官閻貞妻昔年未三十而寡家貧子幼藉傭工以撫育徐則兼事
衰翁克盡孝道王則教子讀書次者人州庠又徐氏汝實銘妻事翁姑能孝姑歿留幼子撫
如己出守節四十六年

常氏馮思敬母北關人思敬生數月而失父家貧翁替氏矢志奉翁撫思敬翁歿氏以憂毀
卒繼氏裴天錫母呂氏張來成妻夫亡皆二十餘守貧撫幼子成立

鄭氏鄭施軒妻事姑孝處家人和施軒歿年未三十氏茹苦撫二孤後夫兄弟各析炊境愈
窘志愈堅卒教二子克家成名氏歿時長子燁有刲臂和藥事

何氏歲貢潘懋中之繼室劉氏其子婦也懋中歿何氏年二十八其母欲其嫁卒弗應劉氏事姑孝其夫廩生其浚客死甯夏糶歸越日仰藥殉一門節烈鄉人稱之

張氏孝廉思孝女隴西學政聶湜之繼室湜歿於任所氏哀毀絕粒或勸之曰縱不爲弱女計獨不念亡者未正首邱乎氏乃瞿然復食既歸葬氏卽以小刀自剄家人救之蘇而守之夜半乘間投井死

王氏王璽妻倪氏薄潤妻皆中城人昔年二十四皆於夫死百日以身殉

馮氏劉紹寬妻勤儉善事翁姑紹寬操童子業氏期望切凡身所能爲者皆代之不使擾其誦讀及紹寬病侍奉周至歿後視含殮畢一慟而絕鄉人以其事聞於當道又張氏縣存娃妻存娃出外十二年氏傭工養姑及姑歿旋聞存娃凶耗遂自盡

王氏米榮基妻娶未經年榮基歿無子時夫兄惟一幼子氏欲爲嗣夫兄以再出必如願爲辭氏謂虛懸無著榮基歿後遂自縊

周烈女金蓮吏員啓泖女幼好聽其父談古懿烈事許字文童士仰祖仰祖歿計聞女哭悶氣絕闔時始甦或慰之女答以不更二姓之謂何勸父母勿過悲傷將自行其志未幾遂歿州牧張琦爲請旌建坊時光緒三十二年也

郭烈女玉蘭縣丞自振之次女三歲失母自振每聚戚屬諸女爲講古今節烈以爲娛樂女獨默然常思母也年十六許字舉人王振川之子未婚振川岳母穆氏假郭閒舍與同道諷經自振以姻故許焉女弗善也穆氏銜之造蜚語於王以汙女王詰之女父家人輩共證其無他事自矣女潛入廚下以刀自剄氣絕目猶視兒炳炎祝曰妹冤終當爲雪始瞑時官中

知其事令女家出首將置穆氏於法女父不欲結怨小人卒置之省通志已採其事立傳矣
惟女名訛一字且誤以穆爲嫂兄

謹案開局三次冊稿複雜其有登註未析及出近城各里者仍仿新志例敘入城中以
初二次採訪冊經亂遺失其中有削去地址者無從調查矣

武氏丁乘書妻翰林乘乾之嫂也侍舅姑孝待戚族惠家延塾師羹饌必親調每家祭登豆
蘋蘩必豐必潔摒擋家務均有禮法舅性好施凡助人多寡皆合舅意嫁五年乘書歿氏密
懷利刃將自裁家人伺察嚴卒不得聞乘乾集六部慰之曰此家全賴嫂氏願忍死以奉老
親弟生子卽嗣嫂勿過慮也氏乃翦髮自誓乘乾凡三娶所生皆歸氏教養以次子佩穀爲
之子愛如己生乘乾官保安奉氏之任助內政井井有條及其老也乘乾與長三兩姪相繼

下世氏竟以憂卒其生時鄉人已爲請旌以下東鄉

白氏車選魁母李氏張琛妻皆青年守志而李之孝姑訓子尤多於白同於光緒二十年旌
又何胡氏北道埠人光緒二十一年旌

侯氏監生李芳華妻年十九芳華歿二子廣智廣睿皆幼善教養督農甚勤家亦漸豐二子
既長能盡孝光緒三十二年鄉人以母節子孝請旌頒以節昭彤管行爲儀表額

趙氏毛自傑妻家貧姑性嚴能先意曲承得其歡人稱其賢孝同治初回變擾及甘泉寺氏
有子女四均幼攜之抱之匿街外菜窖得免賊退知自傑被害尋得尸貧不能殮哀哭欲絕
鄰里憫之助貲成葬誓以身殉繼爲夫祀計乃借豆生芽使子稍長者售於市已則辟繡織
屨或掘野菜以餬口子漸長佃田耕種母子晝夜田間不敢逸子女皆賴之成立子皆不壽

至孫禮能興其家氏則勤苦猶昔每舉守節字孤之艱苦爲後世奢惰戒光緒末年旌

張氏馬寅妻年二十九寅歿家貧翁姑踰七旬氏以孤身奉之及歿喪葬盡禮子二教之成人各娶媳生子而媳先後亡氏又撫諸孫族人遺孤六齡無肯收卹氏養之至成家乃遣歸且不私其器物鄉人請旌氏謝曰人亦盡其在已無事求名也曾孫象乾能興其家

馬氏名鴻莊潘鴻業妻于歸後鴻業待之薄氏不怨及鴻業歿氏年二十遺孤周歲族人利其產日施毒加害逼之嫁氏不爲動卒以全節旌門

夏氏張俊妻年二十九俊歿翁姑哀痛成疾曰兒歿無孫媳若再離我二老何依氏矢言願代夫事親後以夫弟之子步雲爲嗣撫如所生常以鍼滌伴之讀臨沒猶念步雲學業步雲後入庠

劉氏楊聰妻年二十三聰歿遺孤歲餘姑利其嫁待之虐或不給食鄰婦每調之且勸之改

適氏以義命自安卒撫孤成立又何氏名潭兒張德信妻德信歿年二十四無子氏素孝欲

繼子以養姑而夫兄弟皆無餘丁堅守三十餘年卒嗣一孫以終一稿信作性

王氏聶通妻年十九通歿宗族無助之者氏獨力營葬遺孤尙在襁褓氏長齋繡佛矢志撫

孤理家有法內外整肅教子過於嚴父惟好施光緒四年歲大饑餓者至門必給以食地有

柳林寺氏捐田二畝建樂樓

何氏趙永清妻永清歿姑老子幼家貧氏日種菜夜紡績以奉親撫孤普節五十九年又杜

芝妻某氏年十八芝歿翁姑在堂子二氏艱困以守四十餘年又何氏尹畏三妻亦少寡食

貧撫孤

孝子朱自明之母縣氏秀妻也年十九秀歿自明時歲餘氏爲人浣衣簸穀以養育自明自明旣長性至孝有老萊子之風氏老不良於行自明背負出入二十餘年不倦稱以母節子孝無愧色矣自明本東關人移居馬跑泉

胡氏潘文炳妻年十九炳歿孝事翁姑以理家積勞病亡王氏潘瑞亭妻年十八瑞亭歿守節五十年又李氏王守邦妻上崖灣人何氏王愷妻伯陽南人王張氏朱侯氏均無事跡

王氏張福清妻嫁十日而福清死過七日母家迎之歸將慰解見其不食不語仍送之返是夕仰藥殉計成婚不及二旬

王桂香萬傑之女字李純緒未嫁純緒歿女於次日自盡桂香一稿作桂化

白氏孫啓成妻與兩弟婦甚相愛啓成兄弟忽欲析居浼戚族居間議成矣白妯娌同告戚

族曰不分固好如必分我輩仍同炊也戚族歎噫事遂寢由此家亦日裕及啓成歿諸子又

議分氏曰我不願見此事我死任爲之然不復能止未久卽有貧不自活者夫兄弟不和多

由室人而此家乃獨反是故特表之

一稿成夫婦死諸子議分時其弟董董氏云云未知孰是附存之

陳氏張映庚妻平日事姑謹偶猛雨水沒院鄰人皆奔氏獨守姑不移水卒不侵其榻人以爲孝感

史氏賈爾璽之弟婦也初與爾璽妻李合力勞內治利洽無間李歿爾璽中年不再娶史乃獨力操家而李遺子世興振興方童幼史撫之如母兼嚴督讀書及世興初娶何生鴻緒而何歿後娶師生續緒而師歿又皆歸史劬育時續緒甫三齡尤殫心力值兵燹之後日用物均藏堡中史攜負兩幼孫晝則歸理家務夜則入堡往返山路十里之遙日以爲常因之嬰

三才小史卷之二十一
卷之二十一
九
股疾不恤也晚年則孫曾繞膝融洩一堂人竟不知其非所生然則賈之興由史之賢矣史無子卒以振興嗣其慈孝鄉人稱焉

張氏平南川王廷全妻年二十一庭全歿家貧無子翁姑老夫弟幼氏爲人縫洗藉微貲以養親撫叔及叔長能力農感嫂義凡事稟命而行首生子利卽以奉見祀後子孫熾盛鄉人共爲請旌以下南鄉

柏氏庠生郝克勤妻年二十五克勤歿子半歲翁姑老氏有姪與己子同苦節五十餘年又李羅氏夫死年二十六子九歲紡績撫之成立皆白環里

柴氏文丁西妻生三子耕織每不能給食丁西歿無以殮氏攜子叩乞鄉鄰鄰助貲成葬其父勸之嫁氏曰女微知大義甘作乞丐終此言勿再出口也後子孫能克家氏以壽終

劉趙氏二十而寡子在襁褓家人欲嫁之而未敢言使其母微探之氏聲色俱厲遂已於是自行耕種育子完節

趙氏劉殿江妻張氏劉開科妻劉氏郭望妻皆二十餘而寡子幼田薄艱苦中撫孤成立且子孫同能興家

張氏党直繼妻年十九直歿前室子二齡翁姑踰七旬氏時時抱子以寬慰老人卒教子成家

蘇氏柴隨哥妻嫁後翁姑伯叔多有廢疾氏竭力待遇且家貧日以紡績助夫謀生隨哥歿家人知其必身殉嚴防之未幾往葬其父臨穴躍入扶出已重傷三日卒死年二十光緒二

十年旌

杜氏文蔚妻蔚任地方公事日奔忙於外氏善理家家日裕人皆賢之蔚積勞成疾氏覺其危勸之索兒子為嗣及蔚歿氏從容理喪事先葬一日服毒殉又許張氏夫歿痛哭而死年

二十二

黃氏武舉甄和之繼妻嫁二年而和歿子尚在襁褓前室遺子二亦幼氏苦心劬育均以成

立光緒二十八年學使吳緯炳奏旌

馬雙羊妻馬氏新志已著其人不應重出惟其請旌在十九年補識於此 以下四鄉

曹氏武生楊松林妻年二十七松林歿矢志不移卒撫孤德武成武舉又孫氏武舉楊鳳舞

妻少寡孤朝宗周歲多病百計撫以成人又呂安氏年二十一而寡傭工撫一歲之孤成人

晚景漸裕日子能養志

甄魏氏年二十八夫歿子八歲採繭紡績育子成立媳高氏事姑孝四十無子勸夫再娶生

子四相處無違言

段劉氏事姑孝視嫂如母年二十甫生子而夫歿茹素誦經矢志不回翁姑亡竭力厚葬撫孤成立又呂董氏年十七生子彌月翁在堂事之克孝子漸長教子能嚴

李閻氏史白氏黃傑妻杜氏李聰妻閻氏皆夫亡傭工撫孤成立守節同三十餘年又宋氏甄國璽妻年十九國璽歿撫孤十二年而殤氏亦悲死

一門三節者崔氏劉興有祖母也任氏其母也閻氏其妻也夫歿崔年三十子一歲任年二十五子生百日閻年二十八子二歲三世皆晝耕夜織撫孤成立

李王氏歲貢蓉鏡之母孀居撫孤課讀如嚴師治家肅祭先尤致敬

景氏楊廷穩妻年十九廷穩歿氏耕織撫孤事翁姑盡禮壽八十二光緒元年旌以白首完

貞額 以下北鄉

張氏裴憲武妻憲武病篤憂氏不能守氏泣誓乃暝時年二十二孝親撫孤苦節五十五年

兩孫皆舉武科長孫以衛千總封氏安人光緒五年請旌

王氏牛有信妻年二十三有信歿子照生甫數月姑高氏早孀居祖翁盲氏以一身兼事畜

無他志同治七年回匪至氏抱孤兒挈盲祖衰姑避難野宿族某憐之資以食宿者年餘亂

定返家與孀姑紡織爲生照成童送入塾讀祖翁壽九十見五世同堂始逝姑亦繼逝氏舉

兩喪盡哀禮後照改業商境漸裕次孫秉麟能以學興其家光緒二十六年請旌學使贈節

貞松柏額

李氏儒童白皎妻年二十皎歿二子幼姑老病事奉周至聞回警每先負姑入堡子漸長教

之讀書長鳳翥州學廩生光緒二十九年請旌

熊氏溫毓濤妻年二十一毓濤歿無子以夫兄子慶雲嗣劬育人武庠而天復撫孫成立光緒三十年葉學使奏旌

王氏溫亢宗妻年二十三亢宗歿氏守節撫孤數十年如一日後子中武科爲之請旌建坊
王氏雷宗漢母年十八夫死回難宗漢生方半歲夫兄逼之嫁氏自誓於姑前乃相安及夫兄死氏經營家事姑得終養宗漢亦成立宣統元年學使旌其門

裴氏武德騎尉緜榮庭妻年二十六榮庭歿翁姑尙存生養死葬人稱其孝生子四三皆爲夫兄後氏撫季子天錫成立鄉人爲之請旌

成氏王靈母其深女也同治七年夫歿於回難其深勉以撫孤繼絕世璽時甫一歲氏涕受



父命苦辛四十一年鹽貧不能卒讀改商業家稍裕先是氏有族母亦寡而窮迎與同居以紡績度日及族母喪營葬周備人益賢之聞隣里婚嫁乏貲必竭力以濟鹽或以不豐告謂曰兒忘初婚乎少錢數百卽須求貸至今心瘁常常念貧家之難也宣統元年州牧賴恩培贈以彤管留芳額後欲請旌未果

楊氏武生郭凌斗妻朱氏趙江妻楊年二十五凌斗歿家貧子女幼時依母家以活艱苦守志壽近八十四世同堂朱孝翁姑善理家江歿子思學未周歲以紡績撫養讀書成人鄉人皆爲請旌

胡吳氏年二十九夫死家貧晝夜紡績以事翁撫子及子長能與其家爲氏請旌建坊

劉氏蒲會川妻年二十一蒲氏劉雙娃妻年二十五會川歿後翁姑繼之劉瑩瑩守二歲之

孤志不稍移既而孤子又殤親支無可嗣乃嗣一疏族之孫守之以終蒲則雙娃歿家驟貧
擲節規畫卒復其業撫幼子成立里人皆呈請旌門

蒲氏劉學儒妻成氏劉仰儀妻夫歿皆以姪爲嗣誓守終老而成氏孝事衰姑教諸姪讀書
尤勤勞蒲學仲旌以清標彤管額成則戚里以全孝保赤額旌焉

有不願旌者數人曾氏儒士田琛妻敏慧笄年能通諸經嫁未踰年琛守堡中流彈歿氏自
盡者屢家人嚴護之志不得遂翁爲擇嗣子構精舍使爲家子弟授書氏勤課若嚴師嗣子

汝仁試輒前列母教也汝仁旌天亡氏由此不言偃臥三年而歿于氏牛景興妻年二十生
子數月景興歿家人不容其守氏以死誓遂析炊無餘糧資紡織以自養孤子七歲入塾知
向學師憐其貧而奇之反給之紙筆後孤子既娶而列黃兩孫氏哀欲絕兩孫抱之泣曰祖

母死孫何以生氏乃強起伊事紡織者三餘年及長孫順德入庠次孫入國學漸亨矣共

撫孤子孤孫六十年鄭氏王迪吉妻年二十迪吉歿甫生一子翁姑老氏誓心奉親撫孤孤

既長督之讀夜窗風雨機聲與書聲常相和也同治中回亂因堡中數月日拾菜和麵奉翁

姑自啖糠糲枕中蓄皮食盡及賊去氏返家一物無存氏晝農宵織拮据之久遂得小康賊

里欽三氏之高節欲為請旌同以自盡分內事非以求名拒之牛景與妻毛氏初志已有傳惟不及其子死復撫二孫及拒旌事故不刪

例參觀焉可也

曹氏劉豐妻年二十三豐歿仰藥投繯皆獲救翁請其父慰之曰守難死易汝有子當勉為

其難氏曲從命曰今而後視如女死不復歸矣門臨清渠汲甚便尙嫌外出也請翁掘井於

內足未履闕者十餘年子既婚氏忽病臨終自言曰可無愧矣生時亦不願旌又黃永錫之

母郭氏夫死祖母欲奪其志誓不可亦不出外戶十餘年

王氏黃升堂母年二十二夫歿升堂時三齡伯氏逼令嫁居無屋身無衣或終夜院中露處孤兒未嘗不在抱也姑臥病多年氏奉侍無微不至及升堂長甘旨能供伯氏子孫後凍餒氏不念前隙仍資給之

蒲氏劉來成妻年二十餘來成歿子幼家貧母弟憫其饑寒堅勸之嫁氏集夫族以大義斥之不復歸甯翁病癱晝夜扶持不怠姑繼也常能得其歡子娶而天氏以哀痛終又吳氏劉建章妻寡居時姑先亡翁亦病癱氏扶持亦不怠夜則鳴機教子讀見貧者必助濟

常氏張三餘繼室性靜婉從不聞詬誶聲年二十五生二女三餘歿前室子尙幼翁老姑盲氏事翁姑孝撫前室子慈及媳歿又撫諸孫愛尤摯論者謂後母中所罕見

裴氏白尙文妻年二十餘尙文歿號慟幾絕久之以養親撫孤自責乃強起翁將終感氏賢屬以家政遇貧者矜之負責不能償者焚其券身後村人猶頌德不置

雷氏張喜祿妻年十九喜祿歿姑老事之愈謹子歲餘撫之至娶婦生二孫而亡氏又撫孫成立及壽終見曾孫六又毛高氏夫歿家貧父母欲其嫁死不二後子少亡亦撫孫成立

康氏雷鳳嗜妻其姑台氏夫歿於回難食貧撫鳳嗜鳳嗜不壽康又奉姑撫孤人稱雙節台壽九十一

楊氏裴煥文妻年二十煥文歿回難氏絕食數日既思身有娠或望延夫緒乃回心操作事衰翁能慰其悲傷次年果舉一男撫之成立

常氏漆典鑑妻典鑑歿同治時回難氏治薄田數畝紡績以佐之撫孤成立數十年不與外

人交一言又王氏雷家聲妻值回難翁姑及家聲偕歿氏撫孤登科入武庠孫大夏入文庠
又裴養源母楊氏郭超妻楊氏凌全兒之母及雷王氏夫亦歿回難皆安貧撫孤誓死不嫁
雷氏陶煥文之祖母夫與子均歿回難賊又以白刃脅煥文索銀氏出藏鏹盡與之賊未鑿
氏以死自誓賊感動乃釋煥文且屬善視之氏家故饒待仙戶厚遇旱荒多貸貧者粟里人
賢之

王氏雷晚時母夫兄弟歿回難氏年二十三撫子姪如一氏家富亂後檢責券之無力償者
悉焚之耕織食貧守節終老

朱李氏夫兄弟以守堡戰歿氏無子姪映南方在抱氏以衣裹之同墜堡牆幸未傷又爲賊
得將投兒火中氏哀免匿谷中十一日掘鼠穴餘粟飼兒以活亂後教映南讀書入州庠氏

嘗亂中拾契紙一襲後因田爲怨家誣控試檢所拾卽已家物也訟立解閭族德焉又謝彥
聞母楊氏王自英母熊氏均年二十餘夫歿於回難楊以衣帶縋半歲兒緣堡牆共下竄山
谷間七晝夜兒啼則敲冰啗之賊去檢得夫尸葬焉家徒壁立氏出耕入織撫彥成立熊
則抱兒遠遁免於難藉紡織以撫自英二氏同苦節六十年又楊張氏年二十五夫死賊中
孤牛郎歲未週母子後爲賊所擄賊陋氏貌使司炊得全節一賊惡牛郎哭欲擲諸火氏哀
乞乃釋賊氛初遠歲又大饑氏食草根木皮無貳心及牛郎成立能治生以養母

師氏雷文耀之嫂也郭氏趙鳳翥妻鳳姿之嫂也馬氏曹廷耀妻廷瑞之從嫂也師寡居乳
夫弟如母其後嗣子信武孝文耀人武學克振其家郭年十八鳳翥歿姑先逝遺鳳姿尙幼
家無旁親爲全趙孤計食貧不嫁劬育鳳姿馬當廷耀在時因廷瑞母缺乳以已女之乳乳

之愛如已出及廷耀遊學湖北病歿馬誓以身殉鄰婦苦勸之氏曰夫死遠方身無所出一死固所甘心惟憐翁姑老而絕嗣耳遂勸之嗣廷瑞日夜哭泣失明於宣統三年自盡鳳姿廷瑞後均以己子奉兄嫂祀又徐氏蒲東林母年十九夫歿奇窮事繼姑甚謹繼姑有前夫子氏待之如親叔東林長性至孝且能謀生三孫亦孝人謂氏積德所致

馬氏吳宗道妻年二十八宗道歿遺一子三女藉紡績鞠養回亂作廬舍爲墟露宿半載卒撫子三多成家立業

劉蒲氏年二十八夫歿遺孤晉升晉榮皆幼繼姑遇之虐日撻楚或使宿馬廐氏無怨色晉升或廢讀氏則泣晉升因感奮卒入州庠又裴氏毛觀文妻翁姑早逝事祖翁以孝聞觀文歿二孤幼田半畝以紡績爲生歲饑食草根樹皮猶督子孫讀書不懈卒成大家

李氏劉芳妻頗知書芳歿於回難遺三孤氏教之成立每讀列女傳泣數行下又薦程氏夫歿撫孤延師督課亦能教子者

惠氏張慶堂妻丁氏其姑也初丁氏二十餘孀居貧撫慶堂成人爲娶惠生子地久七歲而惠又寡矣薄田數畝不足給饗殮惠藉紡績以事孀姑育孤子其後地久忽天亡惠終以悲憂殞生此家兩世苦節而子皆不壽遇亦窘矣

霍氏馬永康妻年二十陳氏劉壽圖妻年二十二徐氏康中和母年二十二翟氏沈裕妻年二十七劉氏張重興母年二十八楊氏劉志行妻年二十一孟氏李全祿妻年二十四皆家貧撫孤矢貞不二而陳氏且以紡織起家又張氏史應斌妻孫氏張某妻夫歿事姑育子人

尤稱之

中有無地址者匯錄於此大約多屬北鄉不能確定

康氏陳萬餘妻其祖翁建寅庠生也以孝聞建寅身後家日落萬餘早歲流離新疆不復歸

當萬餘初去時氏年十九氏紡織自活不出外戶者四十年值令節必懸建寅像以祭

趙朱氏張劉氏皆年二十餘食貧撫孤劉歿時子孫熙熙滿堂

二氏無夫若子之名重複與否無從考實存疑於此

艾氏黃雙金妻年十九雙金歿小殮後盡焚奩具吞毒以殉其村與秦安壤錯母家就近報

秦安縣縣官嘉其烈賻錢三十緡排儀杖以榮其葬

謝氏吳對元妻對元歿家人環哭氏不泣不語旋色變而僵又胡氏吳壽春妻壽春歿棺殮

畢吞毒自盡胡爲武進士連科之孫女又黃氏陳德潤妻德潤歿父母勸之嫁怒曰甯死不

貳百日墓祭歸自經死

孝女成氏黃發榮妻也七歲時回匪入村將殺其母號泣請代匪憐而釋之後歸黃事姑如

母姑病三年侍奉彌勤

張氏劉現龍妻事翁姑克盡孝道鄰里有艱困必量力助恤歿之夕有鶴止其門外樹人皆謂賢緩之德微

謹案南鄉郝克勤妻柏氏北鄉楊廷穩妻景氏裴憲武妻張氏溫亢宗妻王氏新志匯載姓名而無事行且景張王三氏均經旌表亦未敘及茲採訪冊本末俱詳故仍存之

秦安

營兵胡貞詳繼妻何氏遇祥妻党氏福祥妻王氏咸豐二年兄弟同陣亡湖北武昌何年二十六長子成德甫七歲次子復德四歲撫育成立守節二十八年党氏年二十八長子慎德六歲次子順德週歲守節五十八年王氏年二十四子振德甫三歲守節五十六年光緒七

年同旌

監生董存仁妻郭氏年二十七夫亡孝奉翁姑撫孤維範陳範遵範洪範並撫夫幼弟好賢均成立守節四十五年光緒十二年旌

翰林院檢討張位第八子思潭妻丁氏年二十夫亡遺孤崇實甫半齡氏奉姑撫孤孝慈兼盡守節三十二年光緒十二年旌

張于度妻劉氏年十五夫亡家貧孝奉翁姑未幾翁亦歿子尚幼家益窮日食糠粃甚或數日不舉火姑嬰宿疾委頓牀蓐氏奉侍二十餘年委曲承順以壽考終無何回逆亂作長子死焉又撫孫成立次子傭工於外長媳隨氏晝則鍼黹夜則紡績以供家用閭里賢之劉氏宣統二年旌

生員薛含萼妻劉氏年二十六撫孤成立守節四十四年光緒間旌

岳世海妻王氏夫亡氏年二十有五以姪仰鵬爲嗣守節四十九年已旌

張存仁妻王氏張永盛妻孫氏皆年二十三徐定一妻張氏年二十九夫亡撫孤守節三四

十年同於光緒二十五年旌

武舉岳效鵬妻周氏同治癸亥效鵬以兵部差官卒於京氏年二十六矢志撫孤和妯娌孝

翁姑後長子天峻附貢生次子天秀武舉光緒二十年旌又武舉張炳熊妻成氏炳熊亡年

三十撫孤成立守節三十二年

文童胡自潔繼妻何氏勤於婦職翁姑憐愛之年二十一夫亡孤建業甫四齡撫育成立守

節三十二年已旌

李維盛妻邵氏年二十九夫亡撫孤鍾靈成立已旌

武舉岳法鵬妻安氏法鵬故氏年二十七前房子秉紳己子秉乾氏撫之如一事翁姑孝敬

後秉紳入庠秉乾兵部差官守節三十一年已旌

武生孫兆勳妻薛氏年二十四夫亡撫孤成立守節三十一年光緒三十年旌

例貢生高涵申妻張氏年二十四夫亡遺孤鳳章甫三齡撫之成立後鳳章又亡遺一女復

取姪鳳翔爲嗣撫育成立親族中有婚葬無力者輒量力欣助至今人稱之守節三十一年

光緒三十二年旌

王奠西妻蔡氏年二十五夫亡撫遺孤越二年又殤撫姪孫爲嗣王之憲妻李氏李宗唐妻

楊氏皆年二十七夫亡撫孤楊則翁姑在尤孝養三氏同於光緒三十四年旌

劉隨隨妻焦氏年三十二子幼家貧翁老繼姑患風疾常在牀氏晝夜績麻織屨鬻餅以供
日用翁姑卒氏典屋營葬以禮光緒十年旌

監生楊紹西妻任氏胡存妻何氏皆年二十九夫亡撫孤成立守節四十年已旌

壽婦張姜氏壽員姜兆熊之女生於嘉慶十五年幼端淑嘔笑不苟稍長能以鍼黹佐母理
家計年二十一歸庠生張守典事翁庠生惠南姑蔡氏以賢孝稱翁歿事姑益謹生一子一

女夫歿時女七齡子甫週歲氏含辛茹苦撫之成立及姑歿喪葬盡禮同治初隴上軍興氏
毀家紓難前後捐輸三千餘金從未邀獎佃戶三十餘家遭兵荒皆仰給以保全又施粥賑
饑全活甚衆復於城東捐置義地若干畝子效仲遊擊銜孫炳熙縣主簿曾孫續前芳前光
前俱業儒氏嘗膺三品封典宣統三年壽屆百齡邑紳四川知府牛瑗等呈報三年五月禮

部奏准旌表壽婦給予貞壽之門額給銀三十兩聽本家自行建坊時年百有二歲卒年百有九歲關楊氏夫歿矢志守貞兵荒時亦能捐財活衆壽一百一歲

庠生安維嶽妻薛氏候選縣丞薛毓寅女孝事翁姑光緒三年維嶽病氏昕夕扶持焚香籲天願以身代次年歿氏年二十二歲遺孤長三齡次週歲氏悲痛絕粒經姑苦勸乃強起旋以哀毀卒

監生龐思恭妻維氏年二十八夫亡孝奉孀姑撫遺孤值兵荒艱苦備嘗俱成立長芹泮入庠守節四十餘年

生員胡光業妻安氏仁之女孝奉翁姑青年夫亡撫二孤成立次子駿業繼夫叔爲孫後長子早亡夫弟某覬覦產業欲以己子繼氏夫後氏哀籲神明願出繼之次男早生男爲長男

嗣已而果然乃繼之先是夫弟所析產蕩盡食用仰給氏家氏常厚周之氏事寡嫠甚孝年七十二以節卒

邵虞母姬氏夫殉回亂氏攜子負祖姑逃及賊近棄子負祖姑而奔賊至問其故義而釋之課子甚嚴次子襄入庠守節終身

張懷瑛妻劉氏年十九夫亡撫孤成立守節四十五年

辛有祿妻宋氏年二十六夫亡守節三十八年辛旺才妻楊氏年二十五夫亡守節二十六年辛興榮妻楊氏年二十六夫亡守節三十六年黃珠妻胡氏年二十三夫亡守節三十八年皆撫孤成立

蔡茂材妻何氏年十八夫亡家貧姑老遺孤豐在襁褓氏以十指佐饗殮奉親撫孤成立守

節三十九年

王丕顯妻蔡氏年二十三夫亡家貧翁姑在遺孤長甫五齡次三齡氏以鍼黹紡績佐家計撫孤成立後媳亡遺孫方週歲又育之十年守節四十四年

遂全誠妻何氏年十九薛廷俊妻馮氏皆夫亡無子以姪爲嗣後子亡又皆撫遺孫何守節四十一年馮四十二年

何源峴妻馮氏年二十四夫亡遺孤二長五齡次在襁褓紡績撫育守節三十八年又安萬全妻雒氏蔡慎材妻孟氏皆年二十亦紡績撫孤守節四十餘年

何義明妻薛氏年二十一孫挺妻張氏年十九皆夫亡撫姪爲嗣薛守節三十一年張二十七年

龐滿庫妻劉氏年二十一王安基妻李氏年二十二王世守妻邵氏年二十劉趙代妻何氏年二十陳喜金妻孫氏年二十三皆夫亡家貧黽織奉親撫孤龐劉氏守節四十六年餘均二十餘年邵氏子入武學又遂穩妻吳氏年二十八成補娃妻牟氏年十八亦夫亡孝親撫孤成立吳守節三十八年牟五十餘年

伏巨才妻王氏張傑妻李氏年二十五皆夫亡於回難紡績撫孤守節四十餘年

李昌林妻楊氏年二十四劉鏗妻周氏年十七皆夫亡撫遺腹子成立楊守節四十三年周子亡又嗣姪孫撫之守三十四年又陳相福妻陳氏年二十一亦撫遺腹子守節四十四年李永超繼妻劉氏年二十八夫亡氏無出撫夫前妻子成立後子亡又撫孫守節四十八年王實苟妻胡氏年二十五夫亡夫兄欲奪其志仰天自誓撫孤成立守節二十九年

龐懋德妻成氏年二十夫亡奉衰姑撫週歲子子殤又撫侄爲嗣守節四十七年

遂銀卷妻王氏年二十五夫亡家貧撫二子成立後長子亡又撫孫守節五十五年

謝如意妻郭氏年二十四夫殉回難生子甫三日匍匐逃避時兵饑交迫有勸住母家者有

勸與夫叔同居者俱不應茹苦自甘撫孤成立後子亡又撫孫守節四十四年又劉世傑妻

負氏年二十四家貧撫孤守節四十二年胡坊妻高氏年十九撫姪守節三十九年二氏夫

亦殉回難

高大夢妻張氏年二十夫亡撫孤成立後子媳亡撫孤孫成立及孫媳亡又撫曾孫守節五

十八年

高天乙妻胡氏李協中妻胡氏夫亡家貧撫孤成立守節四十餘年又李增福妻董氏年二

十八夫亡撫孤守節三十年

張聯珍妻柴氏年二十八夫亡遺孤少多病氏劬育積勞成疾臥牀不起者數載守節三十一年

李羊娃妻路氏年二十三夫亡藉鍼齋奉親守節三十四年

生員成童妻徐氏早年夫亡孝姑撫遺腹子成立後子媳俱亡又撫孫守節五十餘年

鄭均妻李氏年二十七夫亡家貧孝奉翁姑撫二子成立鄉人有貧乏者輒量力助之守節

三十一年

逸合魁妻胥氏年二十一夫亡遺一女同治初氏父兄俱爲賊傷胥與嫂氏瑩瑩相依撫夫堂侄九思從堂侄秀成均成立守節六十年

蔡寅宗妻趙氏孝奉孀姑夫病侍湯藥不懈夫卒遺子甫四齡孝姑撫孤後子亡又撫孫守節五十四年又張恕妻馮氏早寡亦奉姑撫孤子亡又撫孫成立

劉振甲妻李氏夫歿年二十五遺孤萬順僅六齡茹苦含辛撫之成立厥後有孫四人曾孫六人守節三十一年

文童蔡錫盛妻成氏年十九宋敬廷妻張氏二十五夫亡撫孤成立成守節四十七年張九十五年

党國祥妻龔氏年二十四夫亡撫四子成立守節三十六年

何親姓妻王氏年十九錢正心妻王氏年二十七皆夫亡孝奉翁姑撫孤成立守節三十四年

從九王殿魁妻蔡氏年二十七夫亡無子孝奉翁姑撫姪爲嗣鄉人有貧乏者尤量力周恤人咸稱之又何靈秀妻王氏年十九亦撫姪爲嗣二氏皆守節四十餘年

何裕妻白氏年二十七侯懷珍妻楊氏年二十三皆夫亡孝婦姑撫孤成立守節三十年

王佐妻張氏年十五夫亡無子孝奉翁姑撫姪定邦爲嗣後定邦亡媳宋氏年二十一奉孀姑撫二子成立姑苦節終身媳守節三十餘年

張永倉妻楊氏年二十九夫殉回難子幼家貧氏自食其力艱苦備嘗守節四十年又辛某妻徐氏年二十六魏煥妻郭氏年二十三亦撫孤守節以終

張其良妻馬氏年二十九夫亡無子撫姪爲嗣營業屢紡績日夜不息十餘年守節四十一年

安萬庫妻馮氏年二十七夫亡孝奉翁姑家貧甚氏爲人傭工誓死不易操後翁姑歿殮葬以禮撫子成立又邵通保妻馮氏亦奉親撫孤苦守終身

胥自寶妻段氏年二十三楊樂妻陳氏年二十四生員武繩武妻王氏年二十九均夫亡撫子及姪成立王氏貧至乞食又靳老四妻黃氏年二十九夫亡撫孤苦守六十一年

胡鼎熊妻孫氏孝翁姑夫故時年二十六遺孤女二堂姪靖甫生氏撫以爲嗣成立守節三十三年

康廣妻鄧氏年二十二王象乾妻安氏年二十四皆夫亡遺孤二長三齡次在襁褓撫孤不嫁鄧守節五十七年安越六年終哀毀致死

文童党之柄妻蔡氏年十八李遇來妻高氏年十九夫亡撫孤成立皆守節四十五年

文章胡炳妻楊氏炳早亡氏奉翁姑撫孤緝安成立翁姑歿殯葬以禮李拱璧妻張氏年二十八夫亡亦奉親撫孤孤薨入庠守節五十三年

生員蔡錦章妻安氏國瑞之女孝奉翁姑姑病朝夕奉侍不懈夫亡撫三子成立自奉甚約鄉里戚族有急難輒周恤之

蔡守宗妻郭氏年二十八夫亡家貧遺孤甫週歲或勸以從人誓不二鄉鄰感動多周恤焉守節三十二年

馮宗唐妻薛氏年二十三王繼業妻宋氏年二十七皆夫亡翁姑老子幼家貧鍼黹度日撫孤成立守節四十餘年

喬永泰妻李氏年二十五夫亡翁姑以痛子頓衰氏奉侍益謹時抱孫慰之姑歿翁以食指

繁令氏與叔分爨翁年近八旬仍就養于氏撫子成立女適人孫年德已就傅

童生于續緒妻李氏年二十二夫亡孝奉翁姑撫孤盤雲成立守節四十九年又孫統統妻柴氏年二十夫亡撫孤成立守節四十餘年

路濟涇妻伏氏舉人路天基孫媳也年二十三姪鴻裕妻楊氏年二十七皆夫亡撫孤成立守節三十餘年

葉寬裕妻馬氏夫亡年二十一家貧遺孤發榮甫四歲矢志撫孤奉養翁姑曲盡其誠鄉人無不稱賢守節六十四年

增生維文俊妻安氏夫亡年二十二遺孤僅數月氏矢志撫孤未幾子又殤氏痛欲自盡家人解慰撫姪有田成立守節二十八年

成補娃妻牟氏年十八夫亡遺孤僅數月氏日績夜紡撫孤成立里人憫其守節之苦因懸

堅貞勵俗四字匾晚年得曾孫元孫又書五世同堂匾以旌之卒年八十有九

前有成補娃妻牟氏亦年十八

守節而享壽不同不敢臆決仍兩存之

儒士蔡肯堂妻楊氏華亭人教諭楊潮曾之異母妹光緒十四年肯堂死家徒壁立氏年二

十八茹苦含辛撫嗣子成立二十八年卒戚鄰莫不哀之

儒士党之桐之柄本堂兄弟也之柄妻蔡氏年二十四夫亡遺孤錫庚五歲氏矢志守節事

親撫孤恩養兼盡之桐歿其妻張氏年二十八無出兼祧錫庚同守節終身

李寶藏妻任氏胡福田妻劉氏皆夫亡撫孤成立守節終身

靳考四妻黃氏張魁妻孫氏皆年二十五夫亡撫孤成立黃氏壽九十二孫氏七十二

柴有德妻周氏年十七孫攀桂妻高氏年二十皆夫亡孝親撫孤而高氏子婚歿又撫孫成立均苦守五十六年

童生周之清妻苟氏夫亡吞毒自盡時光緒十四年九月初七日也旌旌

楊大鳥妻董氏初以貌寢不爲夫所禮久之乃和光緒十一年夫卒氏年二十四吞毒以殉死後見其上下衣皆手所夙縫蓋知夫病不起早決死志已旌

高養性妻李氏四川成都縣李榮之女夫嘗於言語翁姑恐氏不樂卹氏事之甚謹越二年夫亡氏卽日投井家人救而甦越日又吞毒救之不得死後防稍疏竟自縊死光緒二十三年旌

徐漢秀繼妻雒氏事翁姑孝夫病氏侍湯藥日夜不少懈夫亡視殮畢無慘容家人不防投

井死年十九光緒二十四年旌

童生王廷杰妻成氏年十七于歸甫二月夫亡仰藥以殉光緒二十五年旌

生員劉景綸妻安氏維嶼之女孝奉孀姑相夫以敬夫亡遺腹子逾月又殤遂仰藥殉年二十七死之前數日曾一歸甯其母臨別涕泣旣行復返若不忍離者旣而以繼夫嗣請於孀姑姑婉慰之不數日卽從容就義矣劉侍郎永亨以聞奉旨建坊人祠

生員成達妻王氏年二十三夫亡無出仰藥以殉已旌王敬軒妻楊氏夫亡仰藥以殉年二十八已旌

孫繼祖妻王氏夫患病躬侍湯藥未嘗有倦容每夜分輒焚香叩禱願以身代及歿視殮畢遂仰藥殉年二十二光緒二十九年事三十年旌

楊天俊妻龐氏夫亡吞毒以殉年二十一光緒三十一年旌高維治妻高氏事姑孝相夫以

禮維治病侍湯藥不懈視殮畢亦吞毒自盡年十八光緒三十三年旌

牛丁氏進士丁錫奎女通文理詩習長慶體適牛氏不數年夫死以身殉邑人爲之請旌建

坊

趙迪吉妻楊氏年二十七夫亡治喪盡禮葬後自縊以殉

成允妻楊氏夫亡無子氏立夫兄子爲嗣人寢室自縊

何瀟陵妻蔡氏年十九夫亡氏語人曰柩勿遠出留與我同穴有勸者拒弗應越夕果吞毒

自盡時光緒十五年九月二十九日也

童生蔡瑞疇妻安氏夫亡視殮畢服毒以殉年二十一生員蔡澤妻姚氏夫病侍湯藥衣不

解帶者四十餘日及歿卽自刎隣媪救之不得死又潛飲毒家人又以藥解之是夜竟縊時年二十二距夫亡二十六日

安存盛妻高氏夫亡自縊于後院杏樹家人救解得甦入夜復服毒以殉氏父高蔚文臨視氏驚起挽其臂目忽開視已而瞑目仆氣絕又何振聲妻母氏師尙志妻楊氏伏黃氏皆夫亡自盡

姚生桂妻宋氏孝奉翁姑夫病侍湯藥不懈及歿氏自刎嚙下喉管中血汨汨如泉湧右手握刀猶作再割狀姑急挽其臂須臾母至以帛束之始能語曰死已決無緩我引母手捫鼻口未絕又解帶使縊母手顫無力不得已飲以毒毒從創縫中出閤室踉蹌但聞氏氣息中時云速斫我久之聲漸寂遂死光緒二十六年十一月十九日也

張景明妻劉氏夫歿視殮畢自縊以救不得死乃從容言笑家人防稍疏卒吞藥以殉年二十光緒二十六年也

楊自忠妻楊氏年二十二夫亡無子卽吞毒家人救活次日仍吞毒死

湖北大挑知縣徐錫章妾張氏孝事翁姑順承嫡意夫病氏躬侍湯藥晝夜不離側夫歿氏泣視含殮畢飲藥以殉時年十八童生丁之清妻苟氏夫歿亦飲藥年十七

牛張氏通邑鄉飲賓張鴻飛之女事姑相夫俱得其歡心夫歿氏誓以身殉爲妯娌輩覺防未果日久談笑自如並無戚容一日侍姑飲食畢旋不見覓之則已自縊於室中

黃烈女小字青梅生員黃鶴翔女字孫景文未婚景文病篤欲逆女侍湯藥遣人致意其母嫂皆難之女曰旣以身許人豈有患難不恤而坐以待死者乎母嫂見女志不可奪遂送之

增家主則景文病篤勤勞備至不寢者月餘景文死女潛服毒救之不得死投環環斷又不
得死家人懼遣之歸母嫂日夜勸慰女亦氣漸平一日盛服出邀嫂眺覽甫之園色變氣逆
倒於地舁之牀女曰吾飲毒願母嫂勿救我言畢遂暝時光緒十二年三月二十七日也事
聞旌表入祠

路烈女舉人路天基之曾孫女幼字侯光祖未婚而光祖卒女聞訃哭失聲屢自縊家人救
解得免後自絕飲食水漿不入口者數日父母慰之女惟隕涕嗚咽遂以餓死已旌

孫烈女農民孫海魚女也幼字曹吉祥之子年十五未嫁婿聞訃潛以盂水奠門前母窺
見詭曰汝胡爲者豈竟作曹門媳乎女不語惟淚潄潄下母恐有他慰解之女收淚操女工
如故令母不疑是夜竟仰藥死光緒二十六年事已旌

孝婦楊應武妻石氏石雁鴻之女歸楊時祖姑王氏在堂氏奉養備至及寢疾氏侍牀褥寒暑如間居喪哀毀尤甚事翁姑尤敬謹姑生兩叔無乳婦哺餌抱持依婦若母見者不知其嫂也嗣翁得痰症婦日夜侍病側便液澀穢立洗滌歷三年如一日及翁病歿積勞成疾一痛而倒越二日遂故後由族鄰以孝婦請旌

國學生巨可萬妻李氏邛州籍歸可萬爲繼室工楷法能詩其自晒一截云手持鍼黹目窺書自笑痴心難兩如無奈忍拋兒女傳先分弱線繡雙魚兒甘肅通志

補遺 同治間回亂殉難烈婦表

劉烈女小字連娃監生劉天成之女被回賊擄去擇日與小回成親不從則選少俊數人令自擇仍不從惟求速死以威脅之則厲罵賊乃殺之

張氏劉大 陳荷葉陳芹序女 黃氏程兒妻

右二年三月分

張氏生自柴 忍妻

右二年四月分

張氏船漢 翟芙蓉陝西鳳翔人從 楊氏洪不 劉氏王桐齡妻 賴氏安啓業妻 汪氏李合林妻 梁氏洪慶 李氏桑愛 邢氏

桑凌魁妻 陳氏洪家 邵氏洪權 王氏洪園兒妻 邵氏白有前妻 左氏洪寫擔妻 李氏洪元擔妻 邢氏洪廣基妻 董氏逸保保妻 范氏安官海妻

惠氏洪續 緒妻

右二年五月分

馬氏王相 兒妻 王氏陳安 兒妻

右二年十一月分

伏氏 王起家妻 李氏 胡如熊妻

右三年六月分

唐氏 李寬武妻 孫魏氏 夫名未詳 王氏 劉映祥妻 王氏 映祥嫂 劉氏 夫名未詳 堪娃 夫名未詳 龐氏 劉氏婚 纏兒 劉氏姪女 曹氏 賈成妻 王氏

魏引臣妻

右三年七月分

侯氏 蔡克信妻

右三年八月分

尖氏 王振剛妻

右七年月分未詳

王氏 號生張
景江妻

右年月未詳

清水

白氏劉喬生妻夫早亡同治兵燹時挾家避難堡中堡人乏食氏推食食之且施馬施糧以助軍鞏秦階道林之望督師至境以義婦獎之

馬氏馬凌雲妻劉氏張問行妻孀居廿年二十六馬氏有一子兼夫二弱弟貧無所依或勸

他適不肯應茹苦三十餘年二叔及子皆成立劉氏撫三子成立長子入庠 清水採訪冊列女

七人其四已見新志

禮縣

劉氏祁嘉善妻年二十一嘉善歿孝事翁姑撫孤鐘秀入庠鐘秀亡又撫孫炳成立八十餘及見曾孫孀居後人罕見其面光緒十七年旌

張氏庠生王宗曾妻齊氏庠生劉景曾妻皆年二十餘守節事衰姑以孝稱張無子遠由陝西取族子爲嗣縣令容爲作苦節傳齊則已生子殤撫前室子心力交瘁孫寶鈞拔貢生

馬氏丁映彩妻年三十二映彩疾篤歎曰吾家貧如三幼子何氏應曰幸有此三子又何慮焉歿後氏常採薪度日矢志教子長子庚甲咸豐八年歲貢生

張氏陳登進妻年二十四登進死三子俱幼家貧氏艱苦自勵卒撫之成立諸孫有食廩餼者壽九十餘秦學使旌之

周氏王喜妻年十九喜歿族人欲嫁之割髮自誓遺腹子數月始生歎曰夫死從子今幸有所從以終矣守節六十餘年

一門雙節者廩生劉慶陽妻趙氏軍功沐陽妻趙氏楚國柱妻張氏國鈞妻任氏梁肇基妻劉氏肇魁妻馬氏皆年二十餘守節孝親撫孤慶陽三子長子重鐸歲貢沐陽一子重錡人庠國柱國鈞子一歲肇基肇魁各二子均教養成立六氏同心冰蘖鄉里稱之

李氏孟存澤妻年二十八存澤歿遺二子俱幼氏事姑謹教子嚴子孫賴以成名曾孫錫齡

歲貢生

張氏孫身榮妻年二十六身榮歿家貧二子幼氏撫之成立其後次子顯祖之繼室趙氏年十九亦撫前房子守節終身

張氏王爾吉妻爾吉歿張年二十九長子允恭九歲次僅周歲善事翁姑生死盡禮撫孤成立家貧茹苦五十餘年壽八十四鄭學使旌之

張氏已類記於新志而無事跡縣採訪冊口
此一人故補錄餘人皆據禮縣新志列入

何庭茵之妾年二十二庭茵歿事嫡益謹家貧每典衣珥以給養守身嚴謹雖母家不肯輕

歸

張氏趙鴻才妻同治回亂鴻才救援孟家堡遇害氏聞耗痛絕不食數日死後有馬氏張含

芳之繼室馮氏廖出息之妻皆年十九夫亡服毒以殉

徽縣

宋氏禮生章成妻年二十二成歿子瑞麟未周歲姑老病氏侍奉不懈及執喪盡哀盡禮光

緒二十三年旌

苟氏文童張文炳妻年二十三文炳歿子鳴珂未周歲氏撫之入邑庠苦節四十餘年光緒

二十五年旌

張氏北鄉峽門武生楊朝選妻年十九朝選歿不肯改適家人強奪其志刼致之某家氏披

髮佯狂誓必死事爲縣令龔炳奎所聞以己所乘肩輿儀仗鼓樂送歸旌其門曰堅節可風

孫氏銀杏鎮高銘妻年二十銘外出無耗子在抱家無食或勸改醮氏泣曰妾儒門女粗知

大義敢以不節貽父母辱終備績撫子成名

韋氏南關張殿元妻殿元應童試得份生意不快因染疾氏調護不寢者歲餘旣歿氏年二

十六子熙尙在襁褓理家撫孤二十餘年無疾言妄笑戚里罕識其面身後邑人之誠女婦

者猶稱引之

冉氏大河店處士周熊妻熊歿氏年二十八兵荒之後親老家貧三子皆幼操女紅以仰事俯畜子漸長夜績伴兒讀不少姑息長三均入邑庠

王氏泥陽鎮王豹娃妻豹娃故氏年十九子幼家貧苦守人無間言後子歿又撫孫維翰成人始終傭力以養壽八十餘

蘇氏舊城馬秉良妻秉良歿氏年二十八慟絕復蘇者再兩孤幼經營喪葬竭其力守節四十餘年人皆稱之

尹朝望朝師尹家坪人兄弟也朝望歿妻劉氏年二十二遺孤幼朝師歿妻劉氏娶甫經歲無出取姪孫爲嗣二氏奉親撫孤艱苦備嘗雍睦無間均完節以終

郭氏麻沿鎮鎖士耀之母守節四十餘年士耀之繼室柏氏於士耀歿後自盡時宣統二年也

陳氏女麻沿河之陳家溝人字劉婚有日爲回匪擄去道經塔家門投馬下罵賊被害時同治二年九月二十三日也

劉氏女新人已許字塔病死聞耗自經

孝婦李氏舊城張誦妻誦傭於富室氏恃紡績事衰姑日數餐必揣姑意爲之姑食畢始以餘湯佐糲菜自啖姑後病癱賴氏扶掖之或負之於背繞室遊行姑嗜聞鷄聲氏爲畜雄者一偶亡失姑泣不食氏急借鄰雞繫牀頭姑乃喜姑有時煩躁連夕不寐氏招子姪唱山歌以娛其意如是者三年餘無倦色及姑歿以十指所得竭誠殮葬又善教子弱冠入邑庠

兩當

王氏武生張萬金母夫死回難氏年二十四孝翁姑撫孤成立光緒十五年旌

張氏廩生韓文絢妻文絢歿年二十二撫孤藝入庠食餼守節六十年光緒十五年旌

羅氏從九張海鵬妻海鵬死髮逆之難氏年三十奉翁姑挈孤子避難南山備歷困苦教子

濤食廩餼襲雲騎尉世職已旌

王氏張文奇妻董氏馮緒妻楊氏張成喜妻靳氏張定邦妻早年守節王撫孤金海董撫孤

佐東楊撫孤渠靳撫孤存禮皆入庠靳氏奉佛數十年如一日

趙氏武生張朝妻朝死回難氏年二十六撫孤正新成立守節終身

姚氏張溥妻溥母孀惟溥一子溺愛之遂放蕩爲仇家所殺氏年二十遺孤學重周歲矢志

撫之其父勸之他適氏無評笑三日夜因此年餘不歸甯氏奉姑謹教子嚴治家有條理親故家未肯輕一行邑人皆以爲節婦中之罕見者

卷之五終

秦州直隸州新志續編卷之六

藝文第九

秦爲古成紀地庖犧氏生焉其王天下也觀天察變化成人文玩河圖畫八卦開理道之窟以肇萬代書籍之原然則此邦之文獻所由來者遠矣哉新志作於學官蔚茂之時去取嚴格義固宜然今則聖伏神徂經典束閣正胡可泉中丞所謂必載鄉先生文字以爲矜式者時不又然歟故詩歌間有不關本地者雖因人存文意在擇尤匪敢濫收新志尋先哲著述百餘種都二千餘卷今皆闕如矣雖欲寬以取之搜採力窮僅就耳目所及見其大凡而已其金石文之不甚工雅者仍遵前例以嚴格爲主續藝文第九

藝文一

王寬二妙軒帖題跋

西州風雅盛自東柯國初東海宋荔裳先生分憲隴右謁杜少陵祠曾集淳化閣帖字泐秦州雜詩及同谷七歌數十章構亭安石於壁向稱二妙今散失無存矣余於癸卯秋謝秦州事寓居使院半載有餘閒中偶至西關僧舍見階前搗衣石有字迹別蘇鉤摹乃二妙軒石刻也僅得四首完整如故嗚呼草堂遺韻曠代寥絕去今千有餘年而詩履猶存宋公相距甫百餘年耳石亡而亭亦久圯不勝覆甑礪角之感余以爲不加護惜剗削磨滅并此百六十年後將盡失因移置使院壁間稍存前賢名蹟他年牆角階心倘能續成完璧有厚望焉

爰識顛末以告後之君子

何時又移於明倫堂不可攷

國棟重修天水湖記

天地之消息循環一誠也故誠之不可掩雖抑鬱扼塞於一時者不數年而必達理在數不
得不從凡物之盛衰類如此州西南五里名天水郡有方湖柔三丈四尺濘二丈八尺清淺
可鑒鬢髮且能愈疾舊有五色魚甚繁滋湖心有亭今皆無存矣湖亦爲積潦所淤幾平吁
可惜也夏六月州境以閔雨問祈禱湖俗有取水例因齋沐挈瓶往既驗余謂天水之爲郡
古矣迄今村猶蒙郡名得非古天水以茲湖名歟且湖雖久淤其澄流分渠溉稻田尙不啻
十頃則方其盛時當何如耶抑靈源非遠修濬易易耳熟視焉若無覩其故何耶遂鳩工具
畚鍤抉泥揚波浚而深之得泉幾四十滄然抑流噴珠濺玉甘冽沁心脾復爲整其四壁甃
其岸繚以朱欄取渭河魚百十尾畜其中而湖之本色粗復夫人之耳目趨於新而蹤跡從
所聚凡事盛於始衰於漸無恆盛亦無恆衰存乎理存乎數尤存乎人其盛其衰皆始於一

二人而附而利者乃衆創難復舊難保之更難豈獨茲湖爲然耶且名必有所緣起有是實斯稱是名事之當顧名思義以旣其實者又豈獨茲湖爲然耶斯理也通於政故爲之記時

乾隆甲申

盧綸王季平墓碑

世有以不已偶者謂爲奇人不已同者謂爲異人不已投者謂爲怪人且有以特識者爲好奇之人遠見者爲好異之人卓論者爲好怪之人胡不察其實行而顧以爲出此奇想發此異議作此怪狀也哉如甘肅秦州副貢生王先生諱尙概字季平號羲川或謂其爲奇人歟或謂其爲異人歟甚或謂其爲怪人歟道光癸酉秋闈來陝一遇先生講學數日其天性篤厚不薄倫常尙矣至於五經四書均有確證確解舉所著作眞發前人之所未發道今人之

所不能道殆有志聖賢爲窮經儒也本非奇非異非怪而竟云奇云異云怪以是知江河之
汪洋對以椒腹而鮮不爲詫山嶽之聳峻入於芥眼而鮮不爲驚每憶先生相與談經相與
談心可謂斯時之切磋交何不幸先生於甲辰五月一疾作古享年止五十有二有子久燁
不憚雲山千里請文於余自愧非不朽之筆焉能傳不朽之人第情關道義若不能不明辯
夫奇異怪之諄諄究可以不待辯乎奇異怪之嘵嘵四海之遙九州之廣豈無明察監於來
茲

左宗棠周公祠碑

同治十年五月十五日總統甘肅諸軍二品頂戴前福建延建邵兵備道周君卒於軍余疏
君仕履及以死勤事狀聞於朝天子軫悼加贈內閣學士蔭一子入監讀書又二年關隴底

定秦州人士追念遺德請祠祀之余又以聞詔旨報可於是州人卜地於州之天靖山庀材鳩工因高而堂就夷而墀繚以周垣蔭以嘉樹凡爲屋若干楹於十三年五月落成奉君粟主居中妥靈揭虔神人悅喜而權知州黃君翥先復請余文其麗牲之石君少時從余讀書資識英敏學有心得余奉命視師東南君從余戎幕凡可以贍軍恤民爲地方計久遠者不避貴要助余成之羣議翕訛以相搖撼君一切不顧守意自如後從余度隴亦然故當其任事羣小洶洶及踰時歷歲功效衆著毀去而譽獨存公道之不泯實政之不可久淹也如此君諱開錫字受三湖南益陽縣人名宦周公振之之嗣子也廣西盜起從胡文忠公於鄂權沔陽州知州湖北州縣減浮糧蠲堤工土費自沔始曾文正公督兩江時召置戎幕余奉命撫浙君乃辭曾而之我積功洊擢浙江溫處道余督閩浙君從入閩調延邵道未上署福

建布政使余去閩君護撫篆蓋稍稍通顯矣而爲忌者所沮及余西征三年方移節度隴趣
攻北路而南路隴軍挫於狄道士氣銷靡不可朝夕將士無足任者適君轉閩饑至遂疏留
君總統甘南諸軍兼理民事君罷捐糧之令汰冗卒勸耕墾定課稅革陋規蹕厲風發人之
謗君者視閩爲甚然卒得平利年餘鞏秦稱治旋用兵復狄道渭源兩城進規洮岷河州適
黑頭勇丁潰變君禽其兇逆磔之貸附和者死反側以安而君之心力亦自此耗矣明年三
月疾作支離寢枕籌兵籌糧籌餉籌運造車船通道路營度庶務一如平昔吏泣請少休君
不顧也於時疾日進矣五月十日以事赴秦州行四十里氣絕稍蘇昇還鞏昌五日遂卒嗚
呼君以閩吏任隴之艱拯苦扶危不屑營脫殫智罄慮於國於民沉瘁殞身僅及中歲可不
謂忠歟而彌留之頃賦詩自悼猶謂君親兩負從余未終其素所存者可知也世乃嘖嘖而

持其後小人好議論而不樂成人之美亦如此哉然至今日謗焰既息謳思在民懷德頌功奉以禮祀朝論亦翕然稱之知勞臣所獲不在彼而在此也君家世行誼具沅陵吳大廷所作墓銘茲掇其大者書于碑爲歌詞系之以永秦人之思

生勞苦兮死可休虛飄飄兮靈之游陔西土兮聊淹留涉漢水兮臨漸江浩閩海兮波湯湯
謗啄短兮嘔吟長秦之州兮君所止施號令兮民大喜飢者飽兮痿者起風颯颯兮雲冥冥
靈之來兮如平生叱騁從兮揚磨旌升几筵兮享牲糈昭精禋兮靈福爾驅螟賊兮殪狼虎
歸祠廟兮山之隅民報祀兮終如初祉耿耿兮安可誣

董文煥托剛烈公祠碑

同治十三年三月署秦州事黃翥先請於余曰故州刺史諡剛烈托克清阿公再牧秦州惠

愛及民其剿賊死事尤烈今其祠在州城者凡二久未修葺邦人傷之謹按公以山西駐防舉人就知縣分發甘肅歷任皋蘭河州皆有循聲而權秦州篆尤久治理多可記者公之重洺斯土也維時陝回陷渭南高陵等縣鳳翔回民響應秦郡戒嚴公請於大吏設防汧隴賊不敢逼嗣陝回鐵鎮國由固關竄清水之張家川川匪郭逆復攻陷兩當公招集關丁進剿以偏師三百扼張家川而親統全軍由秦安縣抵劉家鋪日夜轉戰斬獲甚多後賊至益衆公揮短兵陷陣中飛礮死秦民哀之事聞天子震悼以道員禮賜諡卹建專祠昭忠褒烈可謂至矣隴自回逆跳梁盜賊蠡起當是時郡縣牧令皆不習兵事卽招募丁壯亦祇擁以自衛賊至閉關舉礮利其速退無敢議戰者以故城郭人民不可復問而秦州地當衝要戶口繁衍四通輻輳庶富甲於隴南公隻身捍禦出萬死不顧一生之計俾秦民老幼安堵無虞

士農商賈各安其業四時詩書弦歌之聲相聞於今受其賜其功於國福於民如此至窮賊所嚮輕身赴敵深躡虎狼之蹊卒以死殉初何嘗有寂寞身後之念介於其中既見爲義所當然斯赴之已耳於廟乎何有而官斯土者與邦人傷公之亡壯公之節則誠有不能漠然置者請新其廟可乎余應之曰茲教忠善俗之原烏可緩翥先乃倡率郡士立廟於天靖道院之側凡用工若干費緡錢若干閱五月而工蒞某月某日宜祭之辰奉公主享之於是秦之耆駿咸會牲醴既陳肴核有錯忻忻然曰自堂徂基輪奐新矣陟降庭止神明是依美崇報以從民志繫黃侯之惠禮成乞余文述其緣起且以余與公生同里聞知公夙也余烏能已於言哉公卓識偉抱所至侃侃其功若德已著於史冊不待覩縷謹識犖犖之大者系之銘以詒來者其詞曰

天靖之山崇祠歸焉以表我公賢而輝映玉泉匪肅瞻視惟勸忠先凡百有位曷視碑鐫

王閔運秦州北山李杜祠堂記

董研樵先生欲拓修李杜祠因乞此文旋以身歿未果存之以識遺憾

古之選大夫者代天工宣三德期於聖若禹皋而後無曠官及考其科則有曰登高能賦云者夫流連山水興寄今古後世俗儒所不屑爲而古之人以爲聖選何哉惡夫以刀筆斗籍爲實用而使政術入於中商光禹之所爲也文士輕佻縱逸之敝易見而易知俗吏之害使人忘道德絕仁義病君戕民而自謂勤職爲政者可不暇乎日處塵壒之中登高山臨大川窺宵壑惕衆林則曠焉浩焉淡焉肅焉於此而有會者其不累於物不蒙於性可知也堯宵然於汾陽孔子登泰山而小天下雖有聖智必依於境秦州北山玉泉觀故隗氏舊宮地也

自漢以後代爲勝地其遊者不可勝計而唐以來杜文貞獨擅其名杜生不逢時僅以詞章名後之人遊其地吟其詩思其人若耳目相接莫不興起也故卽其山祠之祠之欲有以配之以李供奉者成紀人可爲地主因建李杜祠堂歲久傾圮同治十年兵備道洪洞董君擴拓修葺以時登臨慨然有千古之感郵書告閩運且曰宜有以記之閩運以爲李杜者詩人也古之詩以化下刺上後之詩吟咏情性而已一人之見一時之言疑未足以動天地然試登茲山覽其風物曰此隗囂之所游也亡新後漢間興廢之事若蝸角蠻觸之戰鬪已過而不可尋矣隗氏之前後古聖賢人孰居游此而已不可考惟是文貞五言廿篇諷咏低回此山存其人若存則天寶乾元之日月猶可見也杜子已往而詩之靈猶如此矧夫詩人之爲政以胸中所蘊蓄陶寫之所得施之於民物制度以洗俗吏迂儒之意見者豈不遠哉董君

能詩文專得杜之理神其初出官時人頗疑少年文學侍從之臣不樂吏事既至期月而化
行三年而俗美利興敝除尤以文教經術爲重關隴人材都會其必有承風應時者學詩教
以美化移俗又豈彰大夫能而已輒據其邁以論今後之善游能詩者焉

王權任士言墓表

凡一人有數文者止
於首篇標名詩同

是爲卓行碩學戶部觀政進士隴南書院主講任士言先生之墓先生之存也自分巡觀察
使州縣長貳下逮三郡生徒靡不諮事質疑奉爲圭臬其歿也官師士林毗庶咸悲悼嗟惜
悵悵然如失所依嚮葬後七閱月其友人伏羌王權爲撮敘其生平行誼學術揭於羨道之
石曰嗚呼先聖嘗思見剛者而謂有欲卽不得剛今觀於士言農部始信真剛之果根於無
欲而無欲之剛迥異於負氣爭強者之所爲剛也君名其昌士言其字甘肅秦州人曾祖得

寶祖作祖父綬纁皆以君貴——覃恩晉贈中憲大夫累世種德積善韜光儲祉以迄於君君少聰穎且嗜讀四子小學諸書皆父贈翁口授贈翁臨終遺命卽餓死勿改業君謹遵之自總角至老未嘗一日廢學初把筆爲文卽吐棄膚末不作凡近語塾師關喜亭奇之常倍課其業家貧甚啖粗糲猶不繼午餐或缺則飲水代食然終不以饑告人弱冠應童子試知州事閩縣董君平章亟賞其文延置門下而教育之董故名進士學富文雄君得其指授所學日進肅發署中藏篋博覽強識又得衛淇園周古漁二山長啓發獎勗器識益臻遠遂大由州學生舉戊午鄉試同治乙丑成進士籤分戶部候補主事明年奉母黃太恭人入都供職六部惟戶部有公膳甚豐腴君以太恭人在寓食無兼味不忍一下箸日枵腹從公午後乃歸侍膳元配郭宜人卒於京至十年不續娶入部歲餘卽嫻吏事先達倚之爲左右手自山

東司幫蕞游進主藁且敍勞 賞加三級潘文勤寶文靖二公先後掌部尤歎賞器重駸且擢用矣竟以母老思鄉里決計請假歸養旋膺當道禮聘主天水書院講席數年移講隴南兵燹後絃誦久寢君盡心惇誨因材曲成高者教以窮經讀史培根蟄實其次爲討論制義源流奧窔冷易文利鈍得失指示尤深切故兩院之士掇甲乙科者至八九十人學使胡與督臣楊會銜以事親至孝教士有方保奏奉 俞旨加員外郎銜蓋異數也君雖掌教林下經濟未試而庇民惠物之績効有疊見於鄉邦者伏羲城創築垣墉衆議延君督率勸捐抽丁綜核出納費省而工堅戊寅歲大饑今制軍浙江陶公時典州賑務一委之君經理焦思瘠口所宵不遑息者逾半歲活流徙饑羸以萬計他若籌增文社資本及城防軍需諸局務皆總董其成幹事才識可略見一二矣前後居祖中憲公贈翁太恭人三喪皆以古禮鄉

俗參酌行之以喪葬用樂爲悖理毅然革去太恭人膺驟疾君籲天長跪於暴雨中者竟一夜伯兄及二弟俱先君卒卹婦孺字孤殫罄心力族弟某歿後遺兩女攜歸養而嫁之賀駱二老儒嘗評點君文身後妻孥窘乏傾囊調濟終身無間其內行之篤恤舊之厚類如此性極耿介既自寒餓中茹苦礪節以至有立及去官回籍州里素封不時相招邀然終無一錢之蓄潤與朋輩遊處恆規過糾愆甚或面斥其惡受者咸敬聽心折其素行有以服之也官紳以公私事就商皆爲剖決是非引義直陳絕無阿徇瞻顧茲其剛德之根於無欲者歟制行若斯幹略若斯顧不獲居位乘權略展素抱竟令終老閒散復遭國家陽九之厄至賚恨以歿焉天意竟何如哉體素癯健年逾六十猶能東登華岳北陟崆峒爲壯遊光緒庚子夏五月海疆難作聞之憂歎廢寢食因觸動氣疾嗣聞都城淪陷 鑿輿西狩悲憤拊膺遂委頓

伏牀卻醫藥不御力疾自作墓誌並自輓詩三章以殲寇雪恥之志生未得遂死後猶欲率鬼兵以殺敵良可悲已卒於光緒二十六年十一月癸未午時年七十以次年四月辛丑葬於州北山祖塋君之學尤長於考訂史事晚年復以治經爲歸宿所爲詩古文皆能到近代作家所未到著有秦州新志蒲城縣志敦素堂詩文集皆已刻行八代文鈔藏於家

張平三墓誌銘

君諱登階平三其字也居秦州西關織錦臺巷祖諱永慶父諱旺兩世皆太學生君於兄弟次爲長性凝重幼不好嬉弄一日從太父適市俯拾一錢太父怒而扑之自是益厲志嚮上讀書有未解則默坐沉思人喚之常不應年甫及冠卽遭父上舍公喪時家道中頽罄產不足當負責君哀毀慘痛殮葬一從豐葬後家益不支遂棄儒業專治生自君太父時州郭暨

外縣凡置商舖六七所君旣卮家事謂置舖多則綜核難遍任人雜則漁蠶潛滋於是汰商舖立規檢擇典守黜巧滑以不負人之心立不可敗之地有疏戚某甲筦州郭舖事侵蝕資本累責數千致訟官令某甲盡任其責君不忍責主之見罔也請代任之而分年以償從弟某與君同出資賈蜀折閱過半君獨傾橐復之數年轉得贏從弟已前沒仍分半與其子市廛嘖嘖稱爲盛德事信義所孚懋遷大暢生計日寢熾昌家法嚴整內外靜肅人有常職物有定處三弟旣皆成立猶納之家塾不使預農賈事理蹟剔莠一身任之糾稽督厲老而忘勤其強也如此然內行恂謹事親抑抑婉容母蒲太恭人性剛正子婦有微過呵責不少貸君輒自引慝長跪謝罪至老猶然母嘗病疽醫曰此疾食忌過多爨必別釜調必別劑食飲必別器否則不治君與妻剝躬自檢視異烹飪殊盥盪者凡三年親治湯藥侍牀簣或數日

夜不解帶與朋友處開心布款言無不盡事必襄患必恤聞善言見善行則心識而弓蹈之
同治初元回變之作也州牧以西關防務委君焦思勞瘁晝夜靡遑時餉絀兵驕徵斂百出
富室多資緣求免惟君每輸必先傾財殫力與兵事相終始先由例貢生報捐候選通判至
是論防城勞奏准加鹽運司運同銜光緒十三年四月五日以鬢疽卒年六十有七明年九
月二日葬城北鹽池莊南新塋娶剡恭人溫惠婉淑能助君興家生子二長金鑑州學生次
銘業儒孫七女四皆適士族先君歿嗚呼君之鍊事敦品忱恂孝友州里久推爲鉅人顧常
歆然以早孤失學爲歉夫學者學盡倫常而已以君所行所立較當世綴文之士學殖果孰
多者然君之才宜爲世用也而竟不獲試君之健宜得上壽也而竟驟歿此則知交所共嗟
惜而余以衰年旅寓得一老成同心造物又驟奪之去尤悵悵不能爲懷也銘曰

甫條而冰甫枚而雪其冰其雪不萎不析既挺既挺既老益堅乃驟以顛誰使之然吁莫知其然惟德義之煒以型以楷以燾其孫子我銘幽宮後千禩勿毀

送張育生之官甘泉序

秦州張育生從余游有年近自庶常出宰甘泉以余之久羈此官也數以宰邑之方就請余固拙於官者然警之行路經途多矣祖餞之晨手杯滿酌舉所嘗經而告之曰古循吏之政今無望也已非人之異時之異也古者一令之俸計米六百石計錢數百緡以充私用公費而有餘今也縣署一歲之費大者累萬金次猶盈萬或萬餘最下乃數千雖善節者莫能斬焉與古大異者一古者法一而條例簡今則曼衍之例通頒之案議駁之編紛政浩漢充棟連牀使猾胥得踞之爲窟穴與古大異者二漢之官刺史縣令以上惟太守耳後乃有刺史

後乃有觀察使後乃有按察轉運等使後乃有布政使至巡撫總督踵設則知縣之上長官
乃有八九與古大異者三若乃民俗時務之變遷驛傳徭役之供應較之古而煩難百倍者
固不可悉數也嗚呼才不古逮矣學不古若矣時之相懸又若此古人其可企乎古之政其
可復乎夫亦自盡其心而已矣然盡心之道非一也有盡於下者焉有盡於上者焉盡心於
下則意之所嚮目之所注智慮之所殫民焉而已苟利於民上官曰勿爲弗敢已也苟不利
於民上官曰爲弗敢循也民安則心怡民病則心悽而上官之喜怒已身之利鈍勿恤矣盡
心於上則意之所嚮目之所注智慮之所殫上官焉而已上官曰行民雖病之弗罷也上官
曰罷民雖利之弗行也探伺捷於機先揣測及於嗜慾而閭閻之疾苦政令乖違勿恤也斯
二者道相悖也事相遠也雖有什伯於人之心力莫能兼致也擇術者將何去而何從耶夫

所謂上官者皆大人君子也朝廷之所簡民生之所寄也喜怒豈故與民異哉居高則情隔馭廣則地間蔽之者多則明易虧也又安知蔽之不終祛而虧之不旋復歟而盡心於下者何憚焉然則盡心於下果良吏乎哉吾又慮其有恃也操非廉不立而廉不可恃恃廉則嗇嗇之流也刻職非勤不舉而勤不可恃恃勤則躁躁之流也感事非明不判而明不可恃恃明則察察之流也苟有是三者而不恃善矣乎抑猶有三歧途焉一日詭異以動物一日紛更以覲功一日姑息以媚衆良吏之視民家人耳其視民事家事耳自好名者爲之乃有駭俗之奇蹟踰量之殊恩出衆之譎智的然揭己以與民市赫聲驟播於外真意早漓於中則詭異之過也利弊難逆覲也興革難輕試也挾喜怒之成心鑿空造端張皇日夕令未行而民先擾效未覲而弊已叢則紛更之過也刑威者起錮之藥石法令者剝奔之轡策以輕刑

爲惠以飭法爲慈將使姦民賀而良善戚此姑息之過也嗟呼今之牧令賢且能者衆矣然吾察其所挾持未有外此三途者也杜歧途修實事可以驟行之而不窒久行之而不蔽者其簡乎可以濟簡者其嚴乎累民之事萬端而皆由煩出一簡則衆累祛焉姦猾之害萬變而皆自寬生一嚴則百竇塞焉然簡非疏之謂也嚴非忍之謂也所以行之者誠而已既誠矣簡與嚴其無失矣猶不敢滿也平其心以防意氣之偏虛其心以省愆尤之伏一日在此官一日存此心勿間之而已矣甘泉治北山之衝兵饑洊仍土荒民散撫輯尤難爲力苟以吾說處之民病倘有瘳乎嗚呼講吏道以救疲氓吾知育生之急於行也

謹案心如先生爲隴上儒宗身後詩文散佚茲得在秦州所作數首亟錄之不啻吉光片羽也

任其昌遊麥積山記

山在州治東南約百里由甘泉鎮東行十餘里兩山環抱曰峽門峽盡稍平曠突見孤峯側立當路左右無倚形似農家麥堆山頂有小浮圖房圍松栝葱蘢委積十餘里外卽撲人聽之如笙簫鳴於天上蓋松風也稍近見石洞如蜂房棧木似亂麻至山足石徑屈曲兩垠皆山果枝羅席帽側首乃可過藪草廁其間秋尙未萎人觸之輒被螫數轉至瑞應寺門僧延客入飲以山茗移榻天王殿外面山坐山色欲滴久視之嵐光松蔭蒼蒨靜深殆染人襟袂僧具午飯飯已導上牛耳堂取道寺南轉西路稍平旁有山桃食之甘酸山半鑄佛菩薩像長數丈顏色剝落略辨眉目然日光所及金碧猶爛然北向入石門壁間多前人詩碣詩皆工惟前明山右馮惟訥最著又西向石級十餘層緣厓鑄羅漢像數百西上又一石門亦石

級厓間鑿三洞洞一佛像皆石洞頂作井幹形填以灰泥書法華經繪事極工再西上又一石門亦石級其地則石缺處補以木洞亦三像設如其下再西又一石門門外木梯三級寬尺餘又缺漏怯者多不敢登入門厓上洞亦三地則全木無石矣再西無石門又無外障厓上架木棧前人以太險在厓上鑿一石窟豎裁尺餘橫如之蛇行入約十數步出則登牛耳堂矣石厓之最高處也洞一佛像亦一再西則又漸下爲洞尙十餘前明中木棧爲野火所燒榱椽漸存人跡絕不能至聞僧徒有癡者曾入之云內多石碑惜不能名其字吾意庾子山佛龕銘真蹟當在其內寺中碑銘則後人所摹刻者也厓上鐫字殆遍然皆不可讀惟宋人蔣之奇游師雄題名了了可辨游書四行大七八寸似顏魯公蔣書二行大二寸反似黃山谷何耶第一洞外厓間嵌一斷碣文前十餘行尙可讀大略言山上塔爲阿育王及萬四

千寶塔之一寺卽起於其時此無定辨至云宋徽宗塔下得舍利數十靈芝三十本文卽葬舍利記也君荒臣諂乃致於此碑首題曰秦州雄武軍隴城縣第六保此地迤西南今尙名新軍寨而隴城縣則不能指其處矣寺東稍平衍出門卽塔院再東有菩薩殿三楹已傾圮稍南而西山石如象鼻臨澗水上旁多細松叢篠障蔽若回欄若在此築一小亭仰看山俯聽泉亦極佳境然此地石岡曼衍而寺僧名之曰蓮花池可怪也次日平明登石梁梁在寺北山東東西橫互約二百武峭削如城墉長松排列其上如柵如旌杠如埤堦根盤石罅如蚪如龍作其鱗之而由寺門東北行苦泥濘蓋梁下皆泉眼常汨汨然余告寺僧疏泉開一渠橋其上亦由西而東之一曲也於草樹蒙茸中得小徑攀援而上有聲戛然出草中翳高樹視之雉也旣上又西向時日方出光映松檜滿山皆金翠晃耀北望衆山參錯盤互南北

兩澗分流其下水聲琤琤如鳴珩珮倚樹聽之久益清越前視山上有人在牛耳堂衣裳飄飄如挂於削壁之上視身登時猶奇也山陰及山頂樹木更茂因王協亭使君邀往石門遂不果至時同遊者蘇紹勳統武張鏡堂登第張蓋臣思忠門人劉子嘉張育生也

遊石門記

山在麥積北於州治爲正東道里與麥積埒遠望之參錯盤峙色正黑如濃雲排空樹石皆不可辨旁土山圍之益奇峭至其麓澗壑縈帶樹林陰翳若無路於石罅中彎環行略通騎樹嵌石上蒙蜜葱龍青碧四合日光穿漏下有暗水淙淙如奏金石樂不可得而見也凡三四轉至真武觀外地稍平仰而觀山雙峯對峙高入霄漢士人所謂南北峯也真武殿階前對樹二柏幹大三四圍長不逾尺枝葉叢細異凡柏其狀圓如爪大將及尋奇木也次早相

率東向行南北夾雙崖中流一水崖上下及水涯皆雜木槲最多松柏次之間有細竹娟娟孤潔如幽人在空山其徑以漸上不甚艱絕後行者視前人在樹陰中衣笠掩映如畫圖凡南轉三北轉三約四五里至山腰兩崖對峙如門南北峯分割處也峯皆孤聳南峯之南又有一峯謂北峯一南峯亦一者妄也再東稍下磴道一線蓋鑿北峯爲之者尙可騎再東數十武則北向大石突兀西倚峭壁東南臨大澗路在石上有窪稜略如階砌可措足遂舍騎而步至山神廟側坐石上憇焉廟大一弓許其北有大石在澗側移廟其上於北構一亭乃佳坐少頃仍北行左崖右壑路稍平松毛厚數寸赤蟻滿地好緣人衣履再北山罅大如渠構橋其上橋直南北東西有欄檻過橋路又崎崇攀援上數十武則祠宇在焉三清殿前設木几坐飲山茶數杯乃上絕頂頂勢突起高約十餘尋寬裁四尋東西臨澗壑石色純青綠

邊皆小松初登稍坦夷十步外殊陡削石面略似階級多鑿成鐵索盤其上怯者非此不敢舉足既登四山皆低天風浩然真武祠南向稍寬敞至祠後則土山童童欲來拱揖矣曩聞緣澗至崖上皆古松大數十圍間有自澗底高出山尖者濃陰翳日根在石罅如龍蛇天矯其澗又極深天靜無風聽之如龍吟虎嘯遊人立其上四望不知津涯年來爲道流盜伐罄盡喘汗而來意興頓索坐殿角少頃遂相扶而下再至三清殿小坐續遊所謂王母臺三層樓者由三清殿前東行稍下登磴道轉而北又東不數武蒼崖如削其上忽開丈許構樓三層於其間南向崖上杙鐵索平綴鑿石穴西漸高面壁直上回視則下臨大壑林陰蒼蔚寒飈浩渺深不知幾許既登樓極隘以衣袖拂塵土臨檻坐所視亦不遠遂下又東地形亦如象鼻較麥積石鼻則絕大袤長而圓三面臨深壑地本宜亭宜平欄乃祠王母於此門內向

面山一無所見遊者憾焉問之無他異其東有屏錯峙高幾與南北峯埒然薄弱橫看成嶺側不能成峯也土人指缺處謂州志月出石門即其處信然歟大抵此山無寸土又少平地亭臺樓榭位置固難然太蕪略曠如奧如兩者交失豈柳州所慨不在豐鎬鄠杜者耶同遊共九人先至者爲王協亭使君蘇紹卿副總兵劉成圖鏡堂之從子鐸後至者余與鏡堂蓋臣子嘉育生也

知州陶公德政碑

浙水使君以乙亥冬十一月來吾州己卯閏月調守甘州以去凡蒞茲三年有五月丙子春作藉水新隄藉水逕州城南東入渭舊有隄齧蝕崩圯逾二紀無過視者水益北衝城隍幾墮盡其下有圃田勿問也公卜日僦工躬相版榦雨淋日炙未遑告勞兩閱歲工始歲東西

凡三百餘丈用緡錢八千有奇皆取給廉俸民不知役丁丑秦晉燕豫皆苦旱吾州亦自五月不雨秋禾槁麥種不入地公菲食徒步奔走壇社凡所以爲祈禱者靡不至數得小雨輒不霑足遂議賑適大府檄亦至因決行之令上戶各視其力出餘糧自百石至數石分十等其願以錢者聽約得穀六千餘石分命士紳歷村墟造戶口冊應受賑者曰極貧戶曰次貧戶曰大口小口予錢穀各如額勿濫勿遺惠則以均羸瘠之民僅二萬戶終無一餓殍者秦晉流亡鬻集境內皆按口授錢計應費二三千緡州所屬之兩當縣山谷廳災尤甚各予之穀數百石公獨任之民不與也天民之窮極於饑婦貧無依則改適風化渝薄此焉其始公爲文縣令卽捐廉以爲恤鰥者倡及蒞吾州夙議茲事未行也戊寅秋荒政已訖得餘錢踰千緡又捐廉三千緡請於大府爲恤鰥經費立之科條示可永守付授士人無與吏胥旣養

而教以革淫慝以惇義節先是州署驛馬飼秣之芻茭取於農銀錢布帛之貿易抑於市土木金鐵之作治索於工名曰和買實則丐奪自公皆蠲除罄盡無少科累其士流之貧老者廩給之材者扶掖之窳者容養之庶人之疲癯殘疾窘窮而無告者以時衣食之務爲暴蠶有害於閭閻之作息出入者誅殛而資罰之求瘼恤隱指其塗飾文具者無有也近世親民之吏於征賦之贏縮斷斷然不以施也有反此者則林亭游觀繪畫景物而已或不幸有事苟具簿書假手胥徒公帑私蓄唐捐糜灑其無事則子子煦煦容奸而長惡政化之原如異人任鰥寡孤獨顛連之狀未嘗留大高軒者之一盼則公之行事之不易與吾民之眷眷於公也洵非偶者公旣去父老欲永公之德於勿忘命爲文將勒諸石因撮其大者書之其細者固可略也

祭張得五文

咸豐初元江都校士人曰多賢聯臂以起臭味或差名跡並時膠漆匪堅惟我與子日月去
邁今三十年夢幻泡影科名後先中更寇亂犬羊腥羶鞠人忘宵小垂涎炭藥危城角折困
獸赤舌肆張蒼頭避鬥吁嗟生人沒骨絕脰不我如何云潔去就東道蕭條廣受同車山塞
冰厚牽衣挽裾嶠關截截河水舒舒燕臺夜話憤惋之餘我捷南宮懸裝相俟霓裳誤曲怒
目戟指空囊而行山巔水涘秋鴻遺書月日歸里我旋省親聚首家闈自春徂秋相送東轅
離筵對酒山果結繁慘然話別舌不復喧我官農曹廣平搆禍子來返親病軀無那倉皇到
門挑燈篝火出處與謀長宵促坐自茲一別六載分攜子承府檄權稅號西我奉安輿來尋
舊蹊中道留聚七日之期老母幼子肉截棗梨臨岐下拜子弟是託豈其攻玉他山之錯終

竟何如萬金負諾慙顏愧心敢欺冥漠子令褒谷翰札往來談心則一分手匪哀品以淡泊
廉惠之芟循聲未徧二豎爲災狙詐工讒含沙射影爰其奸慝中心耿耿正士立身理歸內
省千里寓書以枿榛梗養疴漢水復返青門延醫問藥災變何論皇天佑善俾亡而存云胡
不幸身否事屯嗚呼得五子之植品良金美玉洪鐘大鏞方以廷觸瑑圭牙璋縹緲末東百
里初試遽繫驥足生必有死人誰弗然賢者不壽賣志幽泉蓬蓬蕭艾覆蔽於田紛紜顛倒
孰執天權昔者見親文行方軌余愧堯夫子問伯始今也云亡余將疇倚牙曠不逢誰辨宮
徵嗚呼得五永從此辭幽明異路無相見期總帷朝啓敬酌酒卮撫心一痛靈其有知尙饗

翰林院編修吳君蜀江墓誌銘

君諱西川字蜀江號棗龍秦州人世居北鄉之卦臺山曾王父諱壯南封朝議大夫王父諱

廷榮誥贈朝議大夫晉封通奉大夫父諱鵬圖山西長子縣縣丞晉封通奉大夫君卽貳尹
公之第三子也幼聰慧不好兒戲事七歲貳尹公命作杏花詩卽能成章九歲應童子試十
八入州學逾冠補博士弟子員嗣丁貳尹公憂服未闋母夫人亦棄養破產營葬事結廬渭
曲足不履城市者數年辛酉得拔貢生朝考未見用歸值軍興爲州縣掌書記後入貲爲內
閣中書庚午捷順天鄉試逾歲捷南宮改庶吉士甲戌散館授編修乙亥卒於京寓吾鄉先
達少爲詩古文者君未冠已獨肆力於此明粹婉妙多可傳自家中落食粗糲無戚戚態且
不與富貴人往來居京師退直之餘不出庭戶然用能文善書人遂多知之者及入翰林文
名播京師廉謹退讓一如其曩時而不意其竟至於斯也嗚呼痛哉人生不必皆才才矣未
敢妄意於富貴勛名惟是埋頭項筆硯間此亦豈爲非分事者而猶溷闕擢敗卽食貧居賤

之歲月亦不使多享天耶人耶其謂之何哉其謂之何哉君以道光辛卯生得年財四十有

五妻劉氏子二寶瑤翰林院待詔其第五弟渭川子君以爲嗣寶璐側室劉氏出今年九月

十八日將葬君弟來請銘銘曰

磨鳳伏穀德以臧兮有其振之是用彰兮曷爵曷羅札焉傷兮大闕終世嗟彼蒼兮

張雲卿先生崇祀鄉賢序

古者鄉先生歿而祀於社後世則有祠吾州鄉賢之祀自明禮部尙書門公克新始其後或

以理學或以循吏或以正諫咸得祀全國朝則無人蓋其難也雲卿先生之歿也鄉人臚其

質行請於朝得從先達後蓋先生之孝弟敦樸明允方正其有以感孚於鄉人者至矣余

維先生登甲科有官矣使天假之年盡所涵蘊其有以利人物厚風俗如時雨之澤萬彙則

峴山之碑南陽之祠人人者深而垂之無窮而顧爲圭臬於一鄉哉此余志先生墓所有慨乎其言之也雖然吾鄉自胡慕東逮先生閱二百數十年其間富貴利達享大名登大臺者當不一其人而歿身則已歷數十稔則無人舉其姓名而先生純德內蘊恥於外勇聲譽之地斷斷如也而鄉人生則有以信其行歿則有以振其名俎豆之報與有明諸巨公後先相行列豈吾鄉人樸儻執固有時而好恢詭歟精金良玉之爲寶豫章楨幹之爲材人人知之若瑕類其質朽蠹其心則匠石望望而去焉然則先生雖未嘗大有爲於官而能樹景行於鄉其歸一也愛樂先生者其可以無憾抑能知所取則焉則尤吾鄉人之幸也已

送張育生之官甘泉序

周禮小宰以六計弊羣吏之治一曰廉善二曰廉能三曰廉敬四曰廉正五曰廉法六曰廉

辨元郝經曰吏以廉爲本貪墨則其餘不足觀夫以爲不足觀是尙有此善能敬正法辨也
吾謂吏果不廉將並此六者而亡之何也善善其事也或曰循良也以不廉之心蒞事則圖
私而害公民怨日以滋尙何循良之有能政令行也或曰能勝其任也貪競之心民皆有之
小則腹誹大則旅拒是辱職以賈罪者也敬不懈於位也正行無傾邪也不廉則不懈於利
信有之矣於其位何居假公營私與以私廢公罪一也傾邪至此抑無偶焉法守法不失也
辨臨事不惑也朝廷之法未有黜廉而獎貪者然則法能守與否斷可知已是非之辨平心
者不惑也直接於途篋笥局於室吾見白黑之顛倒枉直之互錯也夫能廉而六事尙不兼
者吾見之矣不廉而六計或有其一者吾未之見也此真本末之義也嗟夫三代而上養士
之法甚詳且備士之拔起於閭井間者漸濡於詩書禮樂之教以成其敷政宜人材又其

時分田制祿咸足以贍其身家冠昏賓祭食用之多少各眠其秩無貧富相耀之患意攘奪刻剝之習必不至如後世之甚宜無事多爲制防而先王體國經野於治教政刑之外杜其冒濫斤斤焉若不可須臾弛豈不以耳目口體之欲其納人於邪也甚微至於決裂潰敗不可糾禁則釀爲人心風俗之害也又甚鉅而非可一日理者哉今之爲吏者非異於古所云也未官而試之已官而課之其責以六事也綱領由舊條目較繁其弊也徒爲文具無裨於計斷之實則風俗之所由頽人心之所由靡有自來矣徵科勞而非爲國計之贏絀撫字拙而瞠目閭閻之困敝則非善也侵蝕多與國爲耗蠹加派急與民相水火則非能也權私家多少之計忘朝廷刑賞之嚴則非敬也民皆以父母相目身自與俎儻爲伍則非正也苟免於刑辟而不知懼日尋於禍譴而不知防則非法也其走利也日益精其奉職也日益舛則

非辨也且不盡此也語曰富與貴人之所欲不以道則不處此取舍之大防也論定後官於道匪悖然爵有次祿有差尊者祿厚卑者俸薄苟欲充其所求之大欲計惟日競於功名之途自彊於職業之理職舉則功積業修則名達雖位極台棟家累鼎裊亦無慙焉今之人則不然一行作吏行誼無聞民人社稷略不置念金玉錦繡宵夜在心垂橐而往捆載而歸豁壑可盈志欲難饜其極也班崇三事心豔守宰歲入果厚似不惜左降以從之卽或偶挂吏議鞶帶驟褫苟囊藏無恙棄如敝屣嗟夫坐陶朱猗頓於堂皇之上而管晏蕭曹不恡爲走卒焉其可慨也夫其可怪也夫然則爲吏當何如曰廉而已矣善能敬正法辨苟能兼之善吏也雖不能然亦不至下廁於不肖况夫心清則理得理得則識明簡而易治可優游以布之卽遇煩劇而鈍者漸敏柔者漸剛亦未見利刃之折於盤錯也育生大令由庶常改知縣

謁選得陝西之甘泉其赴官也索一言以爲贈愚自維學不通古今又未嘗一日爲外吏甘泉在秦之北鄙平生足跡之所未涉人情土俗井邑疆里難可臆決徒以勤慎爲勸戒之訓則泛而不切於實用因卽平昔之所感憤於胸臆而悲夫人心風俗之日非者藉周禮之六計以發之育生勉乎哉毋徇於俗毋汨於私人之於利也若性命然然或不沒其身或禍其子孫水火盜賊皆與爲難吾未見有一人能久享者育生勉乎哉若夫農桑獄訟招徠撫字古有遺法今有令甲在自課而已

送張瀚臣比部入都序

國家設六部以經綜天下事而刑部爲最劇笞杖之刑有司得專之自徒流以上非部議雖大吏莫得而擅焉都四海人民之死生流宥舉出入於數十曹郎之手不其難歟尙書曰刑

期無刑辟以止辟此依古帝王制刑之意也今之讞獄者或不然凶強殘暴之徒鬥狠爭忿
挾刀杖以傷人或至劫盜丐奪百十成羣縱橫道路莫敢誰何偶一弋獲而救生不救死之
說橫結於胸中殺人者曰情實可矜劫人者曰飢寒所迫竄改親供掩沒傷格及文狀咨部
其事實十無二三此何爲者耶書曰罪疑惟輕豈不疑而以惟輕耶吾見天下之坐堂皇者
皆善人而天下之行市塗者將無良人矣然此非曹郎之事也曹郎者守令格精稽比哀矜
折獄平亭疑法勿枉勿縱盡吾心之所爲不忍者而已矣雖然曹郎之難非必公家之事之
爲難也夫具其冠帶車馬朝往暮歸治簿書理職業者部屬之事也而人才有能否奔奏有
勤惰遷擢差使之等差於是乎判焉然而夤緣干進梯榮階寵紛紛藉藉億衆同趨廉恥道
消覲不爲怪而廉隅強正之士如坐深井觀白日將終身無自見之期此愚所以寂寂而處

落落而歸老死空山而不悔者也然而有義命焉行義則不廢吾職安命則不墮吾守不素餐者力之已不濩落者聽之天按轡而行遵軌而馳跬步不休亦不冀跛鼈之能千里也如此亦庶幾乎窮而不以爲憂通而不以爲媿者歟門人張瀚臣新官刑曹將入都以贈行之言請愚恐其棄官守而驚早達也故略言職之難稱與身事之不可苟者以勗之

丁體常重修關帝廟碑記

州五城關帝廟蓋十餘獨在東關者爲春秋祠祭之所考舊碣廟在東關之東南隅創始於元天歷二年重修於明永樂甲午落成於宣德甲寅後復修於天順庚辰逮國初知州姜光允改建於街衢中間之北卽今廟也工未歲而遷去至康熙二十二年分守隴右道耿繼先嗣成之樂樓則始於康熙十五年乾隆五十七年知州齊佳士道光八年知州李清傑復增

修至今殆五十餘年矣榱桷朽蠹丹碧剝落不有以繼續而修飾之將何以安神靈然則支柱梁棟墁圻壁砌此後人之責也前己丑歲巡道姚協贊諭紳士鳩貲庀工工甫始而承事者病故遂停工年餘今年知州張珩屬在籍吏部主事蘇君統武總其成勸分督視擇人士之賢者分任焉樓殿門廡無改前規經始於己丑之春落成於壬辰之秋凡材木甍埴繪畫之屬共用緡若干工將竣州人請記其事余維帝威猛雄壯華夏懾竦浩然正氣凌蓋萬世間闕險難竭忠季漢自漢暨明易侯而王迄我朝首更舊諡封號疊加至十餘字是維大神福佑我民况茲天水舊郡地大物衆尤號名疆其爲廟貌也宜乎敞爽而堂皇余來巡茲土已三年矣嘉官紳士民之敬於神而可以獲祐也故樂爲之記更告嗣世之君子有以成後觀而無廢前績焉

重修文昌宮記

朝廷甄明祀典勿廢勿越自天地社稷日月星辰風雷雲雨川瀆喬嶽餘及歷代帝王弼臣亮佐莫不禮饗其神靈而答報夫本始或於壇壝或於其建號降神之地其籩豆鉶鼎牲牲粢盛之數各以秩爲隆殺上祀中祀下祀有司者奉而行之雖離如也文昌本天星考星經則司下人之祿命嘉慶壬戌有旨直省府州縣各建立文昌宮春秋致祭列爲中祀如孔聖咸豐中又於二月初三日加祭一牲牢如正祀然則奉行典禮敬共明神宜何如肅虔而後可秦州文昌閣非一處其春秋享祭之所則在東關關帝廟之東其創建無可考嘉慶九年
前知州神木王賜均拓而大之正殿三楹前饗殿三楹後殿三楹前後東西廡各三楹重門三楹大門三楹門外綽楔一自嘉慶甲子至今將及百年雖藝棟端巖如故而扂栴間有頽

三才圖會卷之二十一 雜考 二二二
敗光緒己丑歲議重修關帝廟遂並飭材焉朽者移之摧者支之梁柱甃石丹青黝堊規制如故而新舊改觀焉其經始告成月日一如關帝廟工將成因並記其始末且以謹後之官吏士民有以謹典守而迓神庥焉

吳西川名賢會序

好名而後賢其賢非真不賢而得名其名不遠孔子曰見賢思齊焉非以市名也又曰君子疾沒世而名不稱焉還以策賢也玉泉之山有祠焉而題曰名賢奚爲者人有會於祠者焉而號曰名賢又奚爲者往者蒞裳宋公賢者也來巡吾秦有惠政士民愛之建生祠焉將以名公也公曰咄盛名之下其實難副琬不賢其何以堪之乃肖唐李青蓮杜少陵像其中歲時合祀祀焉名賢宋勝也今宋公之去且二百年矣秦之人傳公名頌公之賢者嘖嘖於口

名不名賢不賢不係之乎祠也亦諒矣哉彼李杜者異代通播臣耳雖或籍於斯或羈於斯
要非能有功德以及於斯之士庶者也無端而建之祠肖之像歆之以俎豆豈不詭哉薦紳
先生乃復於重陽之日糾合朋儕楚楚焉具衣冠而拜之奉馨香而薦之猶低徊不忍去爲
流連且竟日抑又何耶得非讀其詩想見其爲人有所動於中而不能自己耶西川曰嗚呼
以李杜之賢乃得僅僅以詩名後世悲矣使其遭逢明聖感會風雲勿復遭讒被謗以抵斥
逐得盡其賢之用以輔唐天子名當更偉矣甯止此乎顧不能然乃獨羈身海角落魄天涯
忠君愛國之忱曲盤鬱結於其胸中而無所發乃一以於詩信可憐也豈復計後之人之名
之哉今諸君子誠喜以身後之名欲繼軌於古之賢者則孔子之書具在讀焉精察而力行
之人皆可以爲堯舜也在上者必有以知子之足用俾得立名以垂不朽彼李杜者詎足羨

哉故斯祠可名名賢斯會亦可名名賢也皆曰諾乃書

孝經字解粗說題詞

人之道曰仁與義而義不先仁仁之本曰孝與弟而弟不先孝故孝者百行之原也我夫子言孝屢矣顧其文之見於論語者因問而答率道以其人之所未至思以補其偏而救其弊至於分別等差立之標準秩然燦然麟麟炳炳以昭天下萬世之爲人子者其在孝經乎孝經與尙書均有古今文其出自顏芝而文景時置博士者今文也爲章十有八出於孔壁而三者獻之昭帝者古文也爲章二十有二由是訓詁諸家是今則非古信古則疑今辨論紛紜遂成聚訟且有疑其非孔氏書而爲後人僞作者然校古今文之增減詳略率不過數字其章目多少除古文多闡門一章外餘亦祇分合互異非有逕庭也唐明皇作制旨用司馬

貞議削闡門一章以十八章爲定卽石臺孝經也宋刑昺等正義因之至考亭乃以古七章
今六章以前合爲一章而刪去子曰二引詩二凡六十有一字冠於篇爲經以後爲傳於傳
又刪先王見教以下字六十有七以順則逆以下字九十餘從古文名刊誤刪定古經始自
朱子此後學所不敢仿效而亦不敢擬議者也順治朝因石臺本作爲御注說斯經者於是
乎得津梁而識指歸矣西每念衆之本教不易之常道曰經營欲纂輯訓解爲子弟訂一讀
本願以生晚獨學不獲就正於名儒碩士兼之荒陬僻壤卽向來講解諸家足考證此經之
義旨者亦未數數觀遂用蹉跎卒不克果友生王子守貞內行克敦積學不怠讀是經而有
所得也乃錄石臺本文而以古文之分合增減分注各節之下逐字級以訓故逐章詳爲詮
釋名曰字解粗說通爲壹弱以書來道其所作之大意而問序焉於庠六經者道德之淵海

孝經者衆經之軌矚也治經之士不斯之先而胡先哉若王子者博觀約取不泛驚爲淹通立說著書猶以傳疑昭敬慎謂非經生家真知輕重者耶異日取其書以授子弟俾咸童而習之漸而通之培其本善之性格其相遠之習庶獲免於飽食終日無所用心與夫誇多鬪靡汎濫而無常也與西既樂其有志於藝倫之大而尤喜其先得我心也輒書數言以報之

趙時熙重修秦州東關城記

城郭所以衛民也然爲之於無事之時與有事而倉皇苟且以爲之則情事異而工窳亦殊此曲突徙薪之說也秦州城晉以前無可考據後魏書侯莫陳悅暨後周書李弼傳則東西各一城酈道元水經注云兩城之間濛水流其中上有橋則今之城爲東城其西城則今之西關也然則東關城之創於何時仍無可考焉或曰宋韓魏公知秦州與西關城小西關城

同築此父老傳聞之說於史弗徵可勿論惟自國朝以來遞有興築近人所知則嘉慶時州舉人閻德道光戊戌知州事會稽邵煜同治壬戌知州事滿洲托克清阿光緒初署秦州游擊李良謀皆葺治焉然版幹削度草草焉其爲場損者如故聞今制軍陶知此州時欲卜工因卸事而止乙未河州回變作前巡道丁欲卜工因費缺而止己亥春前署秦州事無錫朱統奉制府檄令籌款興工適歲歉議以工代賑時值更換水磨牙帖遂請於制府取藩司州署書吏所舊得規費悉數以飲土工而制軍陶升任廣東藩司丁署州朱知州事張各捐廉以襄其事余亦薄有所助焉顧城大而圯葺事爲難又請於制府凡所不足由釐金局暫假檄秦州計歲攤補而大工始得以藉手經始於己亥二月落成庚子六月其增高者十之二培厚者十之七東舊一門今重焉更房計若干輪廓一因舊址毋減毋縮垣墉直豎埤堦高

峙巖之苦傾坳者今於諸關城獨雄厚焉凡土木金石之工若干僱夫若干費緡錢一萬幾千有奇夫此城也西連官城東北枕濠水南臨藉水間以磨渠天然壕塹固易守也而歷代以來各城皆漸次修理而此獨闕然豈不以人稀而貧創事爲難則其藉力於官也固宜顧官輒數年一易居民則室廬在此長子孫焉貨不可強力則易出自今以後有罅則補有漏則塞水潦不時勿怠而委官斯土者雖不敢永以爲恩吾民則庶幾有桑土牖戶之風也夫

清修政捐文童州試印卷小費自記

人情各子其子僕豈老諄不念哉顧涼德乏嗣卽養他姓子亦殤爲之奈何因思幼孤家貧州考時印卷小費無出幸蒙鄉賢雲卿張老先生資助俾得覆試終場時值軍興學憲不臨厥後疊次州考資助無人蓋已艱苦備嘗矣今作此舉在素封之家固無需此然豈無艱苦

如僕者且素封者並省此小費亦有益無損何憚而不爲况鄉會試均有賓興公款而州考獨無亦屬缺典乎嗟嗟使僕以前不就教職己丑科業挑一等出任知縣廉俸較多所捐之數當不止此無如不諳宦途妄就廣文照例凡就教者不得用知縣而使容鄭二王攢眉太息復改一等以教職用嗚呼豈非命耶捐此區區又豈有素志哉獨幸所捐之數俱係每年薪俸所積入之公家用之公家亦固其所設使係儻來不但諸君唾棄不屑僕先以盜泉之水視之矣抑有爲僕謀者曰君以俸滿無過可記若以此銀捐推升註部選一二年內縣缺可補僕曰此乃少年時事惜今已老矣且僕有知縣命當初卽不就教尙待今日耶况捐官虛而無憑僕將爲實而有據者捐官有益於己僕將爲有益於人者因書其顛末如右

張珩敕建陶勤肅公專祠碑



光緒二十八年，前升州秀水陶公模以粵督致仕，終於海南行館，訃音逾隴。若士大夫若農若工商，靡不潛然涕遺，愛也。閏明年，閩省耆紳聯名籲請，建立專祠，奏甫入秦，之人僉欲私公於州，爰闢三台寺之南隅隙地，凹者築凸者削，登登憑憑楹之庭之，噦噦噲噲其冥其正，將以爲春秋報祀之所。程工未竣，得旨俞允商之紳庶，則以爲連歲歉登，土木繁滋，弗可以重累吾民也。遂因所創而宏其規制，爲庶朝廷崇德報功之典，與閭閻戴仁慕義之忱，有交相爲美者乎。憶公去十餘年，而余始至，迄今又十餘年矣。當時駕竹之兒童，臥轍攀轅之翁媪，其存者謳吟慕思，想與頌說德政，尙如公坐堂皇，決事景象。今又廟貌而像設之，俾後生孺子，俎豆焉馨，香焉禮，意勤渠更過於高曾祖父時，非公之盛業有所膠固於斯人之心者，而能然歟。夫世之學仕者，動以清慎勤爲官箴，常語然克，既其實者，實鮮秦州固饒富時。

人所目爲第一優缺者公爲政三載不以妻孥自隨廉俸所入悉以奉公凡益民事百廢俱舉其築繕水呂二溝堤至親暴軒蓋於烈風酷日之中而政之大者則在振饑一事秦州萬戶蠶連加以關輔流亡鬻至鱗集銀之兩糧之石費均以萬計一不假手吏胥擇城鄉士人之愿謹者司之規章秩然費無浮靡而民無餓孥至今父老言之多有感頌而流涕者嗚呼他人有一於此目循良矣况公之兼清慎勤三者而綽綽者耶他若清訟牘省規費懲奸猾恤營墜端士習其始所以與民休息終所以輯美風俗者大抵察敏精力如黃霸而不苛細平正無私如朱邑而不寒儉拊循安和如兒寬而不濡懦操制英發如趙廣漢而不輕急故當時父老閱好官多乃觀公政之成則扶杖而歎曰古未有也漢元始四年詔祀百辟卿士有益於民者蜀以文翁九江以召信臣如公者其胥蟹千秋證美前賢矣祠基正對呂二溝

隄公手築也隄之上萬柳參天其甘棠之蔽芾乎噫嘻秦民之思公如周人之思召公焉余不敏繼公之治謹守勿敢踰茲又幸襄成公祠勒其大端於貞珉爲來政勸也至於猷績之觀縷匠氏之制度則有紳民紀事在不贅書云

重建玉泉觀各工程記

秦之鎮山曰邽迤西之支方言中梁挾六七十里厚盛葱鬱之勢陂陀蜿蜒起伏曼衍奔注於城之西北隅惟玉泉觀轟然楮柱於其下則夫殿閣巍峨臺榭參錯其孕秀而窟仙者不攬全州之盛概歟竊以天水名郡人文蔚起自漢繼今萬室聯甍旣豐且庶屹然爲隴右一大都會藉不有洞天名勝蓄洩厚坤之氣以昭奠神天愉快觀游者其於地靈豈曰無憾則州之有斯觀也亦固其所觀之正殿權輿於元真人梁志通他祠則不概可考焉然斷崖烟

雨老柏蒼藤叟皆千餘年物蓋州人飫雲物之和介石享之福者亦已久矣嗽而不修將有棟翹礎侈之慮者紳謀所以新之爰捐廉先導并募飲城郊信善以歲大工經營之始則昇仙橋直西則靈官殿折而北則通仙橋北級石梯者再則玉皇閣卽正殿也閣西則草堂改作軒窗設唐杜子美畫像焉憑高遠眺始足觴咏之勝堂西則倉頡宮門右增兩檻階下則玉泉舊有亭廢今復之宮內南折而上則神仙洞宮外南折而下則雲陽洞洞南數十武有亭環矚琳宮俯瞰青郊故曰明眼易庠隘而爽境之最爲稠人所聚矣他非匠氏之所經不覩縷焉憶余咸豐年間差次於秦久久今來作牧又踰十稔宦遊五十載獨於此邦結一段香火因緣則有其舉之曷敢或廢雖然余意又豈區區飾名山以侈游讌已哉觀之地稍凹溪谷迴邇喬柯聳峙宜若幽翳無見者然然凭欄放目意氣飄飄空闊山川城郭東西百餘

里村疇草木紫翠明闊景態萬狀可一覽而盡也後之任斯政者鳴琴餘暇攜朋選勝宣導滯壅日農事之豐歉權民物之息耗則利用厚生之道或於是出以補余闕有餘望焉開工於壬寅之夏訖工於癸卯之秋是役也雨暘應時耆穉悅愉故樂爲之記

重修南郭寺碑

余蒞此邦逾十年其寺觀之秩在祀典與夫號名勝資游觀者以次舉修覽者咸快今春之仲士紳等稟請募修南郭寺之靈湫殿聖母宮關帝廟予喜其心之誠舉千百年之靈跡勝地從新補構亦一時勝事且靈湫者旱則溢澇則減天偶旱余虔誠往禱甘澍立應予與州之人霑神恩者至深且溥乃出俸錢爲倡而令諸紳任勸募速興作六月下旬靈湫殿聖母宮關帝廟落成予往觀之氣象莊嚴頗不草草然大佛殿山門庠隘南北東各佛殿丹青剝

落其西之睡佛殿年久失修幾不庇風雨亟屬督工舉人周務學武生王仲德及陳獻賡續成之以臻完美佛殿之東偏舊爲禪院住僧中絕屋亦傾頽遂改建爲杜工部祠祠之東偏建一軒曰午蔭以府碑碣有尤愛舊題額懸焉是役也起工於季夏之月告竣於仲冬之月共重建廟宇七十餘間新建廟宇六十餘間費錢三千數百緡其勸募勤力者周務學黃國珍等

周務學任士言先生祠記

名宦鄉賢祀典均重癸卯冬於陶勤肅公祠之南立室三楹祀士言任先生像南置小亭以府碑碣其北舍與勤肅祠共先生幼清貧苦學不倦及進士第供職戶部由山東司幫稿洊進主稿同治癸酉奉母回籍董研樵觀察延請主講隴南書院教士于有法於括帖中特勉

以崇實學敦品節一時士習咸趨於正其捷南宮入詞林者文藝俱優而器識亦爲時所重豈非教澤之所及者遠歟勤肅牧秦時與先生最契及督甘先生謁之與勤肅並坐爲小照今勤肅祠告竣而先生之祠亦成似亦有天焉何前後之不謀而合也吾秦雖鄙處一隅名宦鄉賢代有偉人然自乾嘉至今牧民者以勤肅爲最而鄉先生之崇實學抑浮靡其道德文章足以爲師表而挽頽風者則先生一人而已詩曰高山仰止景行行止雖不能至然心嚮往之迹先生之爲人與其所學與勤肅並存可也嗚呼先生往矣而先生之澤尙在人間先生生辰沒忌吾儕香火致奠因敬生慕則居鄉知以先生爲法異日偶膺一官庶幾建計決疑確有把握卽經挫折不失所守安知功業赫赫不遠過乎勤肅歟先生及公亦且顧而樂之爰敘其立祠大意如此至先生躬行及所著述已見墓表及史傳不復贅云

公請張得五先生崇祀鄉賢呈

具公呈 等爲呈請崇祀鄉賢事竊以爲坊爲表闈左奉鄉望作師立德立功朝右以褒揚成教所以儒修純粹彼先達旣不愧斗山里社馨香在後學宜稍伸景仰緣已故陝西候補直隸州知州試用知縣咸豐己未恩科舉人張思毅丁年積學子舍傳經早擢秀於芹宮旋蜚英於桂苑方圭圓璧自勵學植之精美玉良金不獨天姿之粹喪二親於弱歲常懷刻木血誠事諸父如所生不減溫席至性效花萼之長枕怡怡弟昆慶椒聊之盈升彬彬子姓化成孝友依然百忍堂開人篤性情何難九世居合蓋由修之家者旣人言之不間故推諸世者皆厚德之可風聯厚誼於收族敬宗敦仁蘇譜宏大惠於解衣推食屢贈范袍杜少陵廈廣千間庇孤寒者唯量黃叔度波涵千頃薰良善者清風泊乎嚴甲保於城防恤丁夫於糧

運力救梓桑塗炭登衽席於烽火之中更宏桃李栽培興庠校於兵戈之後習以教溥以利
盛科名者四十年食其德飲其和樂尸祝者千萬戶修聖宮之俎豆文教同興樹義壟之松
楸枯骨被澤以故廉公日著入官場而製錦無慚案牘山堆判民情而操刀自裕人稱佛子
成政譜於漢南酌戒貪泉留循聲於陝右凡茲才品之優信徵衆口允孚儒林之望論定多
年等社共粉榆望欽模楷耳聞目見自係公論咸同實至名歸敢云私阿所好所有請將
故紳崇祀鄉賢緣由理合繕具事實清冊敬祈查明轉詳

謹案此呈上於宣統三年由州轉省由司詳院遷延之久時變驟起自爾消沉僅存此
呈使後之學者知儒林中尙有此一段軼事也

安維峻復姚馨圃觀察書

四月十八日接奉手書知前布燕函已邀青覽幽風廣義一書蒙允翻刻欽感莫名伏維前輩秉文履實酌古蹈今名行志業卓然時望德聲隆隆不翼以飛叨荷併幪敢忘企躍侍循供職五載於茲春間以御史註籍雖傳補尙需月日而名實難副兢惕茲深計他日得補外任藉可養親區區之願如斯已足蠶桑本務爲利大而收效遲早在前輩明鑒之中况敝鄉風土民情儉固有之懶亦甚焉然利之所在民必趨之特無人導其先路耳誠得二三賢牧令躬親獎勵示以種植之方破其迂拘之見或於種桑之戶復其差徭豁免雜派行之三年當有成效可觀來函於四月二十日轉呈朝邑相國閱覽竟稱善者再侍謂如掣肘何相國言卽我今日何事不掣肘其謂道員非辦事之人信然然非留心政務者亦不肯爲此言侍問辦法如何則謂幽風廣義言之詳矣要在因地而爲之因時而爲之田多之家公出一二

畝樹桑其餘田畔及場圃隙地皆可種植既無曠土兼備藩籬此因地之說春植冬斬次年叢生及冬又斬再叢生便成林矣取葉飼蠶取條爲筐箕之具榆粉等木並可以接果之法行之蠶種欲令遲出則置陰寒之地俟桑生葉移置煖室或覆以棉卽生出矣可破蠶早桑遲之惑此因時之說二者之外又有因人之說關西民男耕而婦不織無衣終歲號寒近雖有棉之利然紡織者不過十之二三養蠶之戶盡望其縲絲織紕此又難矣有鬻繭之戶有買絲之戶有力者方依法織造或初由官設局收買俟有銷路再行停撤待謂價昂則損官價低則病民必如何而後可相國言是在因時制宜非可臆斷且說勸種之方如上司於州縣除徵捕外以勸種之多寡爲殿最州縣於種桑之戶獎以花紅榜爲勸民輕騎減從不時躬詣村社呼耆老而教告之如是而不勸者未之有也言訖屬侍轉爲布聞可否採擇之處

伏候鈞裁

宋臣張俊不宜列傳論通志稿

按通鑑輯覽紹興二十四年秋八月書張俊卒削其官分注俊握兵最早屢立戰功帝於諸將中眷注特厚然忌劉錡附秦檜殺岳飛爲世所鄙薄焉竊以爲檜之殺飛俊實與其謀雖磔俊於市不足以洩古今之憤若云戰功則又無一可徵信者考之史建炎四年金人攻明州俊帥師遁越九日金師入城屠其民九月金人圍楚州趙鼎欲遣俊往之俊辭不行紹興六年二月韓世忠圍淮陽烏珠與劉猷皆引兵至世忠求援於俊俊不從十月劉麟入寇俊又張大賊勢以聞七年冬俊棄盱眙奔建康十年宿州亳州以次平王德請俊乘勝進取俊不從而還十一年烏珠趨歷陽俊欲棄淮不守分軍以駐南岸經王德諫而止及劉錡遇金

兵戰屢捷夾石梁河而陣遣人會合俊師及他軍翌日諸將俱至俊獨後期已而濠州陷或言敵兵已去劉錡謂當嚴兵以備俊不聽而欲自以爲功且阻錡勿往遂致沂中等遇伏軍潰死傷枕藉又信諜者之妄入劉錡軍遽言曰敵兵已至幸錡節制之師不爲所搖若他軍則驚潰矣是俊惟怯無能又復鬼蜮多忌已可概見至其戰高橋也則因髡將軍其敗李成也則因岳忠武其復宿州戰利州也則皆因王夜叉苗劉之平韓世忠力也而俊分其功鐵山之號按之情事亦是盜竊虛聲當時無識之徒數將才者曰張韓劉岳後世易之曰宗岳韓劉而以光世之劉爲劉錡之劉洵哉不刊之論或以附檜殺飛謂他人如万俟卨輩無足深論獨惜以循王之功烈而亦出此則大節之玷也豈知其陰賊險狠之心與善類爲讎殺飛特其荼毒之見端耳夫助賊臣害忠良以快敵心而惑國祚此天理所不容王法所不赦

而宋高始終厚眷之真是拂人之性然自宋迄今雖婦孺之愚聞附檜殺飛事無不切齒痛恨乃舊通志及秦州新志俱以俊列入人物若耳食戰功之說存之爲秦光者噫惑矣茲徑削之爲黨奸賊忠者戒

雪鴻瑣錄序

黼臣明經雪鴻瑣錄一編記鄉人殉難之慘與其長老居鄉義舉蓋將表忠魂於既往發潛德之幽光所以爲世道人心計者至深遠也嗟乎義理不明風俗頹敝世之爲士者工帖括以弋科名一旦出膺民社率碌碌無所短長臨難則計較偏明往往棄所守之城與所治之民而走其以他途進者更勿論已而鄉閭之築堵自衛仗義殺賊卒之糜項踵捐妻子死而不悔者乃在二三諸生與夫恂謹力農之輩豈非天地之正氣剛大而不可屈也哉至當時

號稱官兵列營數十里日競聲伎坐視鄉民之死而不救彼其將若弁則固寇盜之尤無庸深責者矣惟是逆回之變吾秦之捐軀赴義者何可勝道惜不得如錄中諸人經黼臣之表揚而傳不能無文獻不足之慨若衡山公之捐資成橋又足為世之鄙吝者風夫變則殺身以成仁常則輕財而好義仁義之道著風俗其猶未敞乎是黼臣合錄之微意也夫

丁錫奎秦安縣西北山水總記 此修秦州新志時錫奎為採訪所記

縣西北山皆出通渭馬營隘之禪牧山此山聳峙雄奇橫梗數百里上銜興龍 在金縣俗名馬翰山 下奔

玉狼為秦通鄰境諸山之祖中分二支直下南支由通渭縣西南諸山迤東至仙人岔入縣

境曰大南岔小南岔又迤東而南二十里至白鶴鎮之北山 其南有二黑石大可四圍高約丈許聳然拱立如柱俗名黑石頭鎮 南即

六曼山 俯神泊川 又南為珂樓山 其山三脊相倚如珂如樓一赴碧玉下關二閣何家之南山一赴蓼中川之岐口一赴神泊川之東北山 北支由通渭治北玉狼

山元末有白狼梗此故名其山盤曲多歧路俗名六路山劈分三支一出通渭峽口馬駱山之西俗名高高山俯吳川一出通屬隴陽鎮

西山迤南二十里至丁家河入縣境又南十五里曰牛駱山俗名牛駱川又南五里至碧玉鎮上關

止俗名太平山一出隴陽鎮迤東二十里為高山鎮渭志作高山俗名黃家驛縣志作皋山皋山劈分三大支一

支迤南直下為神仙嶺按通渭志唐秦系避亂穴居此山石峯採藥修煉注老子以此稱為秦仙鎮二十里至家豁峴入縣境西俗錦布岔有路焉由通

渭以達於蘭州會城迤西為紅羅山為翦金岔皆其小分支也南十里至朱家坡頭稍東即蒲家岔之獨

秀峯又迤東為陳牛家川之老君廟山抱雞川古城其山尖峻疑古稱雞山者或即此山南十里為王家鋪梁迤

東南五十里至寺嘴為四癸山疑即寺嘴二字音訛俗呼大神仙中四十里至郭嘉鎮俗呼二神仙迤西

三十里至邵家嘴俗呼三神仙由仙嶺迤東分小支曰八龍山俗名八龍城迤東南為金堆坪俗名元川迤

東為良椽坪疑梁家坪音訛迤西為水峽為車駕坪疑家坪二字訛為竹林峪為龍柏峽有龍柏寺此皆

在顯親川西北者也由王家舖西二十里曰太平鎮俗名郭家集南分一支曰晶光鎮地界通伏今興隆鎮俗亦名晶

光去此甚遠至十字八條路出郭嘉鎮南為雲台山為隴紫嶺迤東南曰磨山有馬頰古關遺址附

關門溝為泉龍山俗稱雲有元武廟下為撒鉢

溝有撒鉢寺迤北為東龍峪為觀耳峽渭志作鑿兒峽似優為花玉溝有永甯橋久廢有古關遺址佚其名

由雲霧山繞縣治西南曰單于山迤東曰夕山其形似蓋亦名寶蓋山此皆在顯親川西南

者也其曲折盤複亦與神仙嶺相連而直通皋山皋山中分一支由姚家局迤南三十里

至丁家店為象頭山俯仁壽川有仁壽橋又南十里至通屬許家堡止俗名城牆外皋山最東一支由南岔

梁迤東南南三十里至通屬高廟山南即斗底山此山旁支分赴通靜屬地惟中支迤南直

遞三十里至魏家店之北山俯微閣水又迤東一十里至梨樹梁又迤南二十里為陽極山俯伏

家川

舊志作符川

下爲錦帶峽對峙爲錦帶山隔隴河南片

統計縣西北諸山起自通渭禪牧繁迴環互至通渭縣治川西南則由鳳凰龍坡諸山蜿蜒而下東北則由玉狼艾蒿諸峯岔壘而來訖符川陽兀川與縣城西之賒糜川止雖巖壑萬轉因地異名奔騰離奇猝難指狀要皆發源所萃一脈貫注而左有雞川右有吳川前有隴河後有顯親諸水橫插其間故其斷續起伏參差出沒之不齊者有如右

縣西北諸山分記

西三里爲夕山以夕照掩映得其名其形似蓋亦曰寶蓋山有路焉逕伏羌以達鞏岷迤南爲單于山其山對峙縣前隴河之陽若屏若阜

西三十里為墨土岡俗名雲霧山有元武廟下為撒鉢溝有撒鉢寺迤西南為白草原為赤

石溝迤西北為東龍峪為觀耳峽潤志作鑛兒峽為花玉構有永甯橋廢有古關遺址佚其名

西北二十里為黑龍山盤於陽兀川瞰銷峽下為禾稼坪疑是何家坪有仄駕寺西北三十里曰磨山俯馬頰溝亦曰關門

滯有古關遺址佚其名二十五里為曜紫嶺日出照曜晴色鮮紫四十里為雲台山亦有元武廟

北三十里曰陽極山附安伏川迤西為野雞坡俯陽兀川迤西北為拔步坡俯元川

西北四十里為四癸山迤西為神仙嶺自寺嘴以至碧玉關沿嶺低昂約六十里有路焉逕

通渭以達蘭涼迤西北為牛駱山為翦金岔俗呼樺木岔俯碧玉關迤東為獨秀峯俯蒲家岔為象頭山俯丁家店

為雞鳴山有老君廟俯鷄川古城下有興國寺西北五十里曰小神仙嶺其長亞神仙嶺而勢若並馳迤西為水家峽為車

家坪為竹林峪為龍柏峽有龍柏寺

西北六十里曰八龍山八阜迴合猶龍迤東爲業鹽坡居人掘土煮鹽以佐食而鹽亦不廣

迤東南爲金堆坪俯陽元川梁家坪俯儼關川

西北九十里曰珂瓊山其山三脊相倚如珂如瓊俯黎中川迤西北爲六舅山俯神泊川下有法海寺迤

東北爲仙人岔俯吳川

以上各條多本胡可泉舊志而參以劉氏續書間有身親見聞確切不疑者亦略出管見以

附之留正高明以供採擇

鷄川水考 舊志以此名顯親水以其投顯親川也今考通渭志及父老相傳並佐以雞川古城遺址此水所出所經皆古雞川地似宜名雞川水其由郭嘉鎮來會者當始是顯親水不揣固陋擬更正之

鷄川水源二一出南岔梁一出高廟山麓皆係皋山偏支分流十餘里至圓通寺溝門而合

上皆通地又南十餘里經丁家店仁壽川又南十里至古雞川縣北一水自興隆鎮來會此水亦

二源一出皋山偏支姚家局分流十餘里至亂神廟而合上皆通地南二里經興隆鎮入縣境又

南二十里至古雞川縣北與前水會併流南五里經雞川古城東南隅一水自雷家店經上寨溝南流又一水自郭家岔經

蒲家岔北流合汊之又南十里經通屬鐵櫃堡乃東折十里經魏家店曰神川又東十里經楊家關曰

儼閣川得南北各谷小水分注之此水遂大又東二十里經姪家峽八龍溝水自西注之遂南折又南經朱家峽高家峽雞鶯坡業鹽坡二水自東

注又南曰元川又西南經槐樹廟東有古槐二高聳無枝道光中里人建文昌閣於其上又南則郭嘉鎮水來會此水宜名

顯親川水自姪家峽至此約三十里許

顯親川水亦二源皆出神仙嶺一經郭嘉鎮西南一經鎮東南經西南者又得竹林峪水

夾峽車家坪邵家灣潑龍湫水合流而東與經東南者會水至是始與雞川水亞又東經寺嘴東得馬

頰溝水又東至陽兀川即古顯親川也與雞川水會川西有四泉曰暖泉曰陽泉曰螺泉曰時泉

相去十餘里皆冬溫夏涼川水又東經成紀故縣南周時縣又東經顯親故縣南漢侯國魏晉以後縣東

入於隴

吳川水考

按劉德熙秦安志名此水雞川誤矣雞川古城在神仙嶺之東此水在西嶺橫梗斷絕不相蒙此水起華川投安遠川然皆通地胡氏志以其始人縣境為吳川因名吳川似可從竊更正之

吳川水源出自通渭馬營隘之禪牧山曰華川東行六十里至通渭治川渭志名北南各谷

西河水

水分注之又東十餘里至吳川入縣境又東十餘里經碧玉鎮為新城川胡氏志曰關川一

水自西北注之此水出牛口峴經牛駱川或即古稱牛谷水者是已劉志則即以吳川水當

之尙嫌未核

牛谷水出二源一出皋山腦穴牛口峴由通屬隴陽鎮南流入縣境經丁家河三十里出李

家川口一出皋山西掖下海子川所謂平地數畝泉數十道滂其中混如源海者是也但劉志謂顯親川水所出誤矣由西北谷迂道環流轉

折而南經何買家門入縣境三十里亦出李家川口與前水會又南五里經牛駱川劉金盆水西流注之

又南五里經碧玉鎮上關入吳川水併折東流至碧玉下關錦布盆水西流注之又南折十里經蓼中川

買家盆水西流注之又西折十餘里經神泊川有法海寺規模頗壯創造不知何時國初王氏捐巨資重修今碑記尙存又西出白鶴鎮又西南

五十里過安遠雙古城地屬通渭渭志載有明人題詠抵伏羌境入渭縣水多入隴人謂者惟此水通渭即以此水得名

雞川古城考縣西北諸水存查

雞川古城一作吉川在今魏家店西北碧玉鎮東南均近三十里而碧玉鎮則隔神仙嶺其城西

跨山其山尖峻秀拔疑即古雞鳴山上有老君廟東抱水北臨平原東南俯陳家河牛家店兩村外仍環以水四圍

遺址及北城外闕曲尙存城之大尙遜秦安內城城內有寺曰興國在城西安老君廟山下舊有碑有鐘

今碑廢鐘存鐘大四圍聲聞二十里外其上鑄有渭志金建雞川遺寺明洪武二年城廢寺

久日頽像址尙存傳名興國崇禎三年庚午劉捷祖等重修云云等字按秦安志云宋崇元縣明爲鎮久廢父老亦云或謂土人握得石刻亦係元時惜破碎無存老君廟山半有掘壕深丈餘或元明時攻城禦戰之所爲俗謂劉伯溫訪龍穴斬截風水以壓除非常今通渭猶名雞川里諺云七十里雞川計自孫家磨至重閣鋪川恰七十里但今犬牙攙錯互屬秦通城內及東南隅屬縣出北門卽通地而所居秦民

有故進士李刺史宅
其族姻依居十餘家 名李家坪總之其地在神仙嶺東魏家店同川而碧玉蓼中各川在嶺西劉氏舊水志不知嶺橫隔斷輒誤附古城於蓼中川神泊川下故謬指吳川水爲雞川而於真正雞川無可指名遂取下流入隴之顯親川倒施之豈知天下山水因地更名雞川水曲折百里必待至顯親而始名將天下巨細流之入四瀆者千派萬壑皆可以江淮河濟四字盡之矣彼紛紛記載奚爲乎牛谷水古未

詳底歷劉志云雞川出禪牧山卽牛谷水俗亦稱牛駱川又云南流經碧玉關一水自西北流注之詳其文義似誤以吳冉川爲牛駱川而不知牛駱川在碧玉關之旁谷而非通渭吳川所來之正川也西北流注之水實從牛駱川來其水出牛口峴或卽水經注牛谷水歟惟吳川起自華川係通渭地胡氏舊志以其始入縣境爲吳川名吳川水經碧玉關曰關川以下曰蓼中川曰神泊川因地更名均最切當劉氏未加詳考遂冒以雞川於雞川又冒以顯親不知郭嘉鎮來二水旣在顯親川的係顯親水無疑劉氏以顯親二字移之雞川不得不舉此水而以無名一水渾括之紛紛假借祇因不知雞川古城所在身居城垣以臆揣測而此牽彼窒已難符合如此此特一隅耳嗚呼著述豈易言哉予去雞川城僅六七里生長見聞所在錄此以質高明

劉鶴年創立惜字社序

昔賢作惜字說諄諄勸世意至善也夫字者無賢無愚必用之則亦無賢無愚宜惜之無煩爲報應之說以聳觀聽也余自辛巳司鐸清水見牆罅板縫觸目輒有字紙蓋行路者所置也差人收拾出卽傾筐懸籠街衢不日取盈遂浼城工局紳建字爐於庠門左攜之來焚者踵相接也夫誰謂人不知惜耶思欲立社以修補聖殿工未竟未果也庚寅春與同學諸生徒言及立社事乃有先得我心者約人募化不旬月得錢百數十緡詩曰經始勿亟茲何不亟而亟乎甚矣人之好善誰不如我也迺置字斗寬安人於城鄉流轉搜羅並以餘錢發商生息移交任諸君子保管以垂久遠倘因是而擴充之字社進爲文社是余之厚望也夫

朱超清水縣志序

紀載之體其源蓋出於史自古紀傳始於尙書編年肇自春秋尙書史而經者也春秋經而史者也若夫外邑之志則以類相從大抵不離乎紀傳者近是其實亦史裁耳然予以爲志之爲志不特可通於史也兼可通於禮周禮周官所屬小史掌邦國之志外史掌四方之志志也而隸之史官犀野有志卽司徒之測土深正日景也山川有志卽職方之掌地圖辨封域也志賦役如太宰之以八職任萬民志災祥如馮相之以四時會天位至於禮制風俗之必志也則宗伯之所以和邦國焉兵戎武備之必志也則司寇之所以平邦國焉藝文爲選舉之本則大比之所以重賓興也職官爲宦蹟之徵則弊吏之所以嚴誅賞也故周禮爲周公身致太平之書先祖文公以爲運用天理爛熟而後人卽本之以作志則志之爲體不又原於周禮也哉清邑舊有志前明萬曆間邑令辛公金創修之康熙間邑令劉公俊聲重修

之距今又越白有餘年其間事多缺失難以考訂戊申歲超蒞茲邑緝閱舊志尙多遺略輒有志纂修因於簿書之暇網羅散失參考舊聞以成是帙乙卯春捐廉付之梓歷一載而工竣凡十有六卷其間星野建置風俗貢賦宦蹟人物武備藝文雜記補遺諸志缺者補之異者更之體例有未當者正之詩文有未備者詳之他若山川禮制職官選舉災祥兵戎六志一仍其舊方今中外一家版章式廓輿圖之廣遠及外藩朝廷又復稽古證今博綜淹貫撫餒方夏遐邇同文固無人自爲書家自爲學者矣乃以超忝居守土搜羅補綴責有攸司因分門析類薈萃成編豈敢謂黼黻昇平亦聊以備太史之採擇而已

韋應物贊

余聞公爲蘇州刺史時掃地焚香郡中自治私心竊慕之後於上邳故城得公石刻詩始知

公釋褐爲上邽令余蒞清八載修城浚池勸農息訟修建學校興復書院凡可以有益於茲士者靡不畢舉維日孜孜常戴星不遑暇逸而富庶漸臻風俗未美猶以絃歌之治爲愧焉又安得鳴琴對鶴放衙後手執周易一卷上契河洛精蘊而自然治臻至理耶

楊昌溶徽縣大河店修路碑記

隴蜀踞天下之脊山高而水激徽縣南六十五里曰白水驛前明設驛丞今革其地爲川陝要道宋至和二年轉運使李虞卿以青泥嶺舊路險峻請開白水路自河池驛至長舉驛未成而去河池令王令圖及工部郎中田諒等踵成之迄於今近千年矣陵谷變遷雨雪剝蝕向之坦途遂成崎徑亦固其所地左山而右江水漲輒阻山故多石循山穿石罅以行羊腸一綫石滑無以安足稍懈卽仆人與馬皆葬於魚腹行者苦之每遇淫雨恆彌月無行人歲

戊寅來襄西事有爲余言者時方治軍勿暇也已丑春奉命移督關隴又二年檄知縣龔炳奎權徵象以修路屬之飭總兵易順勝率部勇偕里夫石工舉鉏操畚闢山斧石或穴石實以硝磺屑引以長線火發石裂於是凸者斬之窄者展之凹者補之曲者直之士人以爲罕見云是役也起辛卯九月迄癸巳十月逾兩年之久乃蒞厥事委秦州牧張珩勘驗全功共計程涂五十五里內修橋梁十四處其尤險者以照壁峯四道河瓦泉山大石碑等處爲最昔之狹僅尺許如循蟻垤者今可並轡而馳矣昔之高至數丈杳入雲際者今周道如砥矣昔之惴惴然涉春冰蹈虎尾者今日歌於衢舞於市矣往者來者肩其物負其子者相屬諸道慶幸同聲昔危而今安行旅之歡呼回應爾爾然必守斯土者隨時修補久而不廢則安者久安矣任是責者爲龔令炳奎竟不得視其成始終在事者爲易順勝余嘉其勤略陽方

有路功遺順勝往助焉襄是役者爲哨弁曹松林劉貴鄒漢秋及邑紳吳來聘李樹模趙崇德黃協中張景象張裕惠共用經費錢五千二百緡有奇以其存者權子母爲歲修資工成備書以勒於石光緒十年四月

梁士選蒙芹塘德教碑序

國朝沿前明舊制恩歲兩貢外特開選拔科以搜羅遺才得人之盛幾與鄉會試并顧有高材生而不獲選拔者未有選拔而非高材生者而堅苦卓絕尤以芹塘先生爲之冠先生姓蒙氏諱頌賜芹塘其別號也家世儒素自高曾以來以正直著聞鄉里至先生而聰穎絕人遂卜蒙氏之將昌矣弱冠補弟子員有聲黌序間越六年以選拔成貢生是時先生甫二十餘歲耳顧外值兵燹內迫家計卒不獲專意於文學以盡其志乃囊筆西遊學慕於西固階

州城縣之郊久之遂漸通刑名家言下至醫卜之書無不涉獵然時時用以爲應酬非其所好也花門肅清關隴分闈學者爭自濯磨先生亦重理舊業出者應試文場坎坷連不得志於有司援設帳授徒專力於講學隴上僻處西陲自經喪亂庠序鞠茂草荒落日益甚至末學新進不識經史爲何物往往濫邀一衿極其流弊不止爲文字之妖如朱子所云也先生主講十餘年一力以清真雅正矯之文風爲之一變嗚呼可謂知所本矣光緒十六年署理海城訓導二十二年部銓華亭教諭先生垂老忘倦方銳意秉鐸思爲邊城一破其曠蒙不圖抵任未旬日而遽逝識者惜之今先生沒已十年矣門人恐其久而無傳也公議樹碣於道以告來者囑文於余自愧鄙陋然兩世姻好知先生者宜莫余若也謹追述其大略其他事跡無關教澤者概不錄云

致張育老書

敬肅者時事變幻瞬息萬端結局如何渺不可卜惟否之匪人不利君子貞則可預知文言曰天地閉賢人隱範曰日月歲時既易百穀用不成俊明用不德然則兩年以來紆籥隴事動遭讒忌固氣數之所必至非不足怪也未審老伯以爲何如僕聞之君子得時則思行其道不得時則思傳諸徒自漢迄明當一朝鼎革之初其深山窮谷必有一二遺逸抱殘守缺以爲異日之剝果蒙泉如漢之伏生大小夏侯唐之王通宋之安定泰山徂徠諸人皆是也現在地氣之自南而北者已踰大過爻辰貞下起元吾意東井與鬼之分必有應運而出守先以待後者老伯甯無意乎選閉門獨處心如死灰年來偶讀皇極經世於大衍之說微有所悟但孤陋寡聞既無同志兼少書籍日月如梭竊自悼矣素諗老伯積書最富今將購求

而未得者開列於後倘尊處藏有善本選當親來就正否則并懇費神代搜是亦嘉惠後學之意也不勝企望之至

補遺

曾恭姬造像碑

碑在清水縣城北趙充國墓之東南角粗石高六尺一面刻佛像一面刻字照錄如下

天和三年六月

左員 郎南陽抱罕二郡太守

郡功曹郡平望清水 法襲爲亡

妻曾恭姬造釋迦定光并等身像

二軀息刺史蔡國公士曹從事功曹長

暉次息長榮徑仕遵僧允僧進顯昌

孫懷 楊氏妹鳳姜垣氏女永妃

畢氏女 女女保妃

隋使持節標騎大將軍開府儀同三司慎政公上

州刺史李虎墓誌銘

公諱虎字威猛隴西成紀人也昔高陽氏之苗秦將軍之後矣厥生樹下而因李姓焉徙自隴西遂稱令族固知長河帶地津澤於是派流高枝拂漢垂陰以之布葉公即魏隴西行臺爵之孫周隴東太守寶之世子也公乃童年挺秀風警異倫弱冠英聲綽有不羣之譽爲生敬讓仁恕表於家邦立行弘慈令聞彰於朝野起家徵授儀同三司兼除秦州清水本郡太

守公實涉穉經史未肯淳儒奇略異端不獨專武旣其跨躡行陣按劍盱衡乘機振檄規謨
抵掌尋遷授開府并封慎政縣開國公上州諸軍事上州刺史此地營樞嶮阻蠻左雜居漢
蜀交川民情鹿獮公乃德刑並設風教始行威義俱申大揚流俗爾乃方應吐讚翼亮王猷
豈謂蘭桂早彫瓊枝先折公春秋七十有二以建德六年十月八日奄薨於京第以大業
二年歲次丙寅正月朔十八日癸酉葬於秦州清水縣內莎鄉里之原昔武侯
亡蜀仲達猶懼遺風管氏喪齊小伯請其付國嗚呼哀哉將恐山頽谷從海變桑田刊此玄
銘其辭云爾

汪波方頃洪基千刃帝子之苗公侯之胤瓊枝玉葉桂苑蘭蕙家傳芬馥世播芳風乃祖乃
父蟬聯弈葉唯子唯孫軒車相接匡家佐國劍珮連輝裘帷作牧震鷲于飛五福不徵三靈

逝俄然風燭奄從人世神魂眇邈有去無歸百年長往千載何追

宋史之才涼思閣記

四夷之患犯順侵軼其來久矣雖古聖王不能無慮我朝龜鑑前弊安不忘危命將率遣戍設講肄貔虎豐實儲蓄雖窮陬荒徼亦扼恃險隘控壓喉襟置設堡寨絡繹對峙蓋欲廣斥候而備不虞也隴城寨距秦一百二十里本黠虜鬼留等穹廬所止之地慶歷中仁宗遣將展拓邊疆自涇原水洛城界披山刊木鉏去猾羌路開垣然直通於秦因置寨設官以治之時有僧從善者於寨之東南阜絕頂創葺精宇以備邑僚行香又於院之北隅別建一亭下瞰門壘其事迄今年禩浸遠棟摧桷衰將不備風雨一日知寨狄公偕僚佐因禱於金僊氏睹是亭不覺嘆息曰凡物之興廢由人苟嗣而葺之則其功易成其力易集奈何宰是邑者

惟窮日之力皆憂公不暇或解宇做漏弗顧疇能及此也因諭僧雲起俾求化有緣番漢子
來材力雲萃因廣其基增之版築遂構成一閣軒楹宏敞引簷飛翬周眺雲山景益虛曠狄
公因暇日與賓僚落成曰是閣也材木非珍儉而有制因民之力而成且人之或崇一臺或
浚一沼尚寓之名此獨無之可乎客有預坐者曰公言是也竊敢議其名以獻諸公曰其閣
面於北長風往來故詩曰北風其涼颺者風之貌宜曰涼颺閣公曰善遂揭而題之夫構
是閣者豈特獨樂其樂以助衆人嬉游之樂然則衆人嬉游之樂何從而至也愚竊謂一郡
一邑之長在得其人必曰號令明刑賞公不昵險人不虐無告嗚呼號令明則下皆畏肅矣
刑賞公則法無僭濫矣不昵險人則邪佞退藏不虐無告則冤枉澄雪其和氣之來也猶桴
鼓之應陰陽調風雨時百穀豐穰羣黎康阜孰不瞻對景物忻懽以從嬉游之樂耶此真民

之樂而有所至也隴城寨去歲自夏徂秋穀麥告成比秦之他邑實曰豐稔豈非狄公善治之所及歟孰曰民之樂無所至也之才辱公之請辭不獲免因直書其事以誌歲月云

元祐七年歲次壬申四月癸丑朔三日乙卯建隴城寨主簿兼管勾床礮堡長孫革右班殿直監秦州隴城寨酒稅張慥書東頭供奉官隴城寨兵馬兼押兼在城巡檢趙珣文思副使權知秦州隴城寨事輕車都尉開國侯狄紳立石

宋吳玠墓誌

前二行字跡磨滅

聖主明見萬里之外

謂公可屬大事

當

軍事不從

中

賞罰以節

國之功者惟天子之明而公之忠也既葬諸孤以行狀

請銘謹序而銘之惟吳氏出秦伯之後以國爲姓至季札避位其子孫家魯衛之間厥後散處四方譜牒遺佚遂不可盡考而起守西河芮國長沙漠封廣平皆本德義尙忠勇爲世良將而天挺英奇崛起於數百千載之後赫然功名與之相望迹其流風餘烈蓋有自焉公之曾祖諱 贈太子少保妣李氏永甯郡夫人祖諱遂贈太子太傅妣齊氏晉甯郡夫人考諱展贈少保妣劉氏嘉國夫人自少保而上世居德順之隴干以公貴追榮三世公諱玠字晉卿少沈毅有志節善騎射知兵讀書能通大義未冠以良家子隸涇原軍政和中夏人犯邊力戰有功補進義副尉稍擢隊將從討浙西賊方臘破其衆擒酋長一人及擊破河北羣盜累擢忠訓郎權涇原第十一將夏人攻懷德軍公以百餘騎突擊追北斬首級百四十有六轉秉義郎擢本路第十二副將自是威名益震建炎二年金人內侵已三載矣春渡河出大

散關略秦雍所過城邑輒下三月還自鞏州至鳳翔隴右都護張巖邀戰失利敵勢愈張謀趨涇州大將山端杞守麻務鎮命公爲前鋒公進據青谿嶺逆擊大破之敵始有憚公意轉武義郎權涇原路兵馬都監兼知懷德軍冬以本道兵復華州師入命將士無殺略居民安堵轉武功大夫忠州刺史三年冬蜀賊史斌寇興鳳據長安謀爲不軌公擊斬之轉右武大夫四年春擢涇原路馬步軍副總管金人謀取環慶大將婁室以衆數萬至麻亭公接戰於彭店原士殊死鬪殺傷過當敵懼引去而山端杞以公違節度坐降武顯大夫罷總管論者不平未幾復故官職秦鳳路馬步軍副總管知鳳翔府兼權永興軍路經略安撫司公事進復長安轉右武大夫忠州防禦使兼安撫處置司將合五路兵與金人決戰公謂宜各守要害以待其還秋九月師次富平都統制復將議戰公又曰兵以利動今地勢不利何以戰宜據

高阜先爲不可勝者衆曰我師數倍又前臨大澤非敵騎所宜不聽既而敵驟至囊土逾澤以薄我營軍遂大恐潰五路悉陷巴蜀大震公獨整旅保散關之東曰和尙原積粟練兵列柵其上或謂公宜屯漢中以要巴蜀公曰敵不破我不敢進堅壁重兵以臨之彼懼吾蹠其後保蜀之道也明年改元紹興春三月敵酋沒立果率銳兵犯我期必取而後進公擊敗之真拜忠州防禦使兼帥涇原夏五月沒立果會別將李魯折合衆數萬使將將士出散關公與之戰三日大敗而去方攻箭筈關公復磨戲下擊追得與二將合轉明川觀察使丁嘉國憂起復亟復陝西諸路都統制自破契丹以來敵常勝每與公戰輒北不勝其憤冬十月其四太子者會諸道兵十餘萬造浮梁跨渭東自寶鷄連營三十里又壘石爲城夾澗與我軍相距公指揮諸將選勁弓弩番休迭射矢發如雨賊稍怯則以

奇兵傍擊如是者三日度其酋且走則爲覆於神岔以待其歸覆逢敵衆大亂俘其將羊哥
李董及其酋領三百餘人甲士八百六十人尸填坑谷者二十餘里獲鎧仗數萬計拜鎮西
軍節度使二年兼宣撫陝西處置司使都統制節制興文龍州敵久窺必欲以奇取之三年
春裒其兵又盡發五路叛卒聲言東去及自商於出漢陰擣梁洋金明失守公亟率麾下倍
道疾馳且調兵利閫既至適與敵遇使人以黃甘遺其帥撤離喝敵驚曰吳公來何速耶遂
大戰饒風關凡六日敵大敗殺傷不可勝計撤離喝怒斬其千戶李董數人以死犯關出公
後公遂結陣趨西縣或曰蜀危矣公曰敵去國遠鬪而死傷大半吾方全師以制其極蜀何
憂耶月餘敵果退加檢校少保充利州路階成鳳節度制置使明年春二月敵復大人犯仙
人關公豫爲壘關曰勝金坪嚴兵以待敵據阜戰且攻壘公命將士更射又出隊兵以擊其

左右戰五日皆捷敵復遁去上聞之嘉嘆賜以親札曰朕恨不撫卿背也是役也敵決意入蜀自其元帥以下皆盡銳以來又以劉豫腹心爲四川招撫使旣不得志度公終不可幸勝則還據鳳翔授甲七屯田爲久留計自是不復輕動矣夏四月徙鎮甯國除川陝宣撫副使秋七月錄仙人關功進檢校少師奉甯軍保靜軍節度使五年春攻下秦州六年兼營田大使徙鎮保甯靖遠軍公與敵對壘且十載常患遠餉勞民屢汰冗員節浮費歲益屯田至十萬斛又調戍兵令梁洋守之治褒城廢堰灌溉民田復業者數萬家朝廷嘉之每降輿書宸翰七年冬

劉豫且 兵衆以爲疑公策其將去

九年春和議成上以其功高復賜親札進開府儀同遷四川宣撫使遣內侍齎詔以賜而

公已病甚扶掖聽命自以賞過其勞固辭優詔不許時輿地既復倚公餽撫而疾不可爲矣

終始保蜀付之安全若有所待以是蜀人尤悲而思之公娶張氏故侍中

者之後封永甯郡夫人子男五人拱右武郎扶擣皆承奉郎擴總尙幼女四人以下缺

宋朱熹西原菴記

予少好佳山水異甚而自中年以來卽以病衰不可逞其志於四方獨聞廬阜之奇秀甲天下而崎人逸士往往徜徉於其間意常欲一往遊焉而未暇也前年蒙恩試郡適在此山之陽乃間以公家職事得至其中其巖壑幽深水石奇怪固平生所創見而於巖壑水石之間又得成紀崔君焉乃信前所聞者之不誣也君名嘉彥字子虛少慷慨有奇志壯歲避地巴東三峽之間修神農者老子術東下吳越以耕戰之策干故相趙忠簡公趙公是之會去相

不果行君自是絕迹此山按陳令舉所述圖記得西原菴故址于臥龍瀑水東築室居焉耕田種藥僅足以自給而四方往來之士皆取食焉其疾病老孤無所與歸之人至者亦收養之蓋年逾七十矣而神明筋力不少衰予往造之而君不予避也一日爲予道說平生相與太息會予結屋臥龍以祠諸葛丞相世蓋少識其意者君獨嘆曰此奇事也相爲經紀其事以迄有成兩年之間相見者不知其幾而君未嘗一言及外事予以是益嘉君之爲人而重歎其既老無復用於世也淳熙辛丑閏月之晦予旣罷郡來宿臥龍君曰臥龍之役夫子旣書之矣願西原獨未有記復能爲我書之乎予曰諾哉於是悉次其說俾刻焉

謹案新志人物已爲子虛先生補傳卽據朱子此記也而此記未入藝文名賢之筆亟宜錄之以光志乘

宋李緯新建三清閣碑記

閣址無攷碑由大水鎮南河爲暴雨冲出

天水國郡也山環合而集水交流而清風淳俗厚自涼抵秦凡邑無有出其右者秀氣所鍾在西北一山勝狀爲邑之最出邑北右折百餘步據山之趾曰靈仙觀耆老傳云太上老子化胡西返而留於此因以名焉觀殿宇簡古土木不甚宏麗以仙跡所在而邑人齋戒祈禱惟是乎歸常以不加葺爲愧然通道鄰壤更戎馬躡踐雖欲經理非特不暇而力且不給仰惟壽皇御極繼志述事遵高宗皇帝之訓講修信好而幸南北之民干戈不試比三十年俗阜人安道德之心疊疊加勸一口聚而言曰釋與老久矣並立於世自象教興浮屠氏有所營繕談笑頃在處金碧炳耀耳目惟道家者本天去羨寡慾貴務齋居處不以爲陋而安焉欲振起若浮屠氏吾屬盍共成之遂與徒會財募工設三清聖像天顏杳窈固未易形容

彷彿魏乎煥乎盛矣不可及矣像既備矣館御不嚴肅懼不足以稱乃議建閣焉其謀費費
侈計其役役廣費與役仰於衆川委雲至何用弗給若侈且廣非能者宰財齊工則紛紛無
端緒而不繼其事矣衆上其狀於縣縣令廣漢張公孝友慈祥君子也從而弗疑俾邑之人
相差等助資役而令呂宜程顯米存躬掌其事退謂曰區處今有序矣當尅期以落之時淳
熙十五年十月也木章竹材資自山林範金合土舍從陶冶斧斤畚鍤之工各盡其技無敢
少緩越明年四月張公被帥檄去代其任者孫公 默長於政事知風土所宜胸中涇渭自
分凡蒐情節貌至者清濁立判故政未踰時人人畏愛不敢違公令宜等自公來役事未敢
輒動居無何或有以昭會廟腐陋告者公款謁祠下率僚屬仍其舊而加新之知公意所向
前此之役此而復作謹如初以竭厥終黃冠之流悉勸贊相公亦常臨視之百須不勞而具

告成於其年之九月爲屋上下十有二楹棼檠布翼棟桴高驪魁傑崇大萃然孤起於城隅之上往來者去門庭之遠以帝所在焉悚然起敬心登降者雖步武之間謂天實臨之終亦無惰相夫清潔之教由斯而益熾矣旣而命緯爲之記緯竊維凡興作貴乎上有益於國中不損於民下不私於己有一於此尙可書况兼有之乎今夫總山川之盛爲真聖所居費且萬計而秋毫無所利是不私於己也合邑之人力揭琳宮之冠期年畢事而人不告勞是不損於民也笙鏞遞奏鐘鼓迭作瞭曉於煙霞之表官吏歲時燕修於此以仰祝聖天子千萬年無疆之壽是有益於國也三美俱庶不得不書

明門克新長江萬里圖記

夫江之東流上自錦城之西下出三峽之口過荆楚越建業而朝宗於海也外則三江五湖

湘漢蕩蕩諸水皆會之其夾岸羣山翠嶺煙雲萬狀濫觴始自岷嶓提封盡於吳楚南條之
大直匹滎河物產之饒富於幽薊其流滢洄曲折或自西而東驚則城邑在乎兩岸之南北
或自北而南趨則城邑在乎兩岸之東西可以通中國之漕舟可以來番夷之獻貢浩蕩汪
洋誠衛國之保障湍瀚 疾實壯勢於神京所謂天塹之險自古爲然也故在唐虞以冀州
爲王畿而天下之來貢者皆由河而後達冀是河爲衆水之會要也今我聖朝海宇一家而
江爲諸川之會要亦猶唐虞以河爲衆水會要之意是圖之作也豈徒遊目玩好之爲哉惟
我皇上慎固疆域保民致治無時不在心胸之間俱見於此也其勵精圖治之誠抑亦至矣
是宜皇天眷佑奄有四海中土奠安四夷臣服而鞏固皇圖於億萬世誠可爲後世聖子賢
孫之龜鑑也

明邊貢堅公生祠碑記

正德己巳秦州堅侯晟來尹博平常是時河北寇起者逾年矣師東征民困於役魯齊之墟鞠爲荒侯下車親拊循之悉去故政之不便者博人德焉謀立祠以祀侯侯曰民之安令之職也無庸寇熾侯爲之治城垣深陲皇壘樹柵於郛守戰之器畢備有寇至率其民死拒焉寇退博人謀立祠以祀侯侯曰城城守令之分也無庸詔以侯爲訓奉大夫遷知薊州事於是博之人聚而言曰侯之惠於吾民也所謂生死而肉骨者也令且去矣而吾民自思焉弗祀之何以永

祠侯不能止乃於是撫然曰鄉吾之於斯邑也將以與斯人相忘也令若是是吾之爲斯邑也固猶曰驩虞焉而已矣豈吾心哉豈吾心哉

聞而賢之將筆之以昭後會其邑之學士大夫以幣來請祠堂之碑而戶部王公者又野史氏之師也不敢

辭遂爲志之而系之以詩

民饑與寒維令之干維時兵興民死與生維令之懋文教武備無忝爾位維令之貴維令之尤顯尤堅侯我民之休歲在庚午有盜楊虎三千之徒揚鞭執弧將邑是屠盜與我閩侯矢親控三發三中盜懼而旋爲城之堅如侯姓然 天子有勅我侯則陟有土維式我

桑我麻我室我家誰之錫邪客有邊子爰輯野史紀厥終始代而民謳歌以祀侯於千萬秋

明秦安興谷寺鐘記

大明宏 元年謫官鄉士越紀政修事立竊禦皆熄迺以三千許鐵斤鑄鐘於興谷寺識一時人物於其上命予作記予觀勝狀在城治之北棟宇聳飛翠並滕閣之宮丹青煥炳光耀金陵之壁松亭亭竹嫋嫋桂馥蘭芳佳趣無極蓋始於大元至元迭次之所建然則幽興遘

奔竹木陶情衣鉢相傳多會於此覽之得異平常若夫天際雲曙一碧萬里日月光華映暉
 五色春和氣融吾心順適擊斯鐘也則樂於是乎彤淅淅而風浮浮而雨秋老景衰更深人
 靜吾心擊戚擊斯鐘也則憂於是乎形而鐘之聲初不哀不樂焉殆猶樂則行之憂則違之
 其樂其憂在時卷舒耳其性何加也何損也吾之取鐘者以此故託以寓士君子之心於不
 朽云宏治元年乙未上陽月陰陽學訓術丁儀發心創鑄仲男後學生丁繼文題書篆案安
 縣知縣徐森儒學教諭胡彌高僧會司僧會修浩老人楊錦義官董縉

明秦州普華寺鐘文

新志直云唐太宗養僧兵處而鐘紀崇禎六年明是寺創於唐初鐘成於明末而又
 有洪武何也細案之明以前寺必敗落至洪武年復興崇禎年始鑄鐘以記其事文

義大略如此因其節節
 有脫漏外訛遂難全曉

大明國陝西等處承宣布政使 秦州麥積山下院南路廣陽川地名萃嚴寺住僧人普云

奉唐太宗皇帝

在自古叢林秦州鎮南席陽川遺僧家佛堂丘沈住座焚修香火養靜釋子普云普凌普光等千百餘衆僧兵焚香供解守把隘口山前嶺後荒林木廠給與僧兵墾耕種菜禾無糧共作常住田地看焚香火如阮宗 之前山前嶺後荒林木廠給與僧兵墾耕種菜禾無糧共作常住田地看焚香火如阮宗 之前補修遵奉聖旨分界東至乏牛坡西至鐵嶺關南至門水嶺北至李家山分碑爲界古叢林後被僧滅至洪武年間被僧衆毀裏界 財開常住田地金 孫來喜來戈來植來舉來積來本誦本江來住崇禎六年

謹案鐘文殘缺至不可讀然如僧兵之名東南西北之界皆是資考證且一僧寺之地界至奉聖旨存之亦足見前明代麥積山之盛矣

廣陽川又作席陽川必有一誤

明胡忻秦州修橋築建城樓碑記

秦古成紀郡大城之西舊有中城接踵西關間以羅玉河深溝險不可渡有橋以通之至萬曆癸巳歲暴雨驟至河水湧猛橋圯焉越歲餘蒞是任者視若罔聞奚翅徒涉輿行之病諸驛史至皆由曲徑奔走輿體殊甚甲午歲滇南王公至甫下車卽慨然嗟嘆曰斯橋也誠天水之通衢曷可弗舉於是請命兵巡曾公允而下之隨走安定做折橋體模修之鳩材木庀金石課勤能不數旬橋卒業焉嗣是水不能爲患民咸利涉之泊乙未歲中城父老僉謀投告城垣卑損年遠坍塌不惟虜變難防且盜賊騷擾深爲地方大害前此居民往往告呈各上司憚興工之艱屢寢其謀無能慮始者公撫掌稱歎是誠在我遂申呈曾公移檄制府

中丞直指諸臺各報如議命州佐黃公督理之編丁夫議工食給日糧分爲四工工各十甲
甲各若干名成於省椽李若松等管修之公偕黃公朝夕親詣城牆實興作靡日弗然越三
月中城周圍告竣焉南北相距若干丈東西相距若干丈高若干尺厚若干尺堅以女牆峻
其防也塗以粉壤煥其觀也設以門扇嚴其守也然有城無樓胡以資瞭望公又申請曾公
各捐贖鍰共若干金命工輸材雕榱刻桷丹漆黝堊則樓之成也巍然成一雄鎮矣時適新
巡李公至題扁曰鳴玉樓爲中城保障非所以慶厥成乎觀者以爲中城之修儼然有金湯
之固也斯舉也小之以弭賊盜大之以禦夷虜近之以堅河防遠之以垂永賴不特中城父
老赤子永永無患實一州文風士氣每每增奇也君子陟斯橋也思公道濟之仁與橋俱永
矣閱斯城也思公保障之恩與城俱崇矣登斯樓也思公藩屏之德與樓俱高矣誠盛績也

豈可泯滅乎公將行矣州人思之不忘故徵余爲文用勒之石以垂不朽云公諱吉人號范菴雲南己卯省試第一大理衛官籍江都人今遷山東登州府同知黃公諱金殿號對陽山西選貢五林衛人殫心分散協力襄事故併書之時萬曆歲次戊戌

明巡案御史劉崙鏞趙子昂草書石刻跋

趙松雪書蚤歲法王右軍後感管夫人言乃自成一派而風格不羣膾炙人人者亦不在右軍下然其傳盛於大江南北余入秦偶見此本守巡李君時達請付諸石余維秦州漢唐古地也故唐以前名筆居多習見之矣參之以是豈非寶藏之良玉溽暑之冰甌不將使人

一快觀歟因誌之亦以見劉君刻之之意

此跋舊有刻石
在李杜祠今毀

卷之六終

秦州直隸州新志續編卷之七

藝文一詩歌 著書

王予望南山古柏

出門有興便貪山老柏青蒼護酒顏已是雙株看不足翩翩鶴影又飛還消沈人代幾何傳

欲問佛天誰後先祇記少陵稱爾老於今歷落又千年

張綬題南郭寺僧畫像

寂寞清道心虛無泯諸相含景復藏形白業真無量法自歸我用神亦並吾喪於釋稱大道
於儒契无妄披圖題詠罷窅然空所向

王寬題二妙軒帖

瀉化幕天寶風流宋荔裳詩遺白六字碑獲十三行藤瓦東柯杜鵑籠東晉王千秋餘二妙
零落贊公房

潘尊賢題族兄行樂圖

先生之樂惟有酒多至千鐘少一斗先生之樂又有詩興來一揮成數首醉後撚髭常高歌
詩欲成時杯在手富貴貧賤兩茫然浮雲白衣幻蒼狗圖成忽露靜者相科頭頂上圓光放
閒坐捋鬚若有思先生不言我知之思將勳業銘鐘鼎芹宮一採青麤冷思將揮霍濟埃消
牀頭金盡有誰憐不如靜寂淵然與道合掃空世念全其天世言行樂須及早胡弗達觀弄
機巧蠅營狗苟戕性真電泡一瞥化秋草惟有先生一杯一卷樂陶陶鶴髮飄蕭顏色好不
憑採藥鍊丹砂地行有仙長不老長不老人間少

董文渙南郭寺餞別張寶卿方伯

松谿循流渡石棧排雲上招邀集嘉賓披拂得幽賞征驂寶地憇帳飲高軒敞孤紅芳春餘
密翠條夏長僧室香氤氳佛龕燈炷晃日收斷碑字耳聞靈柏響東泉澄古波西塔森遺像
淹留值陰雨眷戀遲壤已苦佳會促况兼離懷快睽違念友朋羈束慚塵鞅聊盡一杯歡
暫空四大想

王權與吳蜀江太史三十韻

世路悲多梗科名誤我曹憐君馳駿譽一死等鴻毛憶昔遊天水聯吟抒彩毫論文逢李白
作頌擬士褒干祿肱三折違時首屢搔茂才稱異等拔萃起烝髦遂逮中書祕旋承太液膏
秋風鳴野鹿滄海踏神鼉位看鸞臺近恩從鳳閣叨詞林樹清望隴石瞻英豪桃李春官望

純虛紫氣籍人千談壽命九萬待翱翔枉駕年前過酣歌氣不撓衣冠欽領袖尊酒醉葡萄
謁客珍懷刺論交許贈刀大材何草落暫蹶豈半騷夢寐猶懷想摧殘乃頓遭鵬來人合去
楊卮罔難逃夢或瓊瑰幻家傳子女號舍生義何取慘死柄誰操天恨沈沈醉人真草草勞
但聞才子赴何處玉樓高一痛風塵暗三年日月愔寒雲埋夜月淚雨溼春袍或以長羈旅
憂貧致鬱陶抵鵲何須壁亡羊莫補半雪涕揮千里愁心起萬艘虛王猶短促富賂共煎熬
鐙焰臨窗碧風聲滿樹颺檢書收數紙珍重此瓊璈

水月寺看荷花

苦憶頻陽郭荷花艷泥人神今達洛浦路苑出沮濱

富平城南石川河即古沮水

淨見三空性穠回七月春

何須談戒慧坐對已祛塵

古寺南城下高甍睥睨齊秋聲依定水花氣韻招提苔蘚萊陽碣

院東爲宋公祠煙波白傅堤

南有長隄刺史

陶模金仙如未覩勳業一醯雞

九日玉泉觀同人集飲

五年三處佩萸囊故國仙壇又此腸六郡山河迴大隴一年風物盡重陽前朝樹隱真人宅

觀有梅子真祠張三丰邱真人遺跡隔澗雲扶大雅堂壁上詩篇堪下酒

壁刻徐董二觀察詩

壓攔况有菊花香

往日屯營萬馬驚戰旗飛火絨山椒劫餘古木如遺老平世游蹤記短橋立久烟嵐生杖底

迴看樓閣綴林梢道人眠起霞光內不信茅庵在絳霄

衛浚都仲春送段讜亭廣文

有緣半載挹清芳鱸集如遊舊講堂

余竹乘鐸回曲

暑冷但求容膝易官閒不受折腰忙老梅落落蕊

吟懷減新柳抽條別路長送客客中情不盡栗亭西望悵斜陽

次韻安半霞謁前安定令許鐵堂墓二首 錄一首

清擬山泉絕不渾緇衣篤好世風存置田為守他鄉塚

邑令陳公為設祭田

禁牧還酬舊尹思桑梓聞

風搜宦稿

許君閩人同鄉林少穆制府曾搜其遺稿

松楸有月伴詩魂多君義氣同諸老潛德幽光欲共論

將去河池留別六首 錄二首

滿縣花開迓綵旌栗亭半載盜虛名催科誰識陽公拙攀轂難留寇尹行敢說甘棠堪見愛

惟求苦李得全生臨歧惆悵長堤畔楊柳依依送別情

四民於我露忠肝京兆誰將五日看自愧簿書儕俗吏漫邀葦屋說清官鐵山有徑難留屐

金水含情不放瀾此去蒼黎休洒淚他年重許慶彈冠

董琴虞刺史邀飲玉泉觀

飲量鬱不開多時酒入務聞說玉泉遊未馳心先赴是日天晴炎四山斂昏霧同人拾級登
冷然風欲御樓閣出飛簷高下巧部署轉徑便換形搜景每移步就中柏最奇懸空若鳳翥
崖根屈曲盤千載神呵護嗟我已解官羈身天水住遙望太行嶺無翼飛難度茲遊得放懷
所至觸妙悟雖對軒冕流已洽山林趣竹煙散行廚柳驂催日暮問誰吟興多刺史有佳句

亦園卽事

羈縻頗覺一身輕每向園亭自在行來去燕原無定跡公私蛙亦兩忘情飄餘春沼桃千點
儲就秋籬菊幾莖况是主人風雅甚舌耕暫許代躬耕

宿瑞應寺

山寺隱不見勞勞日暮尋轉身幽境得倚壁古堂深腹饜香廚味神清梵殿音林鬱濃滴處
一夜雨侵衾

登石門山頂

山巒境復幽望之心悚怍凌晨作氣登爲踐山靈約微茫徑逼崖榛莽林匝壑道人向我言
中有蛇虎穴攀陟不復顧身經十八折飄忽入半空洞達開雙闕月樓暫延伫蕭瑟天風作
指點巉削處鼓氣仍不竭峨峨老君堂到頭心目豁昨見插天峯今來左右列仰看銀漢連
俯視塵凡隔同輩相顧驚齊聲叫奇絕我更謝山靈賜杖何通脫持茲人大千欲撻妖氛滅

任士言和瑞岐內兄

讀大作知旅况甚適良山排遣有道耳但九萬扶搖不關籬鷄河伯海若其相視而

笑者多矣和韻之什敬附雙魚開緘得此其不以我爲弔詭也耶中秋月夜奉懷之

作連而書之蓋以拋磚之意云

吾愛吾廬好排窗山似螺野花遮澗溜邨徑雜煙蘿路近扶筇易遊頻折屐多枕流兼漱石
得意在岩阿

吾愛吾廬好閒居趣自佳閉門防口過兀坐學心齋世路悠悠是風塵處處皆素衣吾尙惜
歎息與誰偕

吾愛吾廬好披陳史筆精昔人皆水逝古道比河清開卷尋吾好因誰問定評樽中有白酒
讀竟尙高聲

吾愛吾廬好荒寒避俗氣窺簾花幾樹入牖月三分臥聽連宵雨朝看出岫雲會心原不遠

塵事惜紛紛

吾愛吾廬好張羅雀亦稀貧家常斷酒素業未焚機頗任此身懶何妨生事微一囊錢不值

吾志豈相違

吾愛吾廬好疎通致足跨茶香邀比舍樹蔭借鄰家馴雀朝臨砌游蜂晚報衙睡餘無箇事
窗外數歸鴉

吾愛吾廬好難云百不宜逢場能作戲說夢豈嫌癡省事愁多事無知畏有知祇因慚小戶
辜負酒盈卮

雲閒風靜碧天秋幾處笙歌夜倚樓世界琉璃光瀲灩人家瓜果晚綢繆一年佳節君應記
三徑孤吟我欲愁難取陰晴問天末關山今夜夢沙州

哭董子方世兄

南飛雲雁寄書纔，噩耗無端過嶺來。錦里傳聞疑是夢，劍江氛祲竟成災。

瑞歧先有書

十年雲樹

愁心劍萬里，關河望眼開。回首師門無限事，淚痕血點漬餘哀。

文明坊裏夜談詩，塵定軒前午對棋。

軒在州署

喜引鄭元拳馬帳，未嫌黃憲出牛醫。尋常苦口偏

饒，我就裏知心更有誰。吾質已亡憐郢匠，風斤雖在欲何施。

雜種跳梁道路難，提攜兒輩向長安。鷓鴣鳴枯樹，聲偏慘。鬼泣顏垣血未乾，渭水有情隨客去。

秦山無賴帶愁看，蓬蒿滿地枯骸滿。誰見征人曉據鞍。

河潼烽火阻歸鞭，君駐青門我向燕。永夜燈花空自喜，對牀情話不成眠。處人骨肉原非易。

任我風狂總覺賢，兩字良朋褒獎在。

記先師語

追思函丈輒潸然。

年來尺素積經籍土物連番勝玉璫好筍解苞知味美新茶有韻借人嘗天涯企望重攜手
泉路依稀枉斷腸我欲招魂吟楚些海雲無際總淒涼

威戎道中

趙宋軍名舊彎環問去程巖花依曲路石澗出波聲天帶平原關山留曉日晴登場秋稼好
樂歲慰村氓

威戎感事

山城小於斗部屋盈千家隴水經其左縈蔓如脩蛇棲政秋禾熟稷黍兼麩麻斜陽罷墟市
人語紛喧譁昔年丁浩劫黔首化蟲沙艱難鬪封豕赤手拔其才桓桓戴鄉長武勇千人誇
馬氏好兄弟拳捷讎奔緞血戰功不成骨肉飽鴟鴞墳土今已乾旌卹苦未加我來卅載後

弔往空咨嗟作詩告來哲無使翳幽遐

隆德道中

隴山西面接長川南北岡峯斷復連
黃葉風迷夾道柳青蒿雨溼在山田

地名

往來車馬成

今日歛閃旌旗記昔年洗盡腥羶經幾載
太平人戶少炊煙

六盤山

蒼莽萬峯合雲陰失暮朝白楊夾道路
落葉風蕭蕭秋草滿長薄溪流迤野橋
行行向東去

直欲上青霄

六盤山絕頂

溼雲空涌天欲暮千山萬山墮烟霧
青林紅樹浩茫茫回頭不見來時路
須臾颯颯西風來

烟飛霧斂天容開塵間汗雜不知處騎雙白龍上帝臺

金佛峽

石角森然合巖隈草樹幽山開天一綫澗斷水交流紅葉酣霜色青峯滴晚秋此行良不惡

風景勝南遊

隴山類山昏水
惡北條較明麗

瓦亭懷古

斗絕山城小烟巒四面分前朝戰伐處吾恨隗將軍關倚丸泥險心疑赤伏文春卿終棄策

舊壘黯斜曛

送允子入都

嚴霜肅落木黃葉下關山遊子問長路西風慘別顏劇憐中禁遠莫愛此身閒努力前程事

知吾鬢蚤斑

我老爾東行驅車赴上京家貧宜作客年壯好長征隴樹霑霜飽秦山過雨清艱難吾道在
慎勿負平生

病中送賈子猷都督移鎮鳳翔

戈馬曾驅萬里途交遊冠蓋滿江湖七年校隊邽山曲孤鷺偏知敬老儒
奠酒看花足遠情樽前慷慨說平生彥升縱是疏狂客不敢呼君作騎兵
蹀躞青驄度隴雲扶風初喜見君文來年磨蓋西旋日好奠橋公陌上墳
春到東湖柳散絲朱園畫舫凭游時壁間爲覓新鐫碣地下交親有舊詩

承允謹案以上各詩皆系零片未入抄本遊崆峒詩亦已遺失僅存道中數章曩年在

京印敦素堂詩集時遺留在家不及入編茲謹補之志中其集中已傳諸作概不復登

吳西川偶成

三徑饒松菊園中歲月除風清巾偶脫烟重樹微斜隨意聽啼鳥無心任落花亦云何不樂

懶去客天涯

時有相約出外肄業者

紅梅

恰是羣芳信未通陽春消息有無中惟君不藉東風力雪裏先堆一樹紅

登樓晚眺

高樓晚眺極清微村落人家半掩扉遠寺鐘搖聽斷續羣峯霧鎖認依稀橫斜老圃花魂瘦

零落荒畦豆角肥補葉初紅秋草綠一肩烟雨荷樵歸

南山古柏行

根祗貴深節貴勁性貴率初心貴真精華貴斂骨貴奇物不如是不足珍我道此言君不信
試看南山古柏千秋萬歲胡以獨精神當年同種蓬萊島定有琪花雜瑤草春深紅紫鬪芳
菲共噴樹大花偏小劫塵飄瞥盡零落無復色香騁窈窕古柏幾千年詩曾吟杜老杜老死
去今又幾千年此樹尙能鬱鬱葱葱依舊好於戲此樹尙能鬱鬱葱葱依舊好

五女墓

翳女秦氏同生共死五塚壘壘在秋烟裏

書齋即事

白雲深處讀書堂盡謝交遊好退藏竹密雨敲環砌韻花開風送隔簾香新書欲借人偏吝

舊稿頻刪我亦忙左右祇留紅線在煎茶煮酒整詩囊

宿卦臺禪院

探藥僧歸晚挑燈靜話禪寺門關夜月山徑鎖秋烟竹影垂簾重松聲隔牖穿羲皇宮闕近
可許叩先天

曉起見雪

朔風連夜緊冷氣逼窗紗隔牖初疑月開門盡是花野平天更闊山陷地無涯曉日升滄海

寒光齣紫霞

言志

未有天地前普道生天地混沌一爲分沛然充其器人生天地中蠻觸同乳孳只合守蚊睫

敢詡力最屬然斯無臭聲實於人乎寄譬若空有火非木胡以熾堯舜禹湯文所由恆惴惴
精一著真詮相傳懼失墜至哉我尼父大成集洙泗金聲而玉振中和致有位厥後有子與
願學得精粹既倒嗟狂瀾屹屹豎一幟孔孟勸已沒薪傳久蹇躓名世五百年韓公獨有志
誓爲作干城衆嫉忍畏避中間更五代幾無復人類皇矣子考亭砥柱高巍歸周程張諸儒
折衷斯大備今又及五百應運誰來暨帖括試帖中老死長夢醉間有不屑爲著作騁恣肆
攷据詳且贖糟粕終拋棄性理事空譚墮入幽虛廁還見羣兒愚更教人掩鼻或持佛氏齋
或避元門忌全謂儒老釋二教本無異凡此不足言可惜惟賢智欽奉聖賢書白頭勤誦記
鑽研日復日勞勞前異議誰知古聖心不在文與字身體策力行無往非精義胡爲後學人
都涉章句累講解日以多實踐日以澌門戶日以分橫流日以恣聖經如方書讀者醫不啻

苟不求諸心白愈無一二安得得道人一掃經天藝

秦州十景錄六首

渭水秋聲

釣璜人已遠此水舊東流
怒擁分心石聲吞古寺樓
四時無不浪一派總如秋
咫尺吾家住寒濤逼枕頭

麥積烟雨

麥積峯千丈憑空欲上天
最宜秋後雨兼愛暮時烟
境勝端由險梯危若未連
鐘聲落何處遙想在層巔

淨土松濤

淨土何年寺松濤瀉半空直從天上落不與世間同勝概聞云久幽尋恨未通登高望何極
惆悵夕陽紅

天水盈池

古郡名天水于今問水源荒城無賸跡泉脈有靈根風景櫻桃月烟光楊柳村愛茲清到底
不受一塵渾

諸葛軍壘

諸葛今何在空留此壘高有才超管樂無命作蕭曹敗矣街亭戰哀哉隴右勢還聞巫峽陣
千載鬪江濤

南山古柏

西塔今傾圮東泉數變更一株餘老樹千古壯秦城梁棟心常在文章世已驚莫嫌材太大
天地待扶擎

郭鳳鳴寄懷一首寄士言

皎皎雙白鶴毛羽如霜雪夕餐玉芝秀朝飲露華潔矯矯青雲翼直上無蹊躩同林十五年
雲泥忽分轍君侍通明側我苦塵網結繞樹日擇栖艱苦焉可說况無畫眉巧高枝有白舌
自安信天飢不礙鳴鳩拙所貴初心堅相期勵晚節時運有通塞仙骨終屹嶮飽聞清河裔
置身鷓鴣列當時翱翔侶一一皆奇傑獨惜季子才更念北門哲吁嗟一子賢中道忽萎折
昨得董子書自云鬢絲揭感懷舊時交欷歔各淒絕喜君能早退愛此錚錚鐵只今臥澗雲
舒捲何怡悅靖山高嵯峨玉泉亦澄澈爲我營巢枝催歸有鳴鵲

讀史雜述

爲政不在言躬行率民由文告飾治術末流紛矯揉小民夫何知視之如贅疣何况所行非往往相盾矛法立未能行令出不可收徒令奸人輩借此恣搜求乃知安石法貽害千百秋周官豈任咎行者無良謀師古不衡今廢書增百憂

古人重循吏息事以安人新法務更變用意良艱辛豈知民風古依然三代醇供役乃其分所以辨尊親損益亦有道利弊如環循措施一不當其害不遑巡變本或加厲欲挽嗟無因坐失仁者意空令惛獨類所以聖世氓耕鑿敬其真

賞盜盜不竊其說良迂苟能返其本此理不可誣不然徒嗜殺日日追逃迫雖可弭一時終難絕根株斯民亦人耳甯不愛其軀誰令失恆業而爲飢所驅一夫不獲所古人引予辜

既庶須富教是在賢大夫

利源在天地其流無不足挹彼以注茲藉之謀事畜豈惟謀事畜兼可厚風俗如何第五輩
與民相爭逐剖析及椎刀豈是民所欲國均不患貧民窮計益蹙凶年那可料況今歲則熟
詩云富人芻吾哀此惇獨

和士言寄懷原韻

偶檢舊牋得前歲寄懷之作蓋七閱星霜矣訟庭事簡長日如年率步原韻以消大
暑並當晤敘也

月殿仙人鏘瓊珂淮南鷄犬齊大羅黃梁未熟白石爛羨門高逝今如何道逢方朔失聲笑
忽來妙論若懸河親見麻姑已白髮纓幘輝燦聲曼摩崑崙宴罷侍東海瑤姬玉女何淒惻

金盤手擘麒麟脯行廚堆積高巍峨槐安最爾鬪蝸角羣蠹逐羶緣庭柯愧爾道力未進尺
翻令尋丈來妖魔要知神仙有真諦何緣別派分江沱混沌鑿死事頗誕白衣蒼狗空婆娑
聞之欲言復捫舌但恐時俗滋詆訶璞玉無端遭刖足鹿馬蒲脯相諛阿無鹽紛紛工粉飾
明妃千里愁明駝裸國衣冠世所詫古今茫茫東流波喜君書來厚踰寸蒼鴻刷羽青冥過
開緘森森光照几豈止黃庭籠羣鵝我違清渭官錦水青城山青躡秋蘿吾家黃嬌不可致
鄆筒聊復相吟哦每得君詩珍什襲十年不見空嘅歌今年分符守石碯玉帶圍城流迅梭
記沐聖化已有載德禮涵濡忘干戈夜郎感弔詩人蹟太白山明黛一螺柳子柳州何似此
吁嗟人少石則多安得仙人駕黃鶴雲翩翩無蹉跎南郭幽塔忽眼底玉泉殘碑尋秋蛇
知君久富等身書句成同倚雙龍馱

憶昔一首寄士言

憶昔山東周夫子主講吾家義學里裙屐翩翩多豪賢我與君亦門下士君文矯如雲中鶴
顧我羽毛豈足齒謬言我如蘇志林每一脫稿歎觀止論文閣下朝開樽山藪野菜各脆美
陶家新釀世無倫烹飪况出絳幃裏酌酒歸來仰天笑醉墨頃刻潑滿紙醒來自詒非凡姿
君亦云堪杜李比廣川先生時未歸顧視爾我皆欣喜門前雙桂手親栽趾離先兆良有以
吁嗟兩公今道山回思往事淚如涘君今名成臥隴雲我苦飢驅未能已明知飲啄亦前定
榮枯倚伏有至理道力未堅難久持往往瓶罄盡先恥功名富貴會有時四十如此可知矣
行將挂冠歸去來疇昔之樂甯過此

九月廿九日得士言書率成四章卽以奉寄

孤雁隴頭主開緘別緒依憐君久相憶念我何時歸荒草楊雄宅秋風子美磯宦遊經廿載
尙與夙心違

君已浩然返逍遙清渭濱皋比有師範岩壑置吟身社樹知無恙石門恐笑人悠悠錦江水
何日達雙鱗

今年秋已盡往後事誰知報國信無補日歸每爽期官真如此蹇貧竟不能醫慈憐憐蕭寺
甯無閭里思

已決明年計天心未易諳但容策款段豈必戀纓參撫世三太息趨時七不堪相期卦臺下
同繫釣魚籃

書竟雨至復得一律

題罷新詩忽雨來
丁東簷溜又相催
知君正看隴頭雪
願我獨尋蜀苑梅
安得圍鑪共樽酒
幾時攜句上菱臺
惟應旅雁橫空過
曾見萋園菊尙開

紫薇花

甲午夏日寓前紫薇花繁盛踰往年因以銘室不數日而允甥書至以進士得內閣中書化豈預知之耶喜而賦此久未脫稿頃於故紙中得之足成數語

花密不見葉
丹屑亂霞碎
枝滑不留皮
蒼鱗老蛟蛻
庭前何所有
兩樹相對峙
栽植知何年
欲詢失所自
扶風昔買墅
許氏繼營置
年年花開時
何曾得一至
我乃寄其中
葛衣易及四
愛此百日紅
慰我惜花意
自夏徂秋深
日日載酒醉
醉後忘朝昏
胡牀爛漫睡
醒覺秋在身
豈止香盈鼻
翠禽聲鈞
翩翩隨粉蝶
墜萬點落
繽紛涼爽好
風細戒
謹勿輕掃
仙女暫遊戲

天上無此樂羣芳三舍避或言紫薇犀玉殿披雲帔文章昭九天往往垂祥異顧我羈邊荒
何德言符瑞又聞紫微省鳳閣列仙侍紛綸天語宣幾人此聯臂吾家涓陽甥簪筆清班廁
花豈預知之爲我泥金寄藉以銘吾室詩成歲時記作書報而翁更煩隴頭使

自雅州至打箭鑪途中雜詠

萬里旄牛道蠻荒一徑開雄關今據險戰骨久餘哀板屋多新葺毳衣半舊裁近來人漸密
應爲闕燕萊

堅滑不容趾亂石誰磨礱山氣撲眉濕溪聲震耳聾負茶半夷婦刷芋幾村翁慣歷邊州雨
催晴待晚風

萬尖皓積雪日午未全消山接居來近天連捐毒遙幾人探星海一氣冪烟綃獨惜遮吟眼

詩成嗟久敲

尙未嚴霜降烟林已半丹板橋歷危險玉黍飽晨餐人戒高聲語天容一席寬尋常矜蜀道未識此艱難

蚤起重裘御怯寒尙聳肩酒留百口飲興仗十夫牽路轉紆腸結石排鉅齒堅凍雲淹小立客思爲淒然

仄徑行逾陡堅冰凍已半山鴉縮似蝟胡馬捷如猱悵望故鄉遠驚聞烽火高夜寒不能寐醉倚赫連刀

此嶺飛難越今來最上頭千林霜葉落萬點菊花稠苦憶重陽約誰爲真武山游故人渺千里望遠不勝愁昨夜宜頭宿行程入樵林人從天上下路向雪中尋始識夜行險時防瘴霧

侵明朝幸平坦藉慰旅途心

鐵索三千丈危梁一綫橫如看巨壘起疑踏軟虹行目逐飛濤眩身驚落葉輕送迎煩驛吏
隔岸動紅旌

仙掌高如樹初難枝幹分縱橫插片玉破碎劃層雲誰昇玉闌側常思瀘水濱孽戕寄遠道
同與詫奇聞

日月溯流上窮源欲盡頭四山紛合沓一徑入深幽忝領蠻夷長驚心關塞秋夜闌聞磬篋
此境幾人遊

莫道居夷陋聖心昔所安但能主誠信豈復慮艱難大渡河聲遠折多山色寒此邦風土異
努力只加餐

丁體常留別七民

七載秦川住羣情愛我真豈惟心共諒而且意相因民本唐風古官慙漢吏循欲行還未忍
執策屢逡巡

山水鐘靈久英才起蔚然執經多髦士授業有名賢甲第中朝盛文章列郡先冀期宏器識
大用佐堯天

客歲驚風鶴防城竭寸衷徒竊聊弭患鎮物敢言功豈曰心能服還虞策未工寄言諸父老
安靖慎初終

策馬朝天去秋風驛路寒自慚無善政未敢喜遷官先志承猶歎君恩報更難惟持冰一片
隨月入長安

劉永亨題吳柳堂先生畫卷

才名先輩李崆峒節義林中獨讓公兩疏文章光白日千秋姓字挹清風臣心忍鑄韓王錯

天意能回衛史忠地下先生應瞑目時已立大阿哥孤墳烟雨薊門東

門下門生墜尾親廿年回首事傷神蘭臺尙有生前稿蕭寺空悲死後身桑梓新祠期共闢

松筠故宅好同鄰九京費恨王文恪關隴相望兩諫臣

葛汝葆柏蔭山房卽事三十首錄十首

解裝鄉墅樂無窮陸游一室寬於一畝宮陳樵郭裏人家如掌上方干睡餘書味在

胸中陸游歸耕不用一錢物蘇軾閉戶忽驚雙鬢鬆陸游安得此身無一事陸游

尋章摘句老雕蟲李賀

小築幽棲與拙宜 陸游 尚餘孤瘦雪霜姿 蘇軾 鶯銜晚色啼深樹 辛愿 蟬曳殘聲過

別枝 方干 洗釜煮蔬留客飯 趙師秀 讀書寫字伴兒嬉 陸游 等閒一日還過卻 陸游

山館燈殘夢到時 陳羽

遙望軒窗隱翠圍 文同 入雲深處亦沾衣 張旭 月明掃石吟詩坐 徐夔 風緊鉤簾待

燕歸 陸游 美睡不愁閒客攪 陸游 素書深訝故人稀 陳基 平生只有松堪對 薛能

守舍何妨獨掩扉 蘇軾

家園生理未全疎 劉因 長傍青山綠水居 李羣玉 繞郭烟嵐新雨後 元稹 滿庭春露落

花初 劉洽 交遊歸燕行將盡 蘇軾 世態營蠅已厭驅 王十朋 喬木幽人三畝宅 黃庭堅

日長鼓腹愛吾廬 顧况

據案愚儒卻自珍 陸游 苦吟林下避紅塵 杜牧 山如有約欲排闥 方岳 石不能言最

可人 陸游 有酒一樽聊自適 陸游 讀書萬卷始通神 蘇軾 蒼茫古木連窮巷 王維

月夕烟朝幾十春 杜牧

掃地焚香畫掩關 趙孟頫 明窗一榻共秋閒 蘇軾 舊書細讀猶多味 陸游 遠志從來不

出山 張雨 自種黃花添野景 謝伯初 多栽紅藥待春還 劉禹錫 百年地僻柴門迥 杜甫

別有天地非人間 李白

背郭堂成蔭白茅 杜山 屐痕印入碧苔坳 缺人 桑園葉盡蠶成繭 許有壬 芹草泥香燕

補巢 趙金 十畝野塘垂客釣 缺人 一犁春雨足農郊 缺人 家山信有千巖擁 朱子

湖海元龍氣自豪 缺人

重門鎖斷市聲譁缺人 翠木蒼藤一兩家孫觀 尙喜東林尋舊社陸游 每依北斗望

京華杜市 繞庭數竹饒新筍陸游 幾日憐槐已著花黃庭堅 一枕北窗初睡覺蘇軾

青燈煨芋話桑麻方岳

寒山半出白雲層劉洽 睡起朝嗽屋角昇缺人 解組已能辭好爵許有壬 亡書久似憶

良朋司空圖 家無憂累身無事白居易 閒愛孤雲靜愛僧杜牧 手閱月團三百片盧仝

晚茶香和樹芽蒸方夔

白雲閒飛不作霖蘇軾 白雲出岫本無心吳師道 山闌故國周遭在劉禹錫 樹繞重門竟

日陰舒遠 止酒無聊還自笑陸游 鍊詩未就且長吟陸游 衡茅高枕人間世方岳

萬壑千巖秋氣深朱子

書閣

終日寂無事潘岳 開軒見翠微高啓 詩書敦夙好陶潛 山水含清暉謝靈運 窗靜蜂迷出蘇舜欽 簾疎

燕誤飛李商隱 俯然一杯酒陸游 吟臥欲忘機蘇舜欽

早起

破窗無紙風惻惻蘇軾 河漢微明星乍稀方岳 九陌市聲聞曉色王惲 千家山郭靜

朝暉杜甫 典衣旋買修琴料陸游 沈麈先知醞酒期韓偓 未肯高眠成老態陸游

一藤信步出尋詩陸游

邀客看花

座上梅花連夜開陸游 平分清景共徘徊楊繼 鶴因無恙老猶健袁士元 客有可人期

不來

陳師道

早起或因攜酒出

白居易

晚吟多是看山回

趙嘏

可能惠我黃昏伴

段成己

同醉花前歛澹杯

王觀

聞安曉峯謫戍

殿前三策罄忠肝

李璠

逐客何人著眼看

蘇軾

一去紫臺連朔漠

杜甫

幾回青瑣點

朝班

杜甫

蟬鳴驛樹殘陽遠

朱慶餘

鶯轉皇州春色闌

岑參

此處莫言多瘴癘

張籍

自憐詩骨尚堅頑

方岳

柳湖雜詠三十首錄五首

十年社燕與秋鴻

蘇軾

出處榮枯一笑空

蘇軾

豈有文章驚海內

杜甫

自無冰炭到

胸中

邵雍 圍棋已訪生雲石

吳融

漉酒多招採藥翁

李中

我愛湖山清絕地

陸游

四時佳興與人同 程子

一生襟抱向誰開 杜甫

湖上棠陰手自栽 蘇軾

五柳折腰慚作縣 張養浩

百年多病獨

登臺 杜甫

春從綠樹林中老 曹元用

秋向白荷花上來 原本缺人

獨笑依依臨野水 蘇軾

胸中冰鏡是人才 黃庭堅

隄邊絲柳倩風縑談席風生落塵毛幾樹好花開白晝 吳融

一燈深夜讀離騷 周震行

看芳草故鄉遠 劉滄

起弄明月霜天高 翁森

北牖已安陶令榻 蘇軾

江山猶得助

詩豪 歐陽修

練褐藤冠物外裝 陸游

野情蕭散自生涼 蘇轍

春遊到處羣花擁 陸游

晏坐忘言一

炷香 歐陽修

明月清風詩滿案 許月卿

落霞秋水夢還鄉 楊萬里

門前綠柳青溪繞 薩天錫

漸擬垂陰到畫堂 薛逢

野水灣環夏木森 張耒 水亭不受俗塵侵 陸游 分泥海燕穿花徑 陸游 學語雛鶯在

柳陰 蘇軾 高士已裁招隱賦 雍都 微官敢有濟時心 蘇軾 湖心月上明如畫 陸游

無限新詩月下吟 劉禹錫

崆峒中峯

陽氣潛從地底迴 韓偓 一峯雲氣接蓬萊 陸游 此中空洞原無物 周顒 吐納風雲混

沌開 馬祖常

元鶴洞

鶴拂烟霄老慣飛 白居易 洞門高閣藹餘暉 于維 相逢何必曾相識 白居易 城郭猶是人

民非

丁介
威

去平涼生徒餞別於湖西蘭若

一言歸去滿城知

朱慶餘

又是橙黃橘綠時

蘇軾

看鏡不堪衰病後

陸游

停杯共說遠

行期

張翥

諸生个个王恭柳

李商隱

白塔亭亭古佛祠

元好問

此別應須各努力

杜甫

與君同折月中枝

寇準

鳳翔東湖觀釣

揀得烟汀下釣筒

陸游

漁竿冷浸一絲風

施樞

雨霽弱柳垂垂綠

袁泰

水貼芙蓉岸

岸紅

袁桷

白榜載歌明月裏

張翥

素書都在錦鱗中

溫廷筠

倚欄莫怪多時立

陸游

驚散游魚蓮葉東

王初

玉泉仙洞

名山踏破幾青鞋 陸游

北有通天百尺臺 程明道

流水不將山色去 張喬

好風時捲市

聲來 陸游

雲根刷藥移松骨 方夔

巖下分泉遞酒杯 李郢

閒約羽人同賞處 李中

重重履跡在莓苔 李頎

淨土松濤

一枕波濤松樹風 趙范

伴僧閒坐竹泉東 白居易

春回雨點溪聲裏 楊萬里

寒到雲窗霧

閣中 楊萬里

十里蒼烟秋放鶴 王庭筠

半林明月夜聞鐘 黃滔

吟哦已有笙竽答 王績

山寺人家翠疊重 方岳

惜陰篇

今日是何朝韓愈 今夕復何夕杜甫 豈云晚與早曹植 爲學務日益蘇軾 清曉卷書坐聞人

盟手理瑤笈高啓 欹案觀墳典唐太宗 光陰時矻矻王禹偁 日仄玩白篇唐太宗 以酒爲書滴葛洪

檐角挂斜陽陸游 暮色千山入蘇軾 對此乃淹留唐太宗 日入羣動息陶潛 仰觀天宇澄朱子

捲簾待月出白居易 斜月透窗明元稹 虛白隨所集蘇軾 時還讀我書陶潛 展義詠文質李嶠

文質能彬彬耶律楚材 觀妙各有得蘇軾 奧旨悅詩書薛有 研朱點周易陸游 餘事作詩人韓愈

詩成月漸側蘇軾 或息偃在牀詩經 鷄鳴還曙色杜甫 隨時愛景光蘇軾 終歲非一日劉楨

春從何處來吳均 東風融雪汁蘇軾 努力愛春華蘇武 永言若金錫柳良 春去夏猶清李商

浩歌步榛樾宋之問 時清日復長唐明皇 山居精典籍杜甫 秋至最分明杜甫 書牀鳴蟋蟀白居易

以文常會友謝朓 疑義相與析陶潛 觀書喜夜長劉溥 冬閒食學殖朱服 燈火漸可親韓愈

青山圍坐密柳貫 四時更代謝阮籍 寒暑相因襲陸機 多文以為富禮記 時來展材力杜甫

青雲得路新朱子 期是郎廟客高啓 講貫本姬孔王禹偁 事業窺皋稷韓愈 生幸休明世陶潛

朝野崇無逸亦不 各勉日新志謝靈運 悠悠途可極陸雲 人生處一世曹植 生年不滿百古詩

遊嬉未云幾韓愈 回頭忽陳迹陸游 志士多苦心陸機 託身又墨職江淹 學如鳥數飛朱子

高舉振六翮古詩 陰陽無停機蘇渙 天地睹一擲李白 時乎不再來柳徹 逝者一何速司馬彪

為詩告又生韓愈 此日足可惜韓愈

蒲修政南安道中

紅羊劫火奔飛鴉八九村落二兩家碎瓦頽垣殘照裏野風吹放馬蘭花

極目衰蓬接遠天號鼙啼鼠逐吟鞭王師日夜爭沙漠眼底偏荒萬頃田

西征

鎖日淒風冷據鞍亂山穿盡又荒灘四時雪暗烏稍嶺六月霜飛嘉峪關
縛革當甕供夕坐
馬通作炭熟晨餐故園回首渺天末底事飢驅到此間

柬巨子馥

日恆東曜月恆西幾見人間有定哇菊傲秋霜枝自勁蘭沾春露葉先低
談何容易皮留豹
事最難肋去雞正則卜居情甚迫敢祈漁父指途迷

巨國桂弔蒲蘆洲

剔目嘔心有死徵一生文字起觚稜瓣香豈少人供奉任擲金錢博豆登
文章死去亦偏鋒殉葬麻衣泣女宗人世休疑公甫婦大家閨範異凡庸

哲匠宗工宋董才騷壇誰步後塵來千秋水月通明處有座原應詩伯陪

輓孫吟帆

客從故鄉來遲回冷相向豈無故人情心悲不忍訪側聞孫遂甯乖老死煙瘴妻孥竟何依

是否樞歸葬區區秦隴間如彼幾哲匠聞言三歎息情懷悽以愴

者舊懷隴干成書向未半皎皎秋水賦吟帆少作秋水賦牛雪樵先生嘗為神仙中人金華殿中翰惜哉白里侯未侍玉

皇案中道又蹉跌程途從此亂鬧場覓菟裘我亦為君歎豈必以熱鬧場為菟裘士心如先生規吟帆語

過龍山鎮弔從叔海叔同治回亂力戰身歿

攬轡淚縱橫徘徊別有情斜陽沉古渡破屋圯荒城能壯龍山氣葉星使旌以龍山正氣額甯容豕突行

忠魂無處覓一樹子規聲

隗囂宮

破碎山河粒米中酒酣誰賦大王風
初心已誤爲踪布得計何如效寶融
一自丸泥落函谷可憐倚劍失空同
竭來立馬秦城北野殿丹青悵愈空

伏羲卦臺

不信邊荒文字新開天一畫
數何人閒推象數來探始欲訪龍圖
去問津邃古定無臺嶽業秦山恰有卦
敷陳三微首纂元功大仰企陽崖渭水滋

諸葛軍壘

偏安事業恨如何幾度僑軍隴右過
井甃遺蹤叢露莽壺漿留愛委烟波
雲長無命龍猶在仲達雖生虎則那
千古不平陳壽史用兵長短隱辭多

青梅歌事見列女

隴山惻愴隴水嗚咽有女青梅腸斷肝絕母曰青梅淑慎爾止我死爾嫁必擇良士父曰青
 梅字爾孫邱母氏雖歿遺言未忘婉婉青梅羞縮無語一諾靡佗默默已許孰意所天寒暑
 為災翁老姑衰病由子來煢煢弱息自任以身蓐苓在鼎六親誰親載輿載言言告父母兒
 身則女兒義已婦離我閨幃登彼庭除衣帶不解六旬有餘勿藥之占高堂有喜以身何祝
 祝代夫子謂天無語謂地無靈孰忍連理一枝凋零含斂既視寸心已割鳩毒三吞口噤舌
 結豈有松竹葉易柯改委曲捐生精衛填海穀則異室死則同穴縣宰矜情秦安縣命星使
 表烈學使秦表烈其間虛誕冥婚曹淫死聘青梅之心父母之命

靜甯客幕懷王既生

琴劍飄零紫遠思竹林舊會酒兼詩有如往日同聲惜無限迴風兩處悲王粲才情推獨步

任棠杖履羨新追謂士言先生夕陽山外應憐我陽柳秋蟬噪一枝

孫海題巨氏玉蟾硯圖

硯同治間燬於兵火

寒碧一竿光四澈維眼晶瑩瀟秋月紙上墨痕黯黯濕疑漬幽人心上血手澤蹉跎五十年

此硯能穿心不穿收入畫圖寓深意晴雪落水玉生烟我昔曾題夢硯圖舊遊一夢春糝糊

嚴寒呵凍碾冰花爲君重賦玉蟾蜍

吟帆先生少負才名一官蹉跌著述甚富藏稿未出茲從劫餘詩在中登此一首聊見梗概而已

丁錫奎元夜侍牛雪樵張勉齋兩夫子聽琴歌

馬蕭蕭風騷騷羽檄如火賊如毛戰士十年血濺袍中原一炬土半焦山鬼哭兮猿狖號聽

琴歌感慨多劫後鄉國今如何吁嗟乎男兒生此七尺軀上不能鼓吹六經笙簧百家以爲

清廟明堂官揚訓謨下不能立功矢石之中雅歌投壺三軍奏凱天子郊迎而獻俘錦官城
中開元夜螢星鐙火狼籍酒脯管絃嘈雜東西廡花月江山誰賓主工歌未終聽我歌座中
飲酣淚如雨我不能飲磊磊落落拔劍斫地振衣舞

夜雨感興

旅館人初靜鐘聲夜未闌江山連日暗天地一廬寬雨足秋先伏燈孤夏亦寒故園今夕酒
應共話平安

涼夜不能寐殘燈對此身荒齋蛟罷市破壁鼠窺人有酒偏難醉無官未是貧蜀江今八載
寂寞過芳春

啾啾簷鳥宿時作喚雛聲感此中宵坐嗟予遠道行十年楊柳夢三載蓼莪情回首秦關路

於今未解兵

梁燕伏空處
蟲聲借雨聽
鄉心沈短夢
秋色透疎櫺
幾重秦塞紫
萬古蜀山青
不盡茫茫感
徘徊對畫屏

留侯廟三首錄二首

松花澗石挂烟蘿
老去英雄脫網羅
名將古來全節少
書生第一戰功多
空餘舊恨吞秦月
爲報新恩投漢戈
惟有陰謀遺憾在
韓王墓上草婆娑

野鶴高飛石化烟
老龍常抱萬松眠
橋留圮水千年跡
籌進鴻門一著先
名士果然能報國
英雄未必定成仙
留侯已去深山在
何處赤松謨後賢

留別靖邊士民三首錄一首



地冷天高風捲沙公餘匹馬課桑麻四鄉農隙勤栽柳五月山深罕見花雨後羊蹤千百畝

月明犬吠兩三家

亂後八稀

長官願化身無數徧踏村村靖鼠牙

邑境深闊民冤難伸余行所至有訟即判結

侯垣汴梁春闈下第二首錄一首

性命相依筆一枝毛生漫詡處囊錐
三千里路行應倦卅九年非老不知
荏苒風塵顏有甲

蹉跎歲月鬢如絲最是不堪回首處
大梁烟雨杏花時

張衍留別清水紳民

册中無作者姓名以名宦傳移之當是張衍姑以相屬未知確否

屈指尹上邽韶光近兩載愧無善政施
謬得輿情愛前歲烽火驚官僚紛告退
我來下車時

禦外急安內鎮撫釋疑猜漢回交感佩
偃武且修文興學先舉廢籌添膏火資發
權子母貸

會課生童文儼若師徒對斯文骨肉同如
親子弟輩不憚討論繁相與磨礪淬此院儲
衆材

幾年成俊又賴有主講賢循循善教誨

時劉翰仙
孝廉主講

人傑地自靈水秀山迂回湯峪泉甘溫月

臺雲黶黶隴右多名家秦亭古雄塞漢有趙壯侯千秋人物在由來風俗樸恂謹無偽態願
與諸生期努力追前代今我解組歸紳民情愛戴製錦復刊碑文章假大塊政績序千言自
慙德不逮惟有銘諸心足徵邀羣睽欲別惜瞻依綢繆增喟慨後會豈無期任圖他日再

劉文傑遊龐公庵

洞口閒雲鎖一溪疎松落落鶴孤棲仙山久去塵氛遠白鳥何爲復亂啼

林之望寓報恩寺祈雨

據禮縣新志

四山多風日杲杲旱苗如焚畏晴昊出山雲來風橫吹欲成甘霖苦不早軍符火急困轉輸
我來留滯秦山隅設壇率屬賢宰俱天心愴念民未蘇羣神上訴需雨急潛龍踏雲起呼吸

雷聲殷殷風習習須臾四郊澤徧及麥秋已近占乃粒微臣德薄敢貪天瘡痍未復猶烽烟
安得霖雨常救旱調和玉燭屢豐年

郭履泰邑侯招商四首錄一首

不遇茂林羣鳥馬寄不遇深淵游魚安萃欽維賢侯清風高致往者思來留者誰棄

焦志賢歸里口占

匹馬歸來望首陽滿山薇蕨正甘芳縱然餓得骨頭瘦埋向荒郊土亦香

秦州暨五屬先賢著書目錄例仍新志

迪岩詩草 四卷

考授 秦安監生路道庸著
通判

西山堂藏稿 一卷已刊

西安府 秦州舉人張烈著
學教授

南園詩集

秦州歲貢重 堦著

敦素堂詩文集

十六卷
已刊

秦州新志

已刊

蒲城縣志

已刊

八代文鈔

靜庵詩鈔

戶部
主事 秦州進士任其昌著

雙薇花館詩文集

四川
同知 秦州舉人郭鳳鳴著

存誠堂集

成縣
訓導 秦安貢生胡仲熊著

瀑亭遺稿四卷

文廟考略二卷

秦安貢生孫振聲著

聽松堂詩文集

鶴岩雜俎

秦州庠生吳發南著

守拙軒文集四卷

秦安增生巨 潭著

欲未能齋詩文集

四川
留知縣 秦安拔貢孫 海著

友蘭草堂詩文集

四川知縣 清水進士閣 樸著

來青閣日記

詩文集

倉場侍郎 秦州翰林劉永亨著

諫垣存稿八卷

望雲山房詩文集八卷

甘肅通志

掄材書院規則

四書講義 均刊

御史起用內閣侍讀 秦安翰林安維峻著

蘆洲存稿

欽道學正 秦州舉人蒲修政著

紫岔山房雜錄

禮縣貢生馬 昭著

東遊路程記

秦州庠生武鷹揚著

武功縣續志 二卷刊

阜康縣鄉土志 一卷

遂初雜志 十六卷

巨氏譜 四卷

說銘 一卷

家訓 一卷

悟簡 四卷

救時截方

慕研齋稿劫餘詩存 四卷 已刊

新編 康知縣 秦安舉人巨國桂著

靖邊縣志

聞善願續錄

雪鴻瑣錄

宜園詩文集 三卷均刊

陝西靖邊知縣 秦安進士丁錫奎著

自怡集 四卷

江西即用知縣 秦州進士葛汝葆著

癯仙未是草

秦州舉人劉肯堂著

三禮儀式圖解 三卷

醒世八箴

呂氏鄉約淺說

議敘 教諭 秦州貢生鄒向魯著

蔭古精舍存稿

禮縣貢生王篤本著

馬步射法

秦州布衣成其深著

碎琴齋悔存集

蘭州府學教授 秦州舉人劉兆鵬著

紫陽遺集 一卷

陝西紫陽知縣 禮縣進士梁士選著

東遊記

秦州舉人武天培著

補過山房吟草 一卷

秦安 劉植著

周餘錄

兩當志稿

兩當貢生荆維壙著

家訓

徽縣庠生王慕肅著

四範

正當訓導 秦州舉人羅世俊著

西山吟草

秦州布衣陳獻著

亦鳴集 四卷

秦州庠生劉蔭著

仲溫遺稿二卷 已刊

秦安孝廉方正安之瑄著

補遺

明李宛平集

潞安同知秦安舉人李元芳著

明養拙山人詩辭

潞州通判秦安貢生孫祇若著

謹案著書目錄惟秦安採訪冊有之秦州及餘縣均無茲據人物傳列入附錄州境石

刻古蹟新志有缺文而有刻未列者均補新志暨縣志已錄者不重出

武都西狄頌

文見新志

曾恭姬造像碑

文見續志

上州刺史李虎墓志銘

文見續志

唐相國權公碑銘

文見新志

此隋代物也宣統三年清水北鄉掘土所得字跡完好無撰書人姓名

權祕書墓銘

文見新志

興州江運記

文見新志

王公神道碑銘

文見新志

新開白水路記

文見新志

吳玠墓誌

文見續志

涼廳閣碑記

文見續志

在秦安宣統元年知縣黃國琦重葺明倫堂得此記於臥碑之陰北宋物也

安丙生祠記

文見新志

趙松雪碑

碑石四書五言絕句四首筆格雄傑不似趙之其他草書末署子昂兩字明嘉靖庚戌

巡按劉崧所鐫并附跋語石舊在名賢祠大雅堂壁下今為軍人移置祠門外跋語石

久毀文見續志

創建朝元觀七真碑

文未錄

在茅峪河茅氏兄弟七人春秋時得道於此元中統三年道士李志堅因夢塑像立廟

事與新志方按所載各異

門尚書祠堂記

文見新志

重修伏羲廟記

啓聖祠記

二文見新志

胡南皮墓碑

文未錄呂梅撰
康海書在秦安

秦州重修廟學記

文見新志

徽山書院記

文見新志

重建夜明寺碑

在遠門鎮

文未錄儒學
侯志良撰

堅公墓碑明知秦州杜廷棟撰

文未錄

堅公生祠碑

文見續志

修橋建城樓碑

文見續志

興谷寺鐘記

文見續志

普華寺鐘記

文見續志

重修秦州城垣記

文見新志

二妙軒殘碣

文見續志

宋荔裳分巡隴右時集清化閣帖字泐杜詩數十首於石置之少陵祠主乾隆中久散

佚無存知州王寬得搗衣石於僧舍僅有四首嵌之使院壁間

兩當重修廟學記

文見新志

兩當永利渠記

文見新志

兩當新建廣香書院記

文見新志

五賢祠記

文見新志

陝西總兵三德公追剿逆回紀績碑

文見新志

徽縣重修鳳山書院記

文見新志

立禮興書院記

文見新志

重修石門山記

文見新志

重修南郭寺記

文未錄碑二皆知州齊作七撰

重修天水郡碑

文未錄順治時知州姜光胤撰

重修天水湖記

文見續志有詩一首未錄

重修阜郊堡碑記

嘉慶四年

文未錄州舉人倪映衡撰

高橋剿匪碑

道光十八年事見人物門雷聲燾傳

文未錄州學生雷丙撰

重修柏林觀老君殿碑

文見錄道光年
州人潘濟賢撰

創建隴南書院碑

書院落成詩

均見新志
院在書

復建巡道行臺碑

文見新志
在行臺

敕建扞剛烈公祠碑

文見續志

敕建周公祠碑

文見續志

何時又移之
明倫堂無考

蔡隱君墓碑
文曰存心忠孝立身聖賢俯不作人仰不愧天

蔡隱李出撰
在泰安

重修禮縣聖廟記

文見新志

創建瑞蓮寺記

文未錄隴右道
部門紀成亨撰

衛仗張 爵買向氏宅未居典之遼左孀婦劉熊氏氏持齋冬月釜水生蓮花張某以
大士顯化乃捨宅為寺名瑞蓮官又撥以公地免糧使僧承種嗣由僧自購寺東寺前

地擴充紺宇遂成大刹碑所記如此時順治二年事與新志中虛和尙傳各異

重修伏羲廟碑記乾隆四年

文見新志

修義學九處記碑在明倫堂西壁湯九思撰據採訪冊云草書認不清楚姑附於此

漢陽書院記

文見新志

重修杜少陵祠記

文見新志

呂夫人墓誌銘

文見新志

禮縣義學記

文見新志

秦安禁車陋規碑

文見新志

祁山武侯祀田記

文見新志

滴水崖記 溫泉記

文見新志

籍水新隄記

文見新志

重修伏羲廟記 光緒十三年

文見新志

徽縣大河店修路碑

文見續志

陶公德政碑 在大水書院

文見續志

重修東關城記

文見續志

敕建陶勤肅公祠記 在三台丁

文見續志

敕建任先生祠記在三台寺

文見續志

重修玉泉觀工程記

文見續志

敕建丁公祠碑在水月寺

文未錄

重修南郭寺并改建杜少陵祠碑

文見續志

樊孝子碑在清水

文未錄事見流寓

重修文昌宮碑

文見續志

重修關帝廟碑

文見續志

重修泰山廟寢宮碑

文未錄

重修城隍廟碑

文未錄一文見敦素堂文集

清水惜字社碑記

文見續志

兩當忠義祠碑

文未錄

知縣陳昌撰

卷之七終

秦州直隸州新志續編



卷之七

三

蘭州國民印刷局排印

三才小正卷之十一

三十一

秦州直隸州新志續編卷之八

附考第十

載記今無其事也地辨無可復辨則附考可不存矣然依附考序例云云禮祥方技兩類無所附屬仍按原次續附考第十

附考一 禮祥

光緒十四年雨當縣大風拔木禾盡偃茅屋盡捲

二十一年旱羅玉溝大水溺三人漂水磨三座禮縣大疫

二十二年州北鄉旱

二十三年州西鄉大疫

二十四年夏旱秋潦

二十五年春飢秋稔

二十六年州旱兩當縣歲飢

二十七年禮縣大疫兩當縣三月中蠶如雞卵禾苗盡折

二十九年兩當縣馬陸害稼山原城市均充塞南鄉至絕經行沙崖食小兒一自五月至九

月始滅馬陸原註謂俗名古節蟲

三十年州夏旱秋潦大風拔木禮縣北崖城河氾溢冲沒田百餘畝

三十一年西南鄉大飢知州潘齡皋開局放賑冬大雪前後七十餘日

宣統元年北鄉隴水暴漲冲决堤岸沿岸數十村莊盡成澤漂沒田禾牲畜房舍無數

二年七月雨至九月

凡一產至三子以上者自來史乘皆收於災祥中此次採訪冊有木工劉三多妻產三子菜戶王順妻產五子有不類人者未紀年分無從參加附存於後

謹案秦安清水徽縣採訪冊未載災祥

附考三方

哈鳳鳴應龍從龍之父太史銳之祖也劉尙志侍郎永亨之父也皆業醫遇貧家不僅施藥且酌給炭費亦不問其姓氏凡窮寒者皆不登簿籍之中二人爾不必高而存心之仁如一尙志尤剛直而口吃非義之干面折力爭利口者往往屈服焉嘗謂所謂天道者應心不應跡者也觀鳳鳴尙志之行事可信報施之不爽云

楊來鳳字儀亭先世關西人後有司鐸隴右者遂家於秦來鳳幼好學能深思及長讀醫書
出卷了悟因以此成絕業其學貫穿靈素仲景各大家書而能運以回機常謂非心明似鏡
心細如髮不足言醫故時出奇法時輩均未能解聲效既久公推爲州醫學典科嘉慶間勒
保公道致匪過秦櫻重疾來鳳一藥而愈勒奇之欲攜往軍幕許曰保知縣來鳳力辭勒又
歎其高潔酬以重金而去由此名益噪平日言行純正如儒者喜爲鄉里排難解紛其爲醫
寒嚴熱酷名之立至遇貧家或解囊助之晚年病日求診者接踵於家使子孫輩檢其書取
某方加減之應手效可見古方爛熟而所擇者精也師之者甚多不久皆辭之去曰子非此
道中人別尋生業勿誤已且誤人故卒無傳其學者亦不傳於子孫至今言醫者猶稱楊醫
官不置云後有藏廷揚字虎臣西鄉牡丹鎮人自其曾祖得轉嘴張某指授良於醫傳之廷

揚伯祖及伯父術愈工名愈噪廷揚少孤育於伯父盡得其祕奧又好素難諸經研求精思尤有心得凡異症無棘手者馳聲數百里間服其方輒效長子成德四子尙德能承其家學高峯南鄉人州庠生見義勇爲遇水旱獨設法濟貧同治十三年州牧購營火地委峯司其事勤慎無私其鄉有漢忠烈侯紀信祠舊無祭田峯爲募捐百餘畝使紀族掌之以作歲修香火之資新洞寺名勝地也年久傾圮峯又募捐一新以供遊覽峯通道術晚年常避穀師事者甚衆將死率子孫指葬地令備棺迎喪於某日某地言訖獨步而去坐化於某弟子家其言皆不爽云

李道人幼爲牧羊兒主殺母羊其羔悲鳴擲地死李感動立棄羊鞭亡去出世於隴州龍門洞洞爲邱長春修真地居久之有所得持行不懈或赤足走千里或并日不食七十餘歸秦

州住城西演法寺出橐中金修殿宇雙瞳湛然容如童子語多元妙一蒲團坐殿柱間寒暑不入室惟聞經魚聲琅琅然晨起募化以三家爲率不得則止多與亦不受通聲韻反切學自云由靜悟得之後雲遊不復來

王潤身貌偉精拳術嘗服賈南遊漢沔間聞某寺方丈以少林技名一時莫能敵潤身訪之甫交手僧曰止老僧閱人多矣子技精也遂訂交後與高第弟子四人會飲既酣四人者矜其能請共師一角爲戲潤身笑頷之四人乃起而攢攻潤身略振臂皆跌出數丈外一一扶之起勉以熟練而已潤身晚得紀效新書晝夜研求兵法然潤身志欲表見於世非僅以拳勇鳴者也

謹案熙隆間聞吾鄉精此術者甚多志乘以爲遊戲之技故採訪不及然熊經鳥神通

於仙道內功外功宗傳派別其事難於開弓撥石近今武科既廢拳術漸興觀潤身之技可謂精矣登之以備考證云

五縣採訪冊雖有善醫者皆散見人物傳中不立方技專門

卷之八終

三才小世宗少精元紀綱

卷之六

四

封面	-3
书名	-2
前言	-1
1	1
2	2
3	3
4	4
5	5
6	6
7	7
8	8
9	9
10	10
11	11
12	12
13	13
14	14
15	15
16	16
17	17
18	18
19	19
20	20
21	21
22	22
23	23
24	24
25	25
26	26
27	27
28	28
29	29
30	30
31	31
32	32
33	33
34	34
35	35
36	36
37	37
38	38
39	39
40	40
41	41
42	42
43	43
44	44
45	45
46	46
47	47
48	48
49	49
50	50
51	51
52	52
53	53
54	54
55	55
56	56
57	57

58	58
59	59
60	60
61	61
62	62
63	63
64	64
65	65
66	66
67	67
68	68
69	69
70	70
71	71
72	72
73	73
74	74
75	75
76	76
77	77
78	78
79	79
80	80
81	81
82	82
83	83
84	84
85	85
86	86
87	87
88	88
89	89
90	90
91	91
92	92
93	93
94	94
95	95
96	96
97	97
98	98
99	99
100	100
101	101
102	102
103	103
104	104
105	105
106	106
107	107
108	108
109	109
110	110
111	111
112	112
113	113
114	114
115	115
116	116
117	117
118	118

119 119
120 120
121 121
122 122
123 123
124 124
125 125
126 126
127 127
128 128
129 129
130 130
131 131
132 132
133 133
134 134
135 135
136 136
137 137
138 138
139 139
140 140
141 141
142 142
143 143
144 144
145 145
146 146
147 147
148 148
149 149
150 150
151 151
152 152
153 153
154 154
155 155
156 156
157 157
158 158
159 159
160 160
161 161
162 162
163 163
164 164
165 165
166 166
167 167
168 168
169 169
170 170
171 171
172 172
173 173
174 174
175 175
176 176
177 177
178 178
179 179

180 180
181 181
182 182
183 183
184 184
185 185
186 186
187 187
188 188
189 189
190 190
191 191
192 192
193 193
194 194
195 195
196 196
197 197
198 198
199 199
200 200
201 201
202 202
203 203
204 204
205 205
206 206
207 207
208 208
209 209
210 210
211 211
212 212
213 213
214 214
215 215
216 216
217 217
218 218
219 219
220 220
221 221
222 222
223 223
224 224
225 225
226 226
227 227
228 228
229 229
230 230
231 231
232 232
233 233
234 234
235 235
236 236
237 237
238 238
239 239
240 240

241 241
242 242
243 243
244 244
245 245
246 246
247 247
248 248
249 249
250 250
251 251
252 252
253 253
254 254
255 255
256 256
257 257
258 258
259 259
260 260
261 261
262 262
263 263
264 264
265 265
266 266
267 267
268 268
269 269
270 270
271 271
272 272
273 273
274 274
275 275
276 276
277 277
278 278
279 279
280 280
281 281
282 282
283 283
284 284
285 285
286 286
287 287
288 288
289 289
290 290
291 291
292 292
293 293
294 294
295 295
296 296
297 297
298 298
299 299
300 300
301 301

302 302
303 303
304 304
305 305
306 306
307 307
308 308
309 309
310 310
311 311
312 312
313 313
314 314
315 315
316 316
317 317
318 318
319 319
320 320
321 321
322 322
323 323
324 324
325 325
326 326
327 327
328 328
329 329
330 330
331 331
332 332
333 333
334 334
335 335
336 336
337 337
338 338
339 339
340 340
341 341
342 342
343 343
344 344
345 345
346 346
347 347
348 348
349 349
350 350
351 351
352 352
353 353
354 354
355 355
356 356
357 357
358 358
359 359
360 360
361 361
362 362

363 363
364 364
365 365
366 366
367 367
368 368
369 369
370 370
371 371
372 372
373 373
374 374
375 375
376 376
377 377
378 378
379 379
380 380
381 381
382 382
383 383
384 384
385 385
386 386
387 387
388 388
389 389
390 390
391 391
392 392
393 393
394 394
395 395
396 396
397 397
398 398
399 399
400 400
401 401
402 402
403 403
404 404
405 405
406 406
407 407
408 408
409 409
410 410
411 411
412 412
413 413
414 414
415 415
416 416
417 417
418 418
419 419
420 420
421 421
422 422
423 423

424 424
425 425
426 426
427 427
428 428
429 429
430 430
431 431
432 432
433 433
434 434
435 435
436 436
437 437
438 438
439 439
440 440
441 441
442 442
443 443
444 444
445 445
446 446
447 447
448 448
449 449
450 450
451 451
452 452
453 453
454 454
455 455
456 456
457 457
458 458
459 459
460 460
461 461
462 462
463 463
464 464
465 465
466 466